

Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

Байрамлыш гьалмагъуни!



1/2019

январь - февраль



Мялъякьбалалыныб Сарал дус.



Гьалмагъдеш



ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство информатизации, связи и массовых коммуникаций
Республики Дагестан

РУКОВОДИТЕЛЬ - БЕКИ РЕДАКТОР

Мурад ГИЯХИМАДОВ

ЖАВАБЛА СЕКРЕТАРЬ

Т. ЗУРГЪАЛОВА

РЕДАКЦИЯЛА КОЛЛЕГИЯ

ХІ. Къурбанов (журналла редактор)

Къ. Мигърабов

Т.СягИдов

ЖАМИГИЯТЛА СОВЕТ

А. Гиябдулмананова

И. Ибрагъимов

Ш. МяхИяммадов

Х. ХІябидова

Х. Юсупов

И. МяхИяммадов

1
2019

январь - февраль

Кел бази гъачам
дурабулхъан

Выходит один раз в два месяца

1952 ибил дуслизиб
акІахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:

ДРАМАТУРГИЯ

Дагъита халкъла писатель Къасум-Бег МИГЪРАБОВ. Аркъутала къел.....3

ПРОЗА

Хадижат ХИЯБИБОВА. Чарбухъни.....26

Ибрагъим ИБРАГЪИМОВ. Цализиб ва хилизиб.....36

ПОЭЗИЯ

Дагъиста халкъла поэт Аминат ГЯБДУЛМАНАПОВА. Назмурти.....51

Тавсултан СЯГИДОВ. Шибши хъара.....59

ПРОЗА

МяхИяммад КЪАРАТОВ. ДиштIаги хабурти.....62

ОЧЕРК

МяхИяммад ТАХСУРМАНОВ. Дагъистан багъахъурси.....67

ПОЭЗИЯ

Гяйша КЪУРБАНОВА. Назмурти.....71

ШапиГI МЯХИЯММАДОВ. Назмурти.....76

Дагъиста халкъла поэт Мирза ДАВИДОВЛИС – 80 ДУС. Назмурти.....84

МяхИяммад СЯГИДОВ. Рурсила лусен. Поэма.....88

ФОЛЬКЛОР

МяхИяммад ТАХСУРМАНОВ. Къаркъакурти къуцIри.....94

ШяхI МЯХИЯММАДСЯГИДОВ. Буралаби.....96

Регистрационный номер ПИ №ТУ05-00369 от 23. 12. 2016 г.
Выданный управлением Роскомнадзора по Республике Дагестан.

Типография: ООО «Издательство «Феникс-пресс»
Адрес типографии: 367018, РД, г. Махачкала, пр. Петра I, 61

ГЪАЛМАГЪДЕШ №1 2019 г.

На даргинском языке

Выход в свет 7.03. 2019 г. Тираж 413 экз.

Заказ № 342 Цена свободная.

Печать офсетная. Бумага офсетная.

Формат 70x108 $\frac{1}{16}$.

Усл. печ. л. 8,4.

Усл. изд. л. 8,7.

Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.

Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:

litdag@mail.ru

Драматургия

Дагъиста халкъла поэт
Къасум-Бег МИГЪРАБОВ



АРКЪУТАЛА КЪЕЛ

КИЕЛ АНЦІБУКЪЛА, УРЕГАЛ СУРАТЛА

ПЪЕСА

БУТІАКЪЯНЧИБИ

Писатель. – 60 дус
Ухъна. – 60 дус
Тухтур – 40 дус
Хіява – 30 дус
Сестра – 18-20 дус
Тіаус – 25 дус
Расул – 25 дус
Лаура – 18-20 дус
Марьям – 50 дус

ЦАИБИЛ СУРАТ

Гъарахъларад, лергІер гъарахъларад, дам-дядла агурби чедихули сари. ЛергІер гъамли ахъ-диубти гъаннала заманала рок музыкала тІамали мекъла агурби детихъахъу. ШалгІеббулхъути жагъилти биъни аргъесли саби. Илдала ихтилат иргъули саби.

– Калянусь, уртахъ, ит ништяк кадра сари. ВирххІерулрив? ХІу набчи вирххІерулрив?

– Вирхарулла, уртахъ, вирхарулла! ХІечи врххІерули гІур чичи?..

– Юх, хот так говоришь, набчи вирхарусигъуна ахІенри хІу. Она же... она же... (*гъавала уммайла тІама*) я её не забуду..

– Ваши, аркъехІе...

– Никогда!

– Я тебя никогда не забуду.

Я тебя никогда не увижу...

– Се?! Никогда не увижу?!

– Хези ахIенра... Илгъуна далай лебси саби, ца поэтли белкIунси...

– Эгъ... гъ... О чем ты балаболишь?..

Илди гъарахъбиркули саби. Тамри детахъили декIси лехIдеш чебилхъули саби. Хапли чедихули сари «къалабаси кумекла» сиренала тIама. Илди тIамали алавла чебиргъахъули саби. Гъар чинаралра тIама-гъама ахъдирули сари. Багъла-багълали илдира детихъули сари. (Илди лерилра кадиркули сари цIябдешлизир)

Сцена гъаргъбирар. Шала улкан.

Больницала палата. КIел кровать. Ца кроватличивси зягIунси кайили сай. Итилличивси къагъдешлизив левал. Операциялис гIергъи кабилзуси капельницара лебал. Кайибси тамашавиубли хIерикIули сай. ил замана палатализи тухтур айцIули сай, декIли зягIунсиличи гъамиубли хIила тимхъ хIясиббинули тIашилзан, се сабил белкIи кисалабад дурасибси кагъарлизи дуравхъес валилзан, ухънала хIер хIясиббинули тIашилзан.

ТУХТУР. ЛевгIев декIли сай.

УХЪНА. Мурт кибсив ил? Ну?.. (буруси таманхIебиру)

ТУХТУР. ХIу къагъдешлизиври... иша кибхIели, изала цIакъбиубли.

УХЪНА. (ЛехIдеш. Тухтурличи хIерилзан. Мурхъли гъигъбатурли дяхIличи хъутри чедурицу). Урши, нуни хIези итхIелира бурира, гъаннара бурулра, къайгъибара ну сагъварес. Селра ахIерахIебирис. Селра. Дигалли гъанна лугас, заманалис гъалар (Алзан).

ТУХТУР. НуникIун, ази, хIези бурира, нуни вирус бири или. Селра гес гIягIнили ахIен. Пачалихъли наб алапа лугули саби. Дила хIянчилис.

УХЪНА. Нуни балулра хIед алапа лугули биъни. Балулра. Наб дигулра дила шайзибад баркалла багъахъурли, хIела дурхъаси хIянчи къиматлабарес.

ТУХТУР. ГIягIнили ахIен, ази, селра. ИмцIа тикрарбирнилизивад имцIабируси агара. Наб селра гIягIнили ахIен. ХIела изайчи къаршити дарман дирис нуни. Вирхулрив? (ЛехIдеш). Вирхен, ази, вирхен.

УХЪНА. (Мурхъси гъигъбатурли кайрар. БекI къухIбурицу). ВайтIа бургар дила аги. ХIебиалри, хIу или хIейкIади.

ТУХТУР. Сен или викIулри, ази? НуникIун сабаб хIе...

УХЪНА. (Буруси къябаили). НукIун хъяша ахIенра хIела мягIна хIергъес. НукIун зягIипикибси гъаннацун ахIенра. (Алзан. Ахъбуцили хIева шали чебиахъу). Их хIяна чебиулрив? Пачалихъла маза датахъес гъазализи керхурхIели бетаурси саби. ИтхIели тухтурли сасиб набзибад савгъат, сагъра варира ташмишхIейкIесли, амма... (ЛехIдеш) хIечи ну вирхули ахIенра. Дила аги вайтIа хIебиалри, хIу или хIейкIади. Набчи баралра вирхули виадлири – сагъвирниличи.

ТУХТУР. Ази, тиладибурулра хIези, паргъатии. Вачавархес асухIебирар хIед. Вирхай набчи. (Дураулхъан)

Ухъна алзан, вет-сад къунзулхъан. Палатала дайлав тIашизурли гIяндиркусиван хъяб буцили пяхъярухъи тумбучкаличи ветулхъан, се сабил касили, дубша абатурли, къакъла дарман пухъдиру. Кроватличи кайрар. БекI бурицу. Ил замана палатализи хъунул адам арицIур, ухъначи хIер чIярхъунбатурли ил, аргъалаличи хIекIибси зягIунсиличи ретулхъан, симкърикIули:

ХІЯВА. Гъуя се барилрив гъари хІуни? Се?! Нуни се бирусира? Ва дила ахІерси... *(Рисули дяхІла хІеррилзан)*. ХІуни хъумартурлирив нушала къасани? Хъулани... Нуни балусири илкъяйда бетарни. Балусири. ЛехІхІехъири къалли чичилра... Юх, илкъяйда бетаалли набра хІейги гІямру...

(Ил замана палатализи тухтур айцІур).

ТУХТУР. Иш се сурат сабив? *(ЛехІдеи)* ХІу чи сарри? *(рурсиличи ветулхъан)* чили арацІахъирив иша хІу! Гъа! Сестра! *(УнзаличивяхІ ветулхъан)*. Сестра! *(Палатализи сестра арицІур)*. Иш се сабив?! Гъа!? Иш больница сабив гъари, яра гумаю?! *(Сестра, се ирусил хІебалули, ХІявачи хІеррикІар, се сабив хІуни барибси рикІусиван)*.

Къалабали дурарухъен ишарад!

ХІЯВА. Се бетаурлив ишис! Се?! Ну хІеракІили иша гІур чи лявкъусив? Жан, узи, гъимхІевкІили бура, се бетаурлил.

ТУХТУР. ХІу чи сарри?

ХІЯВА. Ну? Ну ХІява сарра! Се декІар...

ТУХТУР. ХІява ризсра асубирар. Иш зягІипсила чи саррив?

ХІЯВА. ЗягІипсила?! *(Симкърулхъан)* се декІардеша чи риасра, ил багъандан уркІи изуси риасли...

(Тухтурра сестрара цаличи ца хІербилзан. Тухтурли ХІява дура гъунирратахъес лишанбиру. Сестра иличи ретулхъан, ХІявали къаршидеи диру).

ХІЯВА. Сен? *(ГІяжизли алавчар хІеррикІули)* сен ну дураэс дигулрав хІушаб? Наб ишис бетаурси багъес дигула! Багъес!

ТУХТУР. Ишис бетаурси чарбарес чилилра хІейрар, амма сагъварес нушала имкан леб. Вяв-чІярличил биалли селра барес хІейрар. Ил багъандан хІези нуни тиладибирула дурарухъни. Гъанна иша айцІуси замана ахІен. *(Сестра ил гъунирратурли дурарулхъан)*

ЛехІдеи

УХЪНА. ХІябилра къакъаси лер *(Сунези сунени ибсиван иру. ХъехІбуришу. Кроватьличичи кайрар. Тухтурличичи хІерилзан, ил агарсиван)*. КъакъахІейкІес декІар вирару ишав, вегІличичи се хІерлил багъес вирули хІейалли? ЦІябдеш биалли. *(Къакъьбирули калхъан)*.

ТУХТУР. ЦІябли саби викІулрив, ази?

УХЪНА. ХІуни балулрив ну се викІулрал?

ТУХТУР. Нуни балуси чІянкІли ца секІал саби... *(ЛехІдеи)*. ХІед аравиеэ дигусигъуна ахІенри.

УХЪНА. *(Жагъилван кункли алзан. Тухтурла гъала тІашилзан)*. Наб?! Наб аравиеэ хІейгулрав?! Юх! Юх! ХІед саби ну араварес хІейгуси, сенахІенну чили сабил бурили саби хІези ну кавшахъес...

ТУХТУР. ГІяшлиалра гъайикІен, иш адам декІли зягІипли сайну...

УХЪНА. Иш адамгъуна сайра нура. Иш! *(Иличичи тІул бяхІчишу. ХъехІикІули журугирар)*

ТУХТУР. Ази, гъари кайи иша. Кайи!

УХЪНА. *(ХъехІикІули гъайикІар)*. Кайрули ахІенра!.. Кайили... алзули сагъирус... ахІен.

ТУХТУР. Нуни се барили дигулрив, ази, хІед?

УХЪНА. (*Къалабали ласирхъур*) Бареси хЛебалули виадли, ишаб се лебсив хЛела?

ТУХТУР. Или викІни хЛела бархъси ахІен. ХІуни ну вайси агиличи калтулра. ХІуникІун балулри наб асухІебирни хІечил жаликІес. Илала дурабадра... нуни сабабра чебиули ахІенра жаликІес... Нуни хІези тиладибирулра пикрихІейкІахъес. КъакъахІейкІахъес, хІед биалли аргъес дигули ахІенри. Пикридирулри агарти секІал...

УХЪНА. Се?! Се пикрибарилрал сен хЛебурулрив?

ТУХТУР. ХІу ахІенрив, гъари, чили сабил кавшахъес хъарбарили саби ибси? Яра...

УХЪНА. Гъайгъайра нуни сабри. Гъанна-декІар хІейкІулрав ну? Гъаннара викІулра. Яра. ХІед гъанбиркулив адам ханжай ахІи кавшес хІейруси сай или?

ТУХТУР. ХІечил гъайикІес гъамадли ахІен, ази. СенахІенну цархІилли бурусиличи хІед лехІахъес дигули ахІенри.

УХЪНА. Во... во... ХІуни сайра ну ил агиличи ушибси, хІуни. Ну сагъварес се бирулрив хІуни? Гъа? Илди хЛела чумал журуга таблеткали адам сагъхІерни хЛебалуси леву? ИлдикІун мицІираглира дугути ахІен.

ТУХТУР. ХІу кайэс вирулрив, ахІенрив?

УХЪНА. (*ВайтІа хІерилзан*). Сен хІейрусирив? (*кайрар*).

ТУХТУР. Ази, лехІахъи гъари гъанна бурусиличи. Аргъес къасбара. Нуни балулра зягІипси адамличи сегъунти-дигара пикруми дашни. Илди пикрумачи ил лехІихъни ва илдала асарлиувхІели къалабаикІни, сабурагарвирни, вирхаи набчи. Нуни хІед сагъахъес гъар-секІал дархъли дирулра. Сагъирнила курс бархъли дурабуркІулра. ХІу биалли дугІли васвасикІулри. Эгер, хІези чили биалра буриб виалли... (*ЛехІдеи*) дигІяна-гІяшли шивкІивбатур виалли, хІу сагъхІейахъес дигули саби или, кавшес дигули саби или, илдачи вирхмаруд, сенахІенну хІуни наб барибси селра вайси агара... (*ЛехІдеи*) Эгер лебси биалра... эгер хІу дила хІила душман виадлира, набзиб ихтияр агара хІу сагъхІерес. Нуни пачалихъла гъалаб, нушала халкъла гъалаб хъя барибси саби, мурталра хІялалли узес – дила ахъри лебалли... Гиппократла хъя бикІар илис.

УХЪНА. (*ГъакІбирули бекІ гъинчІилзан, тухтурличи хІеръили алзан, хъехІбурушу, сагали кайрар*). Нуни иличила балуси саби, жявхІейчибад (*ЛехІдеи*). Цалра тукенчизира бурибси ахІен адамти биргІябирген или, цалра ялчилизи бурибси ахІен вайтІа узен или, цалра хІякимлизи бурибси ахІен халкъла тІалабуначи, зугІлумачи, тиладиличи лехІмайхъуд или,... цалра букІуннизи... агрономлизи... цалра... цалра... (*Гъигъ къябудахъу, хъехІикІули алзан*). Нуни далути сари заканти. Конституцияличилра тянишсира. Амма илди делкІунтанира балули саби илди хІедузахъни, я дузахъес хІейрни. Илди дузахъутира балути саби нуни, чумра къаршибикибти саби... Илдачиб адамти чебдукаркІули саби, мехІуртази халбарили...

ТУХТУР. Илдани ахІену гъатІи?..

УХЪНА. Гъари, къурдаш, балтехІе ихтилат гІякълумачила. Илди хІедалуси левси ахІен. Урегал дус биубтанира далути сари хЛебра янира! Се сарил декІардарес. (*Хапли, се сабил чисалра гъангарси секІал аргъибсиван, тирхъулхъан, хІулби вякъиу, цухилзан*)

Бура, гъари набзи, хІу араदेशлизив сегъуна вирадив виштІахІели?

ТУХТУР. (*ГъинчІизурли*) ВиштІахІели?.. (*ЛехІдеи*). ВиштІахІели ну декІли зягІипикибсири или нешли бурули рири.

УХЪНА. Сегъунтилра гъанбиклуми хѐла аргъайзир кахѐли диалли, арадешлизив хѐу мурталра вайтѐа хѐйради. Ну виштѐахѐли левгѐев зягѐипси вирусире... даим дила бегѐти какъвали бири... Нуни гъар-секѐал далулри, илбагъандан лебгѐеб гѐядабли бири. Дила какъарлаб къутѐкъуси гѐянд камхѐебири, ну имѐцаси замана цунни вираси... нуцун... дила деѐличил.

Итхѐели акѐуб бургар набзиб къияндешуни дяхѐяруси цакъ... гъуѐѐ алли гъатѐира балбикибси саби... гъуѐѐ...

Тухтур чуйнара-сера зягѐипсилочи хѐерилзан, иличи гъамирар, хѐила тимхъ умѐу. Зягѐипсили хѐулби гъарѐдиру, азадси някъ шикъбиру, се сабил иру. Тухтур разиси хѐяйчил сягѐятличи хѐерилзан. Зягѐипсилис хѐули линкѐбалта.

ТУХТУР. Виштѐахѐйчивад къиянти дяхѐяэс бурсивиубси виадли, ази, гъанна сен какъаикѐулри хѐу? Гъанна гъатѐира сабурчевсили виэс гѐягѐинили саби хѐед. *(Ца бара лехѐихъур).* Пасихѐсилира виэс...

УХЪНА. Гъанна гѐямрула дуѐѐ итхѐеливан ахѐи хъярхъли саби. Гъар бархѐи ахѐербарес дигула, гъар сягѐят...

Тухтур дуравхъес валилзан. Унзала гъала виур, чарирар. Михъирла гъала дуѐѐили някъби ухънала гъалав тѐашилзан. Хѐева ахъбуцахъес буйрухъбиру. Лехѐихъути лехѐбачи диру.

ТУХТУР. Чевверхи, ази, хѐуни буруси къябаили или. Мурхъли гъигъикѐен... Багълали... Хѐуни ири виштѐахѐли къияндешуни дяхѐярес бурсивиубсира или... Нуни аргъиливан, иличи хѐу бурсиварибси излумани сайри...

(Хѐева балбиру. Кайрар)

УХЪНА. Ахѐенри... Иличи ну бурсиварибси гѐямрули сайри... Гѐямрули. Зягѐипдеш... ил гѐямрулис декѐси мах саби... ил дунгъяличи гъярѐѐа какъалавад заки хѐерикѐни саби... Хѐед биалли лебилра зак чебаэс гѐягѐинили саби... лебилра... лебтаниван...

ТУХТУР. Хѐечил къабуликес хѐейрус, ази, сенахѐенну лебилра ара-сагътили биэс бирути ахѐен. Лерилра анкѐила къукъѐира челяркъули хѐедирар. Баргаили уркѐи берхѐиличи гъардакѐес лерилра гъуѐѐдикѐар, амма лерилра гъардакѐес хѐедирар, сенахѐенну детахълуми агарти чедибдешуни дирути ахѐен. Мурталра чедииркес вирусире ахѐен.

УХЪНА. Асубирар или биэсра, амма наб дигули ахѐенра чебакѐили гѐергъи бубкѐуси анкѐила чѐиъ. Наб гѐямру дигула! Гѐямру! Дила дирутала ва далдуѐунала ахир агара...

ТУХТУР. Ца суал хъарбаэс дигула, ази. Асубирару?

УХЪНА. *(Бекѐ гъакѐбиру)* Лехѐихъула.

ТУХТУР. Хѐела пикрили зягѐипти адамти улкалис декѐдешцун саби. Ахѐену?

(Ухънани селра хѐейру)

Се бирув гъатѐи илдас, лебилра сагъбарес хѐейрули виалли? Адамкѐун тѐабигѐятлис буйрухъикѐес вирусире ахѐен.

УХЪНА. Вирули сай адам тѐабигѐятлис буйрухъикѐес. Вирули сай... Илбагъандан бекѐсигъуна пикри бяхѐичиэс гѐягѐинили саби сагъдешличи... зягѐипдеш биалли хѐейгу-хѐейгули вегѐличил дихес чевкъули саби, эмхѐели дехван.

ТУХТУР. Дила пикрили, ази, хЛуни буруси бархахъири. Гъанна хЛуни буруси ца камси замана гъалаб ибсиличи кършили саби. Сенахенну, хЛу декли зягиплира сайра виклулри, эмхели дехван хлейгу-хлейгули зягипдеш дихес гягнители сабира виклулри... Эмхеле кьалли бегла чят лерси мерличи дех лайбакес умцуси саби. Нуша биалли адамти сарра... Нуша сабурчертили диэс гягнитиси саби. Дехра бихули, дех чебтира дигули хлердиэс гягнитиси саби.

УХЪНА. Селра агара нуни бурибси... кършиси... Наб ихтилатуни хлейгахъис мурхъти... Ну мурхъдешлизивад мурталра урухлули вираси, сенахенну ил урехи саби. Хатгаличи ганз саби...

ТУХТУР. ХЛу, ази, сахъси адам уилри. (*СягЯтличи хЛерилзан*). Чевверхи, ази, наб арукъес гягнитиси саби. Ишини се биалра тиладибаралли, сестрази Памадара...

(ЛехИдеи)

Амма гягнитиси ахен, нуни бурис сестрази, гьарраклахъес.

(Дураулхъан)

УХЪНА. Далутирая хЛуша нуни, яхI-ламусли дицибтала глердирути клурми. Дацти клурми... Цархилтала децлани ва зуглуми дихути бахъал леб или виклулрив гьатли хЛу? Яра хЛуни дихулрив? Цархилтази дура илди... цархилтази... Набзи гягнитиси ахен... Гямру далути сари нуни. Урусуну биклуливан, ил гьуйчир чумра хя деркунси сайра ну... ХЛура нугъуна сайри, нугъуна... Гямру хлейгуси левси ахен. Хлериклус хлечи жягял, царахел, секъяйда руржуси хъатлизи кайсидал.... Гъи... гъи... хяли хледугути... Хлериклус!...

Илзамана зягипсини бекI ахъбурицу, алавчар хЛерилзан. Унзала гъалав цудара палтарли регриубси ахъси хъунул адам рагьаррирар. Ил чераили ухънани дяхI хъябшдурцу, улкъайличи гъамиубли, хъехликес вехлурхур.

УХЪНА. Нушаникун гьар секлал арзибтири. Гурра сен ракллри?.. Багъи, КIаламшат, ибси барехлебирис. Вассалам- вакалам.

КIАЛАМШАТ. Велхунрив, узи. Арадеш сен сабив? Изахъули левалрив?..

(ВайтIа хЛерилзан)

УХЪНА. Чянкли глермадирид, дила арадеш багъандан хЛу къакъаракли иша ракллри риъни... Наб хлейгахъис хъярчидеш!

КIАЛАМШАТ. Наб хЛу ара-сагъли виубли хлейгули гур чи дигусив? Сен или виклулри хЛу? Рурсира децлрикули сари. Даим рисули сари.

УХЪНА. Ил кьалли сунела мурул багъандан сари рисуси, ну багъандан ахенну, или биъни хЛунира балулри.

КIАЛАМШАТ. Ягъари, гур чичи аркьутира нуша, хлечи хледакли Гъу, бура! (*Ахъли рисирирар. ДяхIличи хъутри чедурцу*).

УХЪНА. Ишав вебклибси агарану, лехIкахъи. Иш декли зягипти кабиркъуси палата саби... ЛехIкахъи виклулра, дурайурину!

КIАЛАМШАТ. (*Явлухъличил хЛулби ушку. Уталичи багълали уруз-хIяцли гIяширар*). Вирхаи набчи, узи, ребкесличиб хлейгули ракллра, сенахенну

Салимат багъандан уркъи баргудули саби. Рирули ахѐнра илала нургъби чедиэс.

УХЪНА. Нуни бурра илала муруйзи, мяхѐкамли шикъикѐн или, сенахѐнну илала балликъянаби – кепеклизи цалра бугаги. Цалра.

КІАЛАМШАТ. Сегъунти биалра, ухѐнакаибси ил сай.

УХЪНА. Нуни се барили дигулрив? Нукѐун прокурор ахѐнра, яра судья...

КІАЛАМШАТ. Амма хѐуни кумек барес виради.

УХЪНА. Секъяйда?

КІАЛАМШАТ. Прокурорличи гѐярза белкѐадри...

УХЪНА. *(Къалабали ласирхъур)* Се гѐярза!

КІАЛАМШАТ. Хѐуни Муслим гѐяхѐил валниличила, ил хѐялалси адам балликъянабани «чятлизи» гѐелаушниличила ва илди балликъянабачила...

УХЪНА. *(Къяркъли)* Мехѐурта маругъуд! *(Лехѐдеш. Унзаличи гъамирар. Лихѐли чебуцили, лехѐихъур, дуѐли зягѐисиличи виур ва, дянгухъи, гѐлавахѐ чарирар, гъалаб агъула чѐичѐлала чебаибсиван).*

Ме... ме... мехѐурта маругъуд викѐулра. *(Лебгѐеб гѐяшили)* Мехѐурта маругъуд.

(Кѐаламшатра зягѐисиличи хѐеррилзан, гѐур узичи ласрирхъур. Вачавархибси узичи хѐеррикѐули, арилзан).

КІАЛАМШАТ. Нунира илкъяйда ира Салиматлизи, хѐелукѐа или. Гѐяхѐдешличи хъулрикѐули ибсири. Чевверхи...

(Лехѐдеш чебилхъан. Кѐаламшатлис гѐурра се-сабил эс дигули сари. Ухъна вачавархили левал).

УХЪНА. Гѐур се бурес дигулрив?

КІАЛАМШАТ. Ца... ца... *(Хъехѐбуришу)* хѐейишира ца вецѐал азир къуруш арцѐалра гес. Белики верцахъес виэс...

УХЪНА. *(Бекѐлизи се сабил зугъаси секѐал бяхъибсиван, тирхъухъи, цухѐлзан, рузичи къураили хѐулби, шипѐвиргѐур).* С... си се!? Чум ирив?!

КІАЛАМШАТ. Ягъари, узи, дила муруй итхѐели бурибсири къалли хѐуни сецадал арцѐа лугути сари или... нушала бегѐтала хѐялалти умачиб хъя бирулра, рахли хѐеиб...

УХЪНА. Нуни хѐези буррагу, къяна бурулри или. Сен гѐурра тикрарбирулри? Хѐела муруй лебилра мас бержиб... детахъахъиб... Иргъулрив?

Нуни илизи ира... чуйнара ира, тѐашизи... диур... диур... держибти или. Юх, лехѐхѐхъиб. Лутѐи агарси чармаван ужи...

КІАЛАМШАТ. Вай, дила Аллагъ, се бирусира, сунела вегѐебш. *(Декѐли симкъѐуришу)* Марлира шел дус хѐечил узули, бархъли буралли, хѐед узули, илини вецѐал азирляялра бузери кахѐебихъибу?

УХЪНА. Илини кабихъибси нуни хѐези гира.

КІАЛАМШАТ. Или рикѐулра нура. Бед къалли бедери, амма...

УХЪНА. Се амма?!..

КІАЛАМШАТ. Хѐуни гибти кѐел азир сарри. Илини биалли иб, кѐидашцад маза тер или.

УХЪНА. Цѐахли саби или рикѐес, Кѐаламшат. Бунагъ-хатѐаличивад Аллагъ верхѐна чевверхаб сунела, ит илгъуна хѐейри, хѐугъуна гъаргъси. Илис бархъдеш дигахъи... Илбагъандан сайри нуни ил ита укибсира. Чум- дигара бакѐес дигути лебкъира...

КІАЛАМШАТ. ГІур се бирутира нушани? Гѡа? ВерхІел дурхІяра сайра, илкІун ухІнакайу.

УХЪНА. Нуни чуйнара бурира илизи...

КІАЛАМШАТ. Вай, Аллагъ, се баришара? *(Сунела бекІлизи рирхъули дураурулхъан. Мурхъси гъигъбатурли ухъна кроватьличи кайрар. ГІур алзан. ЗягІисиличи гъамирар).*

(Сцена билшан).

КІШИБИЛ СУРАТ

Палата. Гъанна бикайчи капельница кабизурси зягІисипи – ЛигІмат кроватьличив къакъличи кайхъи гъанкІикІули сай. Ухъна дехІибала тамандирули – балени, дулгули, гъаладуцибти някъбачил, шайчивад-шайчи багълали гъакІикІули, шипІвяргІили сай. БархІехъла замана саби. Больницала коридорлизиб шалгІеббашутала тама иргъули сари. Ухъна, дехІибала тамандарили, алзан, гІяшли сунечил сай гъайкІули шала улка, кроватьличи кайрар.

УХЪНА. Марли къакъали буили саби нушала дунъяличиб. Чис гъанбиркусиририв, сунела вегІебш, *(гъакІбириули, бекІ дяхІличибад хъат арху)* ишавра хІечил калхъасра или.

ЛИГІМАТ. Къисматлизи белкІунси... башуси саби.

УХЪНА. Гъм... *(ЛехІдеи)* Къисмат... Къисмат вегІлизибад дигахъуси саби. ВегІли саби ил ца-ца къелли цалабирхъуси. Ца-ца кІантІли...

ЛИГІМАТ. Ге, саби... вегІлизибад дигуси саби. Амма илди къел... кІунтІри гъатІи...

УХЪНА. Гъайгъайра, хІуни илдигъунти дибГІян-хъяшти секІал – пикрилизи кахІейсид. ХІу зурба масъулти ирзутазирад сайри. Гъи...гъи... чичилра хъархІехъили, чилра кумекличи жихІерили..

ЛИГІМАТ. *(Кайрар. Ухъначи хІерилзан. Камси замана лехІухъур).* ИмканбикІуси бирули вирус.

УХЪНА. Ге, гъанна имканбикІуси бирулри. Амма итхІели?..

ЛИГІМАТ. ИтхІели... се бирулрив нуни?

УХЪНА. ИтхІели хІед дигуси бирули калунси ЛигІмат ахІенрив гъатІи хІу? Лебригу хІела марга бузуси манзил муртрил.

ЛИГІМАТ. Дила марга хІебузуси манзил хІебиубгу мурталра? Ил бузахъни багъандан ахІенрав гъатІи ну хІед мурталра хІейгуси...

УХЪНА. Гъи...гъи... гъи... ХІу наб?.. *(ЛехІдеи)* Амма хІу вархъли виэсра асубирар. СенахІенну... ассаламугІялайкумгъуна саби вагІялайкум саламра бируси.

ЛИГІМАТ. Нуни чебиуливан, хІезиб ца гъатІи санигІят имцІабиубли саби. ХІу гъалав багъирабачил гъайхІейкІади.

УХЪНА. ХІу ахІенрив, гъари, замана бикІуси урчили гъарил сунела мерличи виахъу викІуси?..

ЛИГІМАТ. Илгъуна или гъанхІебиркур.

УХЪНА. МажахІят. Илцад жявли секІал хъумуртутазирад ахІенри хІу. Виадри, хъумартес замана баили саби ит анцІбукъ.

ЛИГІМАТ. Ит анцІбукъ?! Се анцІбукъличила сарив хІела гъай?

УХЪНА. Се анцІбукъличила сарил хІуни гІяхІил балулри... Амма хъумуртули ахІенри... Гъм... СенахІенну, хІела бегІла гъамси адам, хІела урши

хейубри хјуни хјуглевли арукес. Бацјисили уббухъун хјела рухјла давлаличи хъарахъили бедибси бяркъ.

ЛИГИМАТ. Хјуни дугјли гъанбуршулри ил анцјбукъ... Дугјли. Хјед дигулри наб децјагахъес... зе писдарили дяхъиличи... Ил, нуни къанни аргъиливан, илцад-декјар децјагеси баркъуди ахјенри, сенахјенну итхјели хјела асар имцјабиуб иличи. Хатјасили биаллира... Адам биалли хатјаиркуси сай.

УХЪНА. Хјед ну иличи вирхаурли дигулрив?

ЛИГИМАТ. Наб декјардеш агара.

УХЪНА. Юх, ну хјечи сеналра вирхарули ахјенра. Хаслира гъанна... Гъм... Сенахјенну, ишаб адамла гъабигјятличи хатјаиркни ибси лишан хасси биъни ахјен хјунира аргъибси. Хјуни хјела гјямрула бекјигъунти хъарихъуни умутагарти диъни аргъилри... Рухјлизир инсап ва иман диэс гјягјинили диъни аргъилри. Ге аргъилри. Амма мукјурвакјес хјейгулри. *(Ил тумбочкаличи гъамирар. Таблеткаби касили, дубша лайдикју. Илдас гјергъи кјийна-хјайна шин къяртј-къяртјдарили, сагали кайрар. Иличи хјерикјули Лигјмат гъинчјилзан).*

ЛИГИМАТ. Нуша цали ца чехједаила чум дус ардякъил балулрив хјуни?

УХЪНА. Балули ахјенра. Пикриикјес дила замана хјебири иличила.

ЛИГИМАТ. Иличира вирхаэс хјейрус..

УХЪНА. Наб декјардеш агара. Леб...

ЛИГИМАТ. Леб... Леб... Удииркес дигуси левси ахјен. Хју биалли... гъи... гъи... хаслира.

УХЪНА. Сархибти наб диур... Илдани разидеш биху наб.

ЛИГИМАТ. Гјямрулизиб гъачамцун сархибси чедибдешличи хјела харидешлис ахир агара. Сепайда, сунела вегјебш, хју левалри къадин чедибдешлумас къимат бедлугес бурсихјейубли. Чедибдешла багъа бируси ахјенгу, илала къадри агарси биалли сегъуналра, адамтани ил анцјбукъван чехјебиули биалли –. Дигеси анцјбукъван.

УХЪНА. Дила чедибдешла къадри агарли, хју удиикнила се къадри леба гъатји? *(Лехјдеш)* Адамтас? Гъа?.. Адамти се бирути ишаб? Селис гјягјинити?.. Хјуни къалли балулри гъарил анцјбукълизив ва баркъудилизив адам чедибдешлигјив умцјхемцјни. Ишаб жал хјелара дилара ургаб саби акјубси, хјебиалли чедибдеш нуша кјилисалра саби гјягјинисира. Илала къадира нуша кјилинра саби балуси... итди нуша цали-ца чехједаибси вецјал дус ил чедибдешли наб разидеш бихи, ил хјунира балулри... Амма хјуни ил хъумхјертурри... Ца бархјилра хъумхјертурри. Вегјла рухјла къаршикарла чедибдешличиб гјур се хјейгеси лебсив? Дила пикрили, хјебургар.

(Лехјдеш)

(Ухънани халгјятла кисалабад субхјян дурайсу, чуйнара-сера мачни хјяршдарили мурхъси гъигъбалта, къукъубачи някъби удыхъили алзан, улкъайличи гъамирар. Лигјматли иличибад хјер убхјейсу. Гъанбикесли саби, ил гъанна алзан ва иличи челхъан или. Амма ил пикрумази гјелайкили сай ва палатализивад гъарахъли сай.

– Сценала дублаб, чедиб шала улкан ва жагъил адамла сурат лямџИван чуйнара багъарбирар. Бетихъур. Кункти музыка зайдулхъан. Илди, адам пикрумази гъатИра мурхъирахъути сари.

– Дила дудешли бурули вири, гъарил гъаршличи арцанти кахИедирар или. Адамра илгъуна сай. ЦацабехИгачи гъуцИбикIар, цацабехИгачибад тйидибирар, сенахIенну, гъайли кани хIелукъахъу. Гъанна адамлис гIягIнити давлачерти рухI ахIен, даража саби, даража. ВегIла гъамсила мурад барес даража. ВегIла хъул бартарахъес даража. Тауслис хIуни жанцун сари дедибти, жанцун. ГIур селра хIейубри бедес. Селра... Гъм... гъи... гъи... ТабигIятли хIед гибси пагъмуялра хIейубри адамтас багалабарес. ХIугъунти учительгачи хIеризи, секъяйда хIербирулил. Илди лебтазивад хIуцунрив рухIла вегI? РухIагартачил узес хIейрус или бархъбатурри хIянчи... ХIед селра барес дигули ахIенри, селра... СенахIенну, бузериагар сайри. Сабухъагар... Гъанна декIар се бирулрив? Писатель сайра викIулри?.. Гъи... Гъари, гъатIи хIела жузи? Нуни тукентала къасурбачир илди чедиули ахIенра...

Ухъна чариубли кроватьличи кайрар. ЛигIматличи хIерилзан. Илала дяхIла ранг дарсдирар. ГъинчIизурли, ухъначи хIерилзан. Ухъна, уркIухъи, иличи вачавирхур ва се ирусил хIебалули шипIвиргIур.

ЛИГИМАТ. ВахъхIи хIядурикIули уилри хIу.

УХЪНА. Селичи?

ЛИГИМАТ. Илди дурес. Лерилра илди гъанна хIуни дурибти дурес. Ца камти гъатIи дургар хIедурили, илдира дурили гIергъи хIела шинкъала урхамти дацIдухъи, саяккадулхъан.

УХЪНА. ХIядуриэс ахIенну, гъанра хIейкири.

ЛИГИМАТ. Ца бара гъалавван хIу ахIенрив сархибси чедибдешли разидеш бихи, викIуси. Абзурли вецIал дус разидеш бихи ибси (*ГъинчIилзан*).

УХЪНА. Ил разидеш дила аргъалала... гъм... гIякълула дураб бири.

ЛИГИМАТ. ГIякълула дураб викIулрив? (*ЛехIдеи*) ВирххIерус, сенахIенну хIу гъанна ит мухIлилавад гъайикIули ахIенри.

УХЪНА. КIел мухIли лерти диъни хIебагъурра.

ЛИГИМАТ. (*Паргъатли*) Лерти сари. КIел мухIлицун ахIен лерти. КIидехI дяхIра лерти сари. КIидехI...

УХЪНА. Арадешлизив левгIев усалли или, гъанмабиркахъид се-дигара бурули валтари или.

ЛИГИМАТ. КIелра зягIипли сарра нуша. КIелра... Амма, гъарилла изала декIарси саби.

ГIердирули виадра, хIу чархлизив арами левалри, амма рухIла изала сагъбарес хIед имканхIебикIур. Къанни саби. Ну виасли... (*левгIев шаманирар*) дила гIямрула бурхIни ахирличи диркули диэсра асубирар.

(*ЛехIдеи*)

Илкъяйда саби аги. (*Разиси тIамаличил*) Нуша цагъуна агиличирра, гIямрула гъалар. Дила чарх сагъли ахIен, хIела рухI... кIилалра излуми урехила сари... чейхъутира сари.

Илди гъай аргъили, ухъна харчили алзан, гIеладахI чумал ганз кайцIу, цIиваили хIулби, вякъилзан.

УХЪНА. ХIу, чейхъуси изайчил иша!...

(*ДуцIли дура аркъан*)

ЛИГИМАТ. *(Ахъли дукарирхIур. Алзан. Хапли дяxI дарсдиру. Чумаси тIамаличил иру).* Юх, чейхъуси изала хIезиб саби. ЛебГIеб урехила изала! Адамла бекIсигъуна лишан – адамдеш агардарили дяxIягарируси изала! Дунъя кабизурла инсаниятлис бегIлара урехила изала. Сепайда, илизивад дила уршилра мяхIкамварес хIейубра. Дила Таус! Дила арцан! Арукири къалли пяхIли хIедакIили левалли. Кевасири...

АнцIкъи ва децI хIедалули, урхIла пукънази гидгури диркъуси гегугличи...

(БекI пяхъярбиру, къухIбуриу)

Ил замана коридорлизир ухънала тIама ахъдирар. Ил тухтуртас ургъули сай.

УХЪНА. ХIушала ихтияр лебси ахIен чейхъуси иза вегI цархIилтачил варх, ца палатализи каркъес! ХIушаб гъанбиркули бургар цархIилтани заканти хIедалути сари или. Далулра нушанира илди!

ТУХТУР. Ягъари...

УХЪНА. БусягIят аргъира нуни, ну хIед хIейгни. Аргъира! Гипократ!.. Хъя!.. ПикримайкIуд!... Юх, иш секIал хIебалтас нуни танбихI хIебарахъили.

(Илди палатализи абицIур. Ухъна унзала гъалав кавлан. Тухтур ЛигIматличи гъамирар).

ТУХТУР. Гъу, се саби ишаб бетаурси?! Гъа?

ЛИГИМАТ. Се бетаурли гъатIи?!

УХЪНА. *(ГъимукIили)* Се бетаурли ирив хIуни?! Гъа?! ХIуни ахIенрив гъари?! *(Ита-иша хIерилзан).*

ЛИГИМАТ. *(Паргъатли)* Се саби нуни ибси?

УХЪНА. *(ВасвасикIули)* ХIу ахIенрив, чейхъуси изайчил адамтас урехи балахъулра викIуси?..

ЛИГИМАТ. *(Разили)* Нуни чейхъуси изала ирав гъатIи, белики... *(Тухтурличи хIерилзан).* Тухтур гъинчIилзан, гъар-секIал аргъили, селра бетаурси агарану, паргъатли дуэная или, дураулхъан.

Паргъатли дуэная ибси аргъили, ухъна жиндралаирар.

УХЪНА. Паргъатли дуэная?! Се ибси, паргъатли дуэная ибси?! Паргъатли уэ вирусив ишав – делиханалав, мехIуртала мякълав! *(Мурхъли гъигъикIули, кроватьличи ветулхъан. БекI гъяжбарили кайрар. ЛехIдеш чебилхъан. Ухъна сунела кроватьличи ватирхъур, кайхъес бекIхIейубли левалли, харчли алзан, палатала дайла виур)*

Ге, хIечибад чедибдеш сархира нуни... Сархира... ХIу сейкIулихъалли, се бирулихъалли ил чедибдеш гIямрулизибад къелкахIебирид хIуни! КъелкахIебирид!? ХIу селра ахIенри, селра! Таманиублири хIу! ВерхIилри! Бехъубси уркураван биркIантазивад декIарикилри. ДекIар!.. *(Гъигъ къябаили, хIунтIендарили дяxI, журугирар, чIярхъухъи, зузилIан, сагали гъигъ супIбиру. ЛигIмат къухIизурли ласяхъили, удирад хIерикIули левал).* ХIед калунси ца секIал саби гъанна, ца! Лагъни далхес... гушти, даим адамла някъбачи хIердикIути, илала къяшмачирти няс дуклума ушкути, къумдикIути лагъни далхес. СенахIенну, хIу гIягIниса агара. Чилра! ХIела ахир илгъуна бирар. ХIерикIуд.

ЛИГИМАТ. *(Вархъилзан, кIунтIбачиб паргъатси гъинчIла ишарат биру).* Илгъуна суратра чебаили балан хIуни. Лагъни далхуси ухъна... Гъи... гъи...

сепайда, илизибра хІуни убяхІдеш чебиулри, хІеласун аргъилри... (*Гъинчи бетихъахъу*). Ца левГев духуси адамли ибсири мутрил: – Нуша гъарли-марти адамти дирехІери, гъарахъти улкнази урцути арцанти бамсри ахъес нушала хъуцІрумачи кадирар, галгубачи, шурмачи кахІедирину. Аргъири в илди дугъбала мягІна хІуни?.. Гъм... Чинад иргъуси хІуни? Ил хІед арцанти хъуцІрумачи кадирули ахІен дигуси. ХІед дигулри илди хІела къяшмала удир суркдикІули, хІела дабри хясала умудирули... ХІед адамтира илкъяйда саби чебаэс дигути. ХІезив хужаимцун чейули. Пямрула хужаим! ХІебалули, адамличив чедиикес вирхІейрни!..

(Ухънани къалабали бекІ иличибяхІ ласбалта).

Ге, ге чедиикес вируси ахІен адамличивад. Ил къирварес вируси сай, амма иличивад чедиикес вируси ахІен.

(ЛехІдеш)

Гъайгъайра, адам адам виалли... Илкъяйда иб цархІил духуси адамли...

(ЛехІси сцена)

(Сцена цІяббирар. Пямзилаб чуйнара-сера шала улкан. Жагъил адамла сурат шалабирар. Сцена улкан. Палатализиб бархІехъла лехІдеш саби. КІелра зягІипти цалис цали къакъбарили кабихъи саби. Урга-ургади илдала мурхъси гъигъла иргъули саби. Ил замана унза гъаргдирар, палатализи ХІява арицІур. КІелра зягІипти иличи ласбирхъур. Ухъна, разихІейубли, лацличивяхІ ласулхъан, ЛигІмат разиси хІяйчил алзан. ХІява гъаладуцили някъби иличиряхІ ретулхъан).

ХІЯВА. Кайи, кайи, хІед айзес асухІебирар бургарну. *(Някъби дуцили илди шипІбиргІур, цала-ца хІулбази хІербикІар. Ухъна илдачи хІерилзан, сагали, разихІейубли къакъбиру)* Сен сайри? *(Симкърулхъан)* Нуни бурира хІези гъанкІагарти дугурбани декІли бирхъу или. ЛехІхІехъири.

ЛИГІМАТ. Ну вайтІа ахІенрану, къакъамарикІуд. Адай сен сари?

ХІЯВА. Адайла... аги вайтІа саби... ВайтІа... Даг, шила дубла райбхІели, карикили раргира, аргъайзирад рухъи... ХІебалас се дирутил илис илди хивла гІярца къялуби? УрцулкІун лер илала сецад-дигара, янилис хІералтехІегу сари нушани пич бишахъи.

ЛИГІМАТ. *(ГІяшли дукарирхІур. Кариахъес мер биру)* Урцул сари илис гІягІнити или гъанбиркулив хІед? Юх, ахІен... Адам, дила ахІерси, даим гъуцІкІуси сай, бегІла сунес ахІерси мерличи, дурхъаси мерличи... Адай рашуси ита хъучи сари, сунела ахІерсили далцули калунти хъумачи, ит сунени палдализиб берцІибси къацІра мазала нусира дихуси галгала уди; гъандикахъес итала ванзаличи мешути хъутри, ванаси хІер... *(ЛехІдеш)* Нуни гІяхІил валаси ит гъабза – хъубзара гъабза. Гъаршлав акІубсигъуна вири, ванзаличи мешуси. Се-дигара чекайсуси... *(Алзан)*

Наб гъанбикиб хІуни иличила балулри или...

ХІЯВА. Секъяйда балусирав гъатІи, нуни иличила, хІуни хІебурули виадли? Сунес, адайлис биалли, ну дигахъули ахІенра.

ЛИГІМАТ. *(ДукаркІули)* Се сари гъари хІуни дурути, ХІява? Рирхаи набчи, нуша дакІни илис байрам саби. СенахІенну бусягІят илала уркІи иргъуси, баркъудлumi гІердурцуси, нуша ахІи, агара. Цайли цаси уршилизибадкІун

сегъуналра гІяхІдеш агара. Чинав саялра балуси агара... Гъм... Гъанна тах шагъарлизив сай виэс викІулра. Ахъиубли... икІав (*тІул заки ахъбурцу*).

(Ухънани разиагарли, ахъли хъехІбуршу. КІийна-хІяйна шайчивад шайчи ласулхъан. ЛигІматли, кІунтІбачи тІул чебуцили, ХІявас, багълали гъайрикІахъес, лишанбиру).

ХІЯВА. (*ГІяшли*) ХІед се бурулив?

ЛИГІМАТ. (*УркІила чеди хъат чебурцули*) Ишини гъм... саби лебни гъанбуршули саби... Гергъиси замана – гъанна хІяйнайс.

ХІЯВА. ХІу умсулри... илбагъандан саби ил зигарбикІуси. Ваши аркъехІе, ишавад дуравхъунхІели, рузикъарличи...

ЛИГІМАТ. Рузикъарличи?! ИлкІун ЦІудара урхъула дублар сари?..

ХІЯВА. Илбагъандан рникІулрагу нура. ХІед гъанна ЦІудара урхъула дуб саби гІягІниси. ХІела пикруми, далдуцуни гІур тамандирехІе.

ЛИГІМАТ. ГІур къанни бирар.

ХІЯВА. Къанни?! Сен къанни бируси?! ХІед асухІебирусив бамсри ахъес.

ЛИГІМАТ. ХІу дила мякълархІели, дила ахІерси, ну селизивадалра урухІули ахІенра. ХІуни дарсдирулри наб лерилра урхъни ва дубурти.

ХІЯВА. ХІуни ну хъяшаван риргІяриргулра. Шилизира бамсриахъес дакІибтири нуша, – бетаурсиличи хІерикІен. ХІуни хІу ахІерахІейрулри. БекІлил. Нуялра рараба гъатІи, нуялра... ХІед се биалра бетаалли, наб гІямру хІейги. Иргъулрив? (*Ухъна харчли алзан, хъехІбушили, кроватьла дубличи кайрар, хъутурикІули гІурра калхъан*).

(Гъарси секІал аргъибси ХІява иличи хІеррилзан. ЛигІматличи хъябруциркур). Багъи, ЛигІмат, иш дунъяличив наб хІуичив дурхъаси чилра агара. ХІуни сагали акІахъубра ну, хІуни... цархІил хІерли хІерризахъурра дунъяличи...

ЛИГІМАТ. ХІуни иличила уб хІебурри набзи...

ХІЯВА. ХІебурилихъар, хІуни иличила балулри... АхІенрив гъатІи? (*ДяхІла хІеррилзан. ЛигІматли хІерличил жаваб луга*)

(Ухъхнала гъумуръала)

Гъу, ну чаррулхъас (*Сумкаларад чумал гІинц дурайсу. ЛигІматла тумбочкаличи кадирхъу*).

ХІед бегІлара дигути сари. ХІу викІуливан, Адамлира ХІяванира алжанализир халдарибтигъунти.

(Дурарулхъан)

Сцена билишан.

ХІЯБЪИБИЛ СУРАТ

Гъарахъли диркъси мерличир тІутІила унхъри. Чедирван дубурла катругуназир гІинцбала унхъри. Муза гъалабизурли, ши чебиули ахІен. Чедиути ца чумалуун хъали сари. Гъамли, жагаси мерличиб, галгуби-ургаб адамтани бамсри ахъес чеббикІибси мер саби. Мигла галгала арлизибад стол барили саби. Утнира иличи меиули сари. – столличи. Ца шайчиб чуйнара ца бикъурси ужагъ саби. Мякълаб чІишликуни дирусси мегъла къани. ВацІала дайлавад,

хъябличи кабихъили гъинта, тупангличил Тѳаус дакѳуулхъан. Угъгъ... или, мурхъси гъигъбатурли, гъинта цѳабилкъла мякъла кабирхъу, къушла гъалабси тупанг гарасличи кайхъу. Гъар ганз уктемли, разили кайцѳу. Цацахѳели сягѳатличи хѳули линкѳалта. Тупанг кабихъили «уталичи» кайрар. Сигарета алки, чуйнара-сера гав сунѳдарили, уфдиру, лайбакѳили, къушла айцѳур, чугурра сайра вагъарирар, гѳурра кайрар, чугур бирхъу ва гѳяшли далай батиу.

**Дила уркѳецѳидулхъан
Биштѳал кецѳа-бецѳличи,
Умцѳурли цѳябил вацѳа,
Хѳебаргалли мукъара.**

**Гѳяй далайра дайлилай,
Дила цѳудара хѳулбар.
Хѳечи дила дигай лер
Лигала мехѳелизир.**

**Гѳурра уркѳецѳидулхъан
Ятимси дурхѳяличи,
Умцѳурли диштѳа шими,
Хѳераргалли риганай.**

**Сецад дигѳянрикадра,
Сахъси саб дила хѳули.
Селилра хъумхѳертахъу
Набзи хѳечибахѳ гъуни.**

Сягѳатличи сагали хѳерилзан. Къалабали алзан. Тупанг ахъибси гарасличи чугурра кайхъу, катхѳел хѳерилзан. Батаили иятѳ, къяртѳайзибад дис дурайсу, гъинтачи ветулхъан.

ТѳАУС. Хужаимра, байрамлис лергѳер бизити хѳедаралли, разихѳейрар. Ил биалли разихѳереси адам ахѳен. Дубурла хѳеркѳгъуна сай, ца гъакѳли лерилра шалурби гъудурси... Къалабаси, урехила, шадси, азадси... Гъи.. гъи... гъайла къантѳа – хужаим...

(Дис кабирхъу. Михъирла кисалабад кагъар дурайсу)

Тяк... так... ишбархѳи... м... м... м... так... лебилра урегал бирар... хъуммартид... хужаимла ригнабара.. асубирар...

Вяхѳ... хѳилхѳи калунрагу хатѳа бирули. Исбагъилискѳун гъинтала дулекѳ дигахъу. Агъ, сунела хъали мадуъ, жагасира сари къалли ил, агъ, сепайда гъатѳи...

Гъугу, нура, *(Някъ гъакѳбарили, кагъар кабирхъу, гъинтачи ветулхъан)* дила Издагра илис гѳелахѳерулхъанну. Дигайли хѳеделкъунти цѳудара хѳулбала регѳ. *(Лехѳдеш. Пикриулхъан)*. Улас чинабрира нуни аргъибси:

**Агъ, чуйна, агъ чуйна, дай дугилизив
Вакѳили держира, ил хѳела хѳулби...
Хѳу рисади декѳли, хъяма риркъули,
Ну аркъяси дура, гѳур карцѳиайчи.**

Марлира хѳекъли жагали бурибси саби, къяркъли биалра... Се бирув гъатѳи, гѳямру къяркъти секѳал диалли?.. Мурт биалра илди керисули диалли?..

(Ил замана галгала удив адам вагъарирар. Тѳаус иличи хѳерилзан. Разихѳейубли, алзан). Дурайкиригу, Расул.

РАСУЛ. Ассаламу гѳялайкум.

ТѳАУС. Вагѳялайкум салам

РАСУЛ. Дурайкес чебуркъиб. *(Гъинтачи хѳерилзан)*. Хѳябилра кункли бургид къалли, уртахъ, хѳуни иш. Хѳебалас илди хѳечи сари дашарал.

ТІАУС. Ге, дашар. Гялабуцили михъир, иша къяйкбара или дашар. Сен вакіри? Хіуцун...

РАСУЛ. Амирли вархъибсира, селра гягніли ахен или хези бурахъес. Хужаим живарили сай министерстволизи. Так что, ишбархІи байрам парападайтбиуб.

ТІАУС. ВяхІ. Иш се бирусив? Шилизи кялли бухес хейрар. Батасли, заябирар... Гя?..

РАСУЛ. Валлагъ, барат, хлебалас. Нуни набчи хъарбарибси бурира, гур нуни балуси агара, хотя... Сен заябирахъуси? Нушани хедирутираяв пикіник барес. Жибирехе нушала кадраби... и пашли-поехали как в Седмое небо.

ТІАУС. Седьмое небо хъумуртули хейиши хіуни?

РАСУЛ. Нуни хъумхертуси ил ахен, нуни хъумхертуси ит МяхІяндли гостиницализи кибси сари. Агъ, сунела хъали мадуъ, гяжаибси куц-кабизла регІ лерри кялли ил. Селра ахерахебирира нуни гянна ил ишар риахъес виралри... Какие ножки... какие... у... у... гъ... Эгъ... гъари, давай, цархІил секлайчила гъайдикхехе, селис гягніли чархла паргъатдеш буэс... пайда агарли? Гъу, илкъяйда бирехев?.. Хужаим викіуливан, один раз живем.

ТІАУС. Бирехе, сен хебируси? Тяп иличила пикриикіулри нура, хіу ваклайчи, гямруличила. Къяркъти сари викіулра илди... гямру. Се гяхідеш лебсив акнілизибад, убкіули виалли, сунела вегебш. Гъачам хіулби къяпідирар, гур селра агара... гъар секІал курлизир детихъур, цябдеш аурли. Ишди галгуби, вавни, къаркъуби, хіуркІби, дубурти кавлан, вегІ виалли... Гъм...

Вирхаи, Расул, цацахели усаайчи иличила пикриикіус ну, ва се бирусил хлебалули, хъулив къунзикіусира, бареси хлебалули. Бареси... Адамли барес вируси агара илис... бекІалис. Даим ил бекІла чедиб саби, барх башули... *(Лехідеш)*.

Адамлис калунси къалабаикіес саби. Гъар секІа хіялумціес. Дила убай дудешли буриливан, гямрулизиб лебси гяхіси ибси касес гягніли саби, мицірли левалли...

Гъари кайи, бацібирехену сунела вайли вагібш, ца анцілла ниъла шиша. Кайи, бусягІят лебхис.

(Къушла айціур, гляркъила шишара рюмкабира лерху, столличи кадирхъу, кертіу).

Дерхъаб! БекІаб лебилра нушала душмант!.. Топи... *(Дужа. Сагали гурра диціу).*

РАСУЛ. Валлагъи гязимрагу, барат, илагъи хіу наб дигахъури, сенахенну ты жит умееш. Цацабехіти бирар, селра барес хебирули, руржути. Как бы чего не вышло... Хіу илгъуна ахенри.

ТІАУС. Эгъ! *(Гъакібуру някъ)*. Дерхъаб! Каммабиаб юлдашуни! *(Чугур кайсу)*

**Урхъначир дулхъул вулкан,
Гъуйчир дашул караван,
Сен-сен къяраишара
Гяракъила истакан?**

РАСУЛ. ХІера, уртахъ, ишкъяйда! (*Бужа. Пауслира бужа*).

ТІАУС. Издаг, хІела хІулбази
Зак севан кабацІиба?
Закван амъурли илди
Набчи хІердикІулигу.

Издаг, хІела чурмазиб
Дуги севан калуна?
Илдала цІябдешлизив
Ну ветахъахъирагу...

РАСУЛ. Агъ, хІела жан дат! Башахъен! ХІугъунти лебхІели сари гІямру жагати.

ТІАУС. ХІела хъули ацІара –
Хъа гъалаб мегъла къапу.
Мегъла къапу дурсара –
Диги шанда бурусса.

РАСУЛ. Агъ, хІела жан датла, гъабза!

ТІАУС. (*Далай тІашиу. Чугур кабирхъу*). ХІу хъурали вакІирив, гъари, машиналичив сайрив?

РАСУЛ. Гъайгъай, машиналичив? Ихаб, удиб хеб, галгубала удиб батурра.

ТІАУС. Нуни хъулиб батуррану, уртахъ, бихагу хІела, шилизи атхІецІили укъес дигуси мер лебну.

РАСУЛ. Спрашиваеш... Конечно, каса, машина ахІенну, хІед нуни жанра ахІерахІедирис.

Больницализи укъес дигулрив, районнизи. Аргъира хІела кІелра дудеш...

ТІАУС. Дила кІел дудеш агара, аргъирив? Аргъирив викІулра!

РАСУЛ. Аргъира, уртахъ, аргъира!

ТІАУС. ХІед хІяжатагарси секІайзи гъудурмайкІуд. Жан дедили или, дудеш вирус ахІен. Дудеш вегІ айкъурси вирус сай. Нешра нура бегІла вай замана лайдакІибси дила дудеш ахІен! Аргъирив? ХІед иличила багъес дигулири!

РАСУЛ. ХІу дугІли набчи гъимуркІулри. Нунира ити ибсири, кІелра ца палатализиб саби или аргъибхІели.

ТІАУС. Нунира балулра иличила. Саби балбиркур илди... Саби. ХІела къуллукъ агара...

РАСУЛ. Извини, барат. Извини...

ТІАУС. (*Чугур багълали къимбиру*) Дила дудеш дахъал далуси сай, амма илдани кани лукъахъули ахІен, илди насихІятуни-гІякълумани.

РАСУЛ. Жагъил артистка лер бикІаргу илини рарх кили.

ТІАУС. (*Къалабали алзан, михъири буцили, Расул ахъиру*). Ил хІела къуллукъ ахІен! Аргъирив? Се адам сайри хІу?! Гъар секІал дагъес дигуси?

РАСУЛ. Гъу, гъу, гІяхІси. Нуни ца ити ибсири, лебилра шанти бикІухІели.

ТІАУС. Шанталара ахІен! Аргъирив? (*Къужиру*) ХІябилра гъудуриэс дигуси леври, хІед хІяжатагарси мерличи.

РАСУЛ. (*Къардулхъан. Ута буцили кахІеркур*) Гъу, гІяхІси, дерхъаб! КартІа (*Шайчи*) Неш карушаб хІелану, хъямхІяли варкъибси чягъирла чарма!

ТІАУС. (*КартІили, дерхъаб хІели, бужа*) Ишди адатани хІебируси агара ну угай дудешличи гъимукІахъес... ил набчи гъимукІахъес... дудеш гъудуриу... иличила шутІ-къутІбикІар... къиз-къузбикІар... Се багъандан?

Дила дудешла сай вегІти сунела гІямру сари, сай вегІти. Чилалра гъалав гІяйибла вегІ ахІен – ил дилара нешлара ахІенси... Нешлара дилара ахІенси... Сунела уркІила гъавла зугІлуми багъандан, нуша илини лайдакІира... Эгъ... Иличила нуни чизилра бурибси ахІен, хІези ахІенси... Наб хІейгахъис цІумикІес, сенахІенну ил гъабзачи балбикибси ахІен... вегІла къянти вегІли дяхІяэс гІягІнили саби, вегІли.

РАСУЛ. Бархъси саби, уртахъ, валлагъ. Ну мурталра хІечи уркІи-уркІилавад разили хІерикІули вирус. ХІу чеввикІибси сайри гІямрули... ВиштІахІелира хІу гъарбилзуси виради. Рурсбасра дигахъади...

ТІАУС. Эгъ! (*Някъ гъакІбарили шишаличи хІерилзан. Къушлабад цархІил хакъес Расуллис лишанбиру. Илини бусягІят лебху*). Рурсби, уртахъ илди мурчІалигъунти саби. Сегъуна-дигара къалип барес вирути. Иш гъайбикІахъесра балули (*мухІлиличи тІул чебурцу*) ихра лебгІеб гъажхІебирадли, (*арцла лишан иркъахъу тІулбачил*) илди хІела саби. Ца басня лебсигу, къянази нуси лайбакІахъибси гурдачила, Пушкинни ахІену белкІунси?..

РАСУЛ. Крыловли ахІену гъатІи? (*уруз-хІяцІли иру*)

ТІАУС. (*ВайтІа хІеризурли*). Иличила хІебакъира... ил нуси гъарил гурдали хІебири къянази батаахъес. Бирив?

РАСУЛ. Гъайгъайра, хІебири.

ТІАУС. Илдигъунти саби илдира...

РАСУЛ. Хужаим чум дус виублил хІебаладу?

ТІАУС. (*Вякъилзан*). Селис гІягІнити наб илала дусми?

РАСУЛ. Ца ити хъарбаибсири, гъачам гъатІи хІуни бурибси бархъли биъни аргъахъес. Чум дус виублил ил, амма гъаннара любуй жагъилличив рурсба гъалав чейу, сенахІенну балули сай...

ТІАУС. (*Шиша ибхъу*). Ил, уртахъ, декІарси анцІбукъ саби. Ил малаикунала тайпала сай... Ил хІуни гІяхІил валхІелад. ЦацахІели ил сут бархІи Москвализи арцурли, итни бархІи хІянчиличи чарулхъан... Гъм... Аргъарив? Гъанна ил гъалавван ахІен: чедибад буриб бургар (*ЛехІдеи*) дуклума мяхІкамдара или, хІя-хІя-хІя... Масхара саби (*ЛехІдеи*) ХІечи вирхес вирусив? БусагІят биахъид...

РАСУЛ. ХІу увведесличив, вебкІили дигахъира. ХІу дугІли хІерхулри набчи. (*Алзан*). Гъинтачи гъамирар. Ишра бурги, ишбархІи савли дуцІкабикІули.

ТІАУС. (*Алзан. Иличи гъамирар*). ХІеризи илала мукекиличи. Ишис гІелавад вашули чумал баз виублири. ХІеризи икІ мукекилизи хІярхІа чегибси мерличи. Нуни чегахъибси саби ил... даргъарбикІули арбякъун... Сагали къаршибикибхІелира бяхъира иш нуни, амма арбякъун... Их, чи, хевгу их, учитель Ахъай, их викІи, кІийна-хІяйна игъубли кабушес хІейубли гІергъи, ил чедибикили сабину, бати. Илини, – викІи, – гІямру сархили сари, гъазализир. Ишу чедибикибси?.. Гъа?! (*Алавчар хІерилзан*) Адамличир ишди чедидиркули асубирусив? ХІеризи, гъари, икІа бекІла чеди. Чедиулрив бекІла чедир ласла делхълизир. ИкІди вирути ахІен бикІаргу дяркъес... Дяркъес ахІенну икІди, дукІла удир думгахъес вирар. (*Тупанг кайсуу. Лишанасили шипІвиргІур*).

РАСУЛ. Датигу, уртахъ, дурхІнас бергалаличи дурадухъунти дургарну.

ТІАУС. Рахли хІура Ахъайван пикриикІули хІейадли? (*Лишан убису*) Гъа?

РАСУЛ. АхІенра, амма икІди датадри гІяхІсири, сенахІенну дурхІни дубкІар.

ТІАУС. ДурхІни? Се сари чІакала дурхІни? Се?! Селис гІягІнитив илди? Даим адамла чедир ласдикІахъули? Селра биес гІягІнили ахІен икІаб. БерхІира Бацра ахІенси, селра!

ЧІака адамла кършикар саби. Илала цІакъ ва гъунар селрайчир черти диъни къабулхІедируси кършикар...

(Сагали лишанису. ПІянкъиу)

Агъ, хІела жан урас, чехІегиб къалли.

РАСУЛ. ЛергІер ахъли сари. *(Ил разисигъуна сай)* Селра хІебирар, гІур чейгахъид.

ТІАУС. *(Мискъилладичил иличи хІеризурли)*. Агъ, хІябилра гурда леври хІу. Гурдара ибхІели... ХІед гъанбиркули бургар хІу цархІилтани хІелулри или. ХІукІун нуни гІяхІил валулри. Балулра хІед ну хІейгахъни. Набчи даим хІясадли виъни. СенахІенну хІуни хІейрулри нуниван къяйкбарес...

РАСУЛ. *(ПатІизурли, руржули)*. Селис къяйкбарес?

ТІАУС. Селисалра!.. Аргъирив, селисалра!.. сенахІенну, хІу гІяхІси къраваш сайри! Къраваш! ЦІакъсилис тІагъаратлис къумгъан бихан сайри хІу!

РАСУЛ. *(ГъинчІизурли)* Ургус. ХІу чи сайри, гъатІи? Рахли малаик хІейадли? Нугъуна къраваш сайри хІура, чІянкІли хІу таманни уркІи агарси сайри, кабиз агарси...

ТІАУС. *(Тупангличил иличи челхъан)* Неш карушаб хІела!..

РАСУЛ. *(ТІяхІухъи шайчи тупанг тямхъбиру, ил кабиркур)*. Паргътли уэн, хяван чехІешули.

ТІАУС. Се?! Агъ, кІукІай!

(ТІавус сагали челхъан, бяхъес валилзан, декІси бяхъли гъинтала мякъла гериу. Айзурли челхъан, бирхъу. КІелра кабиркур. Хуриван илди гъумурбикІули саби. Удивси Расулли хахамбарили къркъа кайсу, ТІаусла бекІлизи бирхъу. ТІаус аргъайзивад улхъан. Расул алзан, пяхІ-пяхІдарили палтар хъябшдуцили дял иличи хІерилзан).

РАСУЛ. КІукІайталара ургав кІукІайри хІу. *(хапли тирхъухъи, катхІел хІерилзан, ТІаус зузварили къушилизи арху)*. Гъанна хІури ишар камси. *(Къушлав ватурли ил, дураулхъан) Гъинтачи хІеррикІули Лаура тІаширилзан).*

ЛАУРА. Сен саррав, кІурункІайти?

РАСУЛ. *(Вачавархили)* Лерра... Ягъари, хІуни ил гъай хъумхІертид къалли, Лаура.

ЛАУРА. *(ГъинчІризурли)* Чинава ит?

РАСУЛ. Кепкайубли усули сай къушлав.

ЛАУРА. *(Ила аркъян. Жявли чаррулхъан)* Агъ, хІебилра хІяжарти леррая хІуша, кІурункІайти. *(Чурми датдулхъахъа. БекІ пълхъярбиру)*.

РАСУЛ. ХІу биалли лергІер жагасири, Лаура.

ЛАУРА. *(ДукаркІули)* УрухІекІулрив или викІес?

РАСУЛ. Чизивад урухІусирав, хІу дукаркІули гІергъи?

ЛАУРА. ИкІ къушлавсилизивад.

РАСУЛ. Гъм. Чизивадалра урухІуси ахІенра ну. Наб хІейгути цундешра гъай-мезра дирар. Илдазивад урухІус.

ЛАУРА. ХІу дахъал далусири, сепайда...

РАСУЛ. Се бурес дигулри?

ЛАУРА. Пайда агарси сайри хІу, кІурункІай. (*Гъагъбуриу*) Уктемдеш агарси...

РАСУЛ. ХІуни селра хъархІебиулри хІела икІичила. (*КъушлизибяхІ лишанбиру*) Сен кепиубсил? Се бетаурлил?

ЛАУРА. Илдигъунтира хъардиутив? Сен кепиубсил нуни хІебалулрав? Яра бегІ гъалаву кепиубси?

РАСУЛ. ХІукІун илис дигахъулри?

ЛАУРА. (*Ласряхъили гъинчІрилзан*) ХІед?

РАСУЛ. Наб? (*хъехІ-хъехІулхъан*) Наб гъатІи... ил...

ЛАУРА. Сен лукъулрив урбечла гъимирван?

РАСУЛ. Илизибад се гІяхІдеш лебсив?

ЛАУРА. (*Ахъли дукаррирхІур*) Илкъяйда гъатІи? Далутирая хІуша нуни, кІурункІайти. Далутирая...

РАСУЛ. (*Мякъла гъамиар*) Бархъдеш буришав?

ЛАУРА. Ил буресра балули виадли, хІечи ну лехІихъулра. (*Уталичи каррар*).

РАСУЛ. ХІу набчи рирхарули ахІенри...

ЛАУРА. (*ГъинчІризури*) ЛехІихъулра.

РАСУЛ. ИтхІели, гъанбиркуру урхъула дублар къаршидидикхІели... (*Лаурали бекІ гъакІ-гъакІбиру*). ИтхІели нуни сарри хІу чераибси. (*Буреси хІебалули, лукъан*). Нуни сарри декІаррарибси...

ЛАУРА. Лебилра урхъула дуб бицибти рурсбазирад ну... Ил халаси пахру саби...

РАСУЛ. (*Лаурачи лехІихъули ахІен*). Америкала поэтли ибсири: «Эй, шалгІевулхъуси, хІед набчил тянишиэс дигули виадли, гъамии набчи, тянишии. Эй, шалгІевулхъуси, наб хІечил тянишиэс дигухІели, сен гъамиубли тянишхІейрусира?...»

ЛАУРА. ИтхІели илди гъай дурри хІуни...

РАСУЛ. (*УркІухъи*) Дурирав марли?..

ЛАУРА. ГІур ири... Сен тянишхІедирутирав гъанна нушара, издаг?.. Гъанна хІечи гъамхІейубли хъули арукъясли, паргъатдеш булъни балулра нуни, сенахІенну уркІи хІечил кали, ну бацІси хамхаличил кавласи...

РАСУЛ. ХІерагу, или уилра...

ЛАУРА. Нуни бусягІят аргъира, илди гъай чуйнара хІела мурад бетаахъурти ярагъ диъни. Амма итхІели илди къяйкхІедухъун. ИкІ кІурункІай чедикиб. Балулрив сен чедикибал?

РАСУЛ. Чедикиб?! Нуша-ургабкІун жал бетхІеур. Гъм... гъи.. гъи... Илгъуна масъалаличила гъайикІес гъамадли ахІен... Ил къадагъаласи тема саби.

ЛАУРА. Чили саби ил къадагъабарибси?

РАСУЛ. Адабли.

ЛАУРА. (*Ахъли дукаррирхІур. ДяхІ кланІдарибти чурми, гъакІбарили бекІ, къакъличи лайдикІу*). ХІу наб тамашаилзулри марли? Адабли викІар. Иличила сен рахли гъанбикіба хІед?

РАСУЛ. ХІу дугІли дукаркІулри. Нуни буруси бархъси саби. Ил гъарли-марли къадагъаласи тема саби. Адам сецад яхІ-ламуслизивад ухъи виалра, илцадра авара агарли гъайикІар илди къадагъалати гІямрула шалубачила... ХІуни гІяхІил балулри гІядатла адамта, эгер илди адамдешла дазурби

хЕдуунти биалли, илди нушани гъанбушибси жалличила гъайхЕбиклар. СенахЕнну илди урузлар. Амма гъачам илдази буралли, кийна, хИяна буалли, илдир шурбулхъан, ит нуни бурибси тайпаличи...

ЛАУРА. ХИу философ уилри, ну шакра хЕрикили. Илбагъандан цархИлтачив имца урехилари хИу... ХЕйадри, гъанна или викра викули, балу-балули адамдешла дазурби дулътала тайпализи архИякъяди хИу. Нушакун тят илдигъунти сарра, ахЕнрав?

РАСУЛ. Нуша рикIулрив? Нуша чи саррал нушазивад гъарилли бала. Амма иличила дакIу-гъаргли цалилра хЕбуру. Сен? СенахЕнну илра къадагъаласи саби. чИянкли ил къадагъа адабла ахЕнну, иличи ургЕбли илди дазурби дуъни аргънила шакдешла саби.

ЛАУРА. ЦархИлван буралли – хИяагардешла.

РАСУЛ. Ге, хИяагарешла. Илкъяйда алли гъатIира балбиркур.

ЛАУРА. Нуни суал тикрарбирулра, балу-балули хИяализивад сен хИу ухъирив?

РАСУЛ. Нуни хЕзи буррагу, ил къадагъала суал саби или. Иличила балуллихъалли, гъайикIес чисалра хЕйгахъу. Амма хЕзи нуни бурулра. (*ЛехИдеи*) Се багъандан бурулрал балулрив?

ЛАУРА. ХЕбалулра.

РАСУЛ. Цаибилгъуна, хЕзи иличила бурилихъалли, дигIяндеш гъаргбирули ахЕн, кийбилгъуна, хЕзи се-дигара бурес асубиар.

ЛАУРА. Сен набзи се-дигара бурес асубируси? Марли илцад яхИ-ламуслизирад рухъирав гъари ну?

РАСУЛ. Илбагъандан ахЕн. ХЕзи се-дигара бурес асубируси хИу лехИхЕйхъухЕли саби. ЛехИахъадлира, мягIна аргъес, мурхърикес хЕйгахъид... СенахЕнну пикририкIесра азгъинриублири хИу.

ЛАУРА. Дила пикрили, хЕд ишбархИ гъимукIес дигулри, яра ну хЕчи гъимрукIахъес дигулри. Се-дигара бурес гЕлумхЕлзулри. Бархъли бурасли, нура иша ракибси гъая къицIбарес сарри.

РАСУЛ. Гъая! (*тIулбала лишанничил чебиахъу*)

ЛАУРА. Ге... гъая. Нуша цализи ца дигъунси гъая. АнцIдукъи сари ишди авара. (*ЛехИдеи*) Ца духуси адам къаршиикиб наб... (*Арилзан, гъинтачи гIяшиубли, илала лугIанти гъезличибад хъат хIярибиру*) Чердерхирая, арцанти, жаниварти, галгуби... (*Тамашавиубли РасулхЕрилзан*) Чердерхирая, дазу агарти шадир-гъундурагIир даим рашни багъандан, мурталра разидешлигIир умцIни багъандан, (*ЛехИдеи*) бекIсигъуна чебла хъумартни багъандан...

РАСУЛ. Се саби ил? БекIсигъуна чебла?..

ЛАУРА. ДурхИни биркъни... хъунул адамличибси бегIла дурхъаси чебла ил саби... (*ЛасхIярирхъур, гъинта хIярибирули лерал*)

РАСУЛ. Ил хЕла духуси адамли бурибу? (*ХИя-хИя-хИя*) Иличила?.. Гъм... гъи... гъи... дила пикрили, ил барес хЕла имкан лебри жявлилра.

ЛАУРА. (*Къалабали арилзан. Ласряхъили иличи вякърилзан*) КIурункIайтазибад ахЕн илди биркъути... гъубзназибад саби... (*Ратрирхъур. Галгала уди раили тIаширилзан. Ласрирхъур*) Иш гъакIисра къяйкхЕдухъун хЕла макру, кIурункIай. ДугIли ардякъун хЕла мурити гъай. Илдани ну ца бараялра тамашахЕрарра. Илгъуна философия гIягIниси хИяжарлис саби. ВегI хИяжар виъни балули, хИжардеш дируси хИяжарлис. (*ЛехИдеи*) Адам

адамли калес багъандан гЯгІнили ахІен илди... дахъал авара. *(ЛехІдеи)*.
ХІуни баладу аскъакъ ибси се ибсил?

РАСУЛ. Аскъакъ?! Аскъакъ... *(Чуйнара тикрарбарили къунзулхъан)*
ХІебалулра...

ЛАУРА. Или ибси, вегІ адам виъни хъумартни ибси саби. ВегІ иш дунъяличив сен акІубсил хъумартни... ГЯхІли каленая, аскъакъуни... *(Аркъян)*.

РАСУЛ. Рашен, дурхІни баркъес, пачала гЕжницад баркъабину хІуни! Гъм... Амма ишра ишкъяйда рикІули гІергъи, се-биалра бетаурли биэс гЯгІнили саби дунъяличил. Белики, мас-хазналичи хъарахъибси адамла дунъя рухІличиб хъарахъибсилличиб хІякъикъатлизиб гІелабулхъули бургар. Илгъуна дунъя... *(ЛехІдеи)* аскъа... *(эс хІейгули ита-иша хІерилзан)* аскъакъунала сабив? *(Пикриулхъан гъинчІилзан. Разиси хІяйчив иру)*

Ил дунъяли гЯхІил кани лукъахъули биалли, вайтІав гъатІи илаб?..
(ЛехІдеи) Аскъакъдешла зарал чебиули ахІенра ну... *(Буруси таманхІебиру. Ахъбуцили барда сунечивяхІ лявкъуси Таус чеили ил аъирхъур, гІур, ахъли тІамадарили, катхІел убшар. Таус гІергъииркур.*

Сцена билиан.

АВЪИБИЛ СУРАТ

Палата. Гъар секІал урван сари. ЧЯнкІли ЛигІматла тумбочкаличиб вавнала хала леб. КІелра зягІитти кабихъи саби. Чебаэсли саби илди жаллизиб биъни, бурхани хІерикІули ухъна мурхъли гъигъикІули сай. ЛигІмат, цацахІели унрачи хІулби ланІдарили хІерванизурли. сагали сунела пикрумази гІелаиркули сай. Ухънани вахъхІи кайхъи яхІбарес вирули ахІен. Харчли айзурли, ил палатала дайла ветуур, чариубли кайрар.

УХЪНА. Илди хІуни дурибти гъай яра хІуни кадизахъа, яра хІу нуни сен дуррара или пашманирахъури...

ЛИГІМАТ. Чис сари илди кадилзахъути? ХІеду? Нуни итира балулри иличила. Законни, дила пикрили, мурт арзалра, ирзу...

УХЪНА. Се ирзу?! Се ирзу законни?! *(Руржули)*

ЛИГІМАТ. ГЯнд ирзу...

УХЪНА. *(Ахъли дукаркІули)* ГЯнд?! ГЯнд, викІар... ХІуни балули ахІенри хІу сейкІулрил...

ЛИГІМАТ. *(Кайрар)* Нуни балули ахІенра хІу сен вачавархилрил, муртрил декІси тІакъсир барибсилличи мешулири ибхІели? Белики, гъарли-марли, барили хІейадли хІуни?..

УХЪНА. ХІуни сегъуна-дигара бугътан набчи чебирхъни балулра нуни. Сегъуна-дигара. Амма илгъуна?! Ну такъсирчи варни, ил лерилра дазурби дуъни саби...

ЛИГІМАТ. Дазурби? ГЯхІси барри хІуни ил дев гъанбушни, сенахІенну набра дигусири иличила чумал пикри дурес. Цаибилгъуна, наб бурес дигулра, хІу сайри или дазурби жявлил детахъахъибси. Селалра дазурби. ХІу, чевверхи, амма... илди дазурбала хІу сайри гъудурмай барибси... ХІу пасихІси адам виэси гЯмруличив сайри, амма гЯкълу бурили адамтачил кайэс, айзес хІебалад, сенахІенну хІечилацун сайри пикриикІуси.

Сахаватси адам виэс гЯгІнилигу хІу, гъаргси, авадан уркІила вегІ... уркІецІила вегІ. ХІед гЯмрули дурхІни хІегни багъанданалра...

УХЪНА. *(Гъимличил)* Дила урши лев!

ЛИГИМАТ. (*Паргъатли*) Ил хѐла ахѐн. Иличила хѐуни гѐяхѐил балад. Ил хѐд хѐйгнира балас нуни. Иличирти хѐла диги набчирти гѐими-къясдеш сари...

УХЪНА. Хѐйгахѐулри ирив?! Гѐе... гѐе... Хѐйгахѐули виасли, сен валхулрав гѐатѐи ил нуни веѐѐну шура дус?

ЛИГИМАТ. Гѐямрули хѐд илгѐуна уркѐи гибни багѐандан сай хѐд ил хѐйгахѐуси. Хѐд хѐйгахѐуси илцун ахѐн, яра нуцун... Хѐд дигахѐуси чилра агара. Чилра... Гѐачам бурира хѐези нуни иличила ил изайчила.

УХЪНА. Даѐѐти гѐай сари илди, гѐимили дурути. Каркусили занзила къадара бурцу, хѐура илкѐяйда сайри. Се-дигара бурили, набчи бугѐтан чебирхѐулри.

ЛИГИМАТ. Илгѐуна пикрилизирад левгѐев гѐарахѐли сайра ну. Левгѐев гѐарахѐли... (*Лехѐдеи*) Хѐд гѐанхѐебиркулив нуша хѐяшначи мешули диѐни. Вирхаи, нуша илдачи мешулира. Даим жалдикѐулра. Илхѐелира гѐими-къясли... Хѐд сабаб агара ну хѐйгахѐес, дила леб биалра. Дила урши вигѐунси хѐу сайри... ил набчи къаршили кайзахѐурсира хѐу сайри...

УХЪНА. Хѐу илдани вархѐватурри... нуни ил вигѐра хѐйгѐунра. Хѐуни илдас талихѐ бедес хѐйѐубри, нуни бедира. Хѐуни ил секлал къабулбарадли, жалти хѐедирар...

ЛИГИМАТ. Ил набчирад аррукѐни бархѐси саби, иличила хѐезицун ахѐн нуни бурибси. (*Лехѐдеи*) Амма хѐуни уршилис талихѐ бедниличи ну вирхули ахѐнра, сенахѐенну талихѐиличила хѐела пикри декларси саби. Ил балбикибси ахѐн гѐядатла хѐякъикѐатличи. Гѐарли-марси талихѐ илгѐуна ахѐн.

УХЪНА. Гѐур сегѐуна сабси ил? Рахли талихѐ, чѐй дужуси стакайзи папрусла палдара писдирули, гавли берхѐурси биштѐаси хѐулив, хѐу виѐѐуливан, вегѐ дунѐяличив кѐиркаварес багѐандан лукѐни хѐебиалли? Гѐа?..

Нуни далутирая хѐуша, писателѐти, къаршибикибти саби. Цаличил поездличив ца шагѐарлизи вякъунра. Ил нуни кайсути арѐличи хѐясадиуб. Селис гѐягѐинити, виѐѐи, наб ишди шикѐатѐала – дугурбазив хѐевсули лукѐес, букѐунна илгѐуна яшав леб биалли? Кѐел стакан чѐягѐирла держибхѐели къалли ил тамай хѐеркѐухѐун. Сунечила ахѐи, гѐайхѐеиб. Чилра агара виѐѐи сунелаван дугати мурхѐти произведениебала вегѐи. Гѐи-гѐи-гѐи... – Баладу хѐечила се ибал илини?

ЛИГИМАТ. Илцад хѐу разиварили гѐергѐи, шакиѐулра.

УХЪНА. (*Разиси тѐамаличил*) Сай зѐягѐиплихѐели, дунѐяра зѐягѐипли чебиули сай, виѐѐи. Дила пикрили, илала гѐайлизиб се сабил леб.

ЛИГИМАТ. Ну шакикилра чи сайрил ил хѐела вархѐкъя...Гѐи...гѐи... Набчила илини бурибси пикри наб гѐяхѐилзули саби. Илизиб гѐарли-марли се сабил леб, амма хѐуни ил хѐд дигусиван саби аргѐибси. Наб дигахѐис, къисматли... дила гѐямрули... хѐебедибси разидеш, произведениебазибад касес... илди лукѐули...

УХЪНА. Произведениебани хѐелугуси разидеш чинабад кайсулрив хѐуни?

ЛИГИМАТ. Дигилизибад ва дигайлизибад.

УХЪНА. (*Уркѐулхѐан, вякъизурли шипѐивиргѐур*) Дигилизибад ва дигайлизибад?! (*Лехѐдеи*) Чичи?! Селичи?!

ЛИГИМАТ. Гѐарил жагаси ибсиличи.

УХЪНА. Хѐд хѐунул адамличи эс диулри.

ЛИГИМАТ. Гѐе, илкѐяйда эсра дигулра. **Нушаб илини сари гѐямру гибти. Илини сарра гѐунартачи гѐуѐдикѐахѐутира.**

УХЪНА. Иличила багѐес къяянни ахѐн. Ил пикрилизиб селра сагаси агара. Амма хѐела гѐарил бурсила ца мягѐна саби – гѐямрулизив мурталра

ургъес гІягІнили биъни, ургъес гІягІнили хІебиалра. ХІед дигулри, лебилра хІуван гъазализиб хІербирули. Халаси къиян кабихъилицун нехІекъ кайсули, ил лебталалра гъуни ахІен. Леб чеббикІибти, – ва илдала гъуни декІарси саби.

(ЛехІдеи)

ЛИГИМАТ. Нуни аргъиливан, хІу илдала лугІилизивад сайри.

УХЪНА. Ну? Виэсра асубирар, амма ил набзибад ахІенри дигахъуси.

ЛИГИМАТ. Аллагълизивадри, ахІенрив?

УХЪНА. ХІу дугІли илкъяйда гъайикІулри, ришхантличил.

ЛИГИМАТ. Ришхант хІуни аргъили виадли, хІелара дилара Аллагъуни декІарти биэс гІягІнили саби.

УХЪНА. (*Къалабали ласяхъили вякъилзан*) Лезми лигаагар биъни марбирулрив?

ЛИГИМАТ. АхІенра. Нуни марбируси цархІил саби.

УХЪНА. Се?!

ЛИГИМАТ. ХІела Аллагъ хІела Аллагъ виъни, дила Аллагъ дила Аллагъ виъни.

УХЪНА. Ил ца сай левси!

ЛИГИМАТ. Ургар. Амма адамтани ил утІиб, чула тІабигІятуни хІясибли.

УХЪНА. Тавба астахъпируллагъ, тавба. (*Шайчи ласяхъили се сабил шивкІивбалта*). Аллагъ ца сай. нуша акІахъубси, РяхІмула вегІ, къудратла вегІ. ХІуни виадли дурхъадешлис ришхантдеш дирулри, хІела вегІбекІлис. ЦадехІалра дехІибала хІедирулри, дуббуцар хІебурцулри. Яра, тавба астахъпируллагъ, хІела Аллагъли илди хІечи хъархІедирулив?

ЛИГИМАТ. Нуни дила чебла чебиулла наб хІейгуси – итиллис хІебарнилизиб...

УХЪНА. (*дукаркІули*) Дунъя бараялла жагабирнилизиб чехІебиулрив?

ЛИГИМАТ. ХІела адамдешла чебла ахъадли, илала жагадешлилизиб дяхъи бетхІерар.

УХЪНА. Хабурти сари. ЧІянкІли хабурти сари илди, селра хІебалусилизи дурути. ДехІибала диргаладулхъути ахІен адамли калес. Иличи ургІебли, илди дирни адамдешла бегІлара чебяхІси шали саби.

ЛИГИМАТ. Се бирув, гъарилли сунела чебла сунеласун саби иргъуси ва чебихъуси.

УХЪНА. (*Иличи хІерилзан. Кисалабад дурасили субхІян, хъябличи чейхъу, амма ЛигІматла кункси гъинчІ хІясиббарили, къалабали убису*). Нуни жявлил ца секІал аргъира, (*хъехІулхъан*) хІугъунти (*бекІ гъакІбиру иличибяхІ*) дахъал далути саби. лергІер дахъал. ХІушала хІердиэс пагъму агара...

ЛИГИМАТ. (*ГъинчІилзан*) Замана къалли цаван саби башуси... ил хъярхъбируси яра хІярхІбируси сунес сунени адамли саби. Селичилра хІерхІеили хІерирусилис ил, гІе, мурталра багълали башар, сенахІенну ил къакъадешлизив сай. Мякълавсиличи хІерикІули... илис гІергъиухъи, гІевваэс хІейрули. Илис замана хІебиур...

УХЪНА. Дила буруси хІуни таманхІебарахъири.. (*ЛехІдеи*) Селичила сайрив ну?.. (*хІерилзули*).

ЛИГИМАТ. ГІямруличила.

(Хъарахъуд – гІурла номерлилизиб)



Проза



Хадижат ХІЯБІБОВА

ЧАРБУХЪНИ

(хъарахъуд)

– Дила уркіличиб халаси децІ бирар, ну урхІла ванзаличив вебкесила. Дила хамха, хала бегІтала мякълаб ахІи, иш гъарахъси ванзаличиб калесила. ДехІибайс гъалавра улгулра, гъаманра улгулра, я Аллагъ, наб хІяб дила хала бегІтала мякълаб къадарбиахъа или. Чумал бархІили Къайыпбег къулайиуб. Се-биалра барес вехІирхъи, амма цаъкъ биули ахІенри.

Бара аравиубхІелира, ил акъули уэс вирули ахІенри.

– Аравийачи паргъатиигу, дудеш. ХІед гІягІниси нушази барая ирен, – чуйнара иб Султанатлира.

Базцад хъулив кали, гІурра сунела хІянчиличи дуравхъун. Гъалавван кункли вяшикІес вирули ахІенри. Арадеш бархІиличи бархІи усалбикІулри. Къайыплис, ил секІал сунени балули хъалли, цархІилти шакбикили дигули ахІенри. Сай усалли чизилра чеахъес дигули ахІенри. Илис «уркІи лебли ай-зурра, гъунар камли кайкира» бикІуси бетарулри. ХІянчиливан ахІи, дунъяла дардли, дунъяла дардливан ахІи, ГІябдуллатІипла дардли, иличил барх Къурба, Зайнутдинна дардлира Къайыпбег жявли ухънаваахъиб. Къурбанра илис сунела дурхІяван игахъусири. Рурсила мурул Зайнутдин кавшнира декІлири. Рурсила ятимличира хІерикІес гІядаблири.

Лерилра илди дардани, лерилра илди къияндешуни сунени акІахъубтиван сабри Къайыплис. Мучицад вайбаркъ барес хІейубра, дубурацад къяраэс чебуркъиб, – викІулри ил. Бузерили виргІякаргули сайли хъалли, илала уркіличибси мурхъси гІянд гъачамичиб гъачам чІумабикІулри, декІбикІулри.

– Марлира, нушала ГІябдуллатІип ветахъиб, – иб хъунуйзи ца бархІи, халаси гъигъра абатурли.

– Къадар илгъуна буили саби ГІябдуллатІипла. Атаалра чарухъалри, – ГІябдуллатІип ветахъили, Атара ветихъур или урухкІулри илди, сецад Атала кагъурта уркіичеббирули биалра.

ХІерила замана сабри. Зайнутдинра СалихІра хъули къалабали бухІна-бухъун. СалихІ гъалаикили хала нешлизи гІярзухъун:

– Гябдуллатип чябарличи кайхьи алзули ахен, хъули кавкес дирули ахенра, хала неш.

Хала неш дурарухъун. Гябдуллатип ахъуциб. Ил цаван вемжурлири, кышмачи ташизес вирули ахенри. Дукла авцили, хъули киб. Гянулбира кадихъили, каркъиб.

– Гябдуллатип, се биубли хед? Се изули? – бусягят дурхначил хязгаиркъули левси дурхяличи тамашариуб Патух.

– Анда изули саби, – иб бара хулби ахъдуцибси уршили, – Наб буцарли саби.

Хала нешли бяргибси полотенце бекличичи кабихъиб. Кышми гьаргариб: – Гъуя се бетаурси, уршилис? Савли селра агарли левси, хери баайчи, се бетаурси? Агъула кьар-секлал беркунара? – уркиличичи бакиб Патухла.

– Се-биалра беркунрив, дила ахер?

– Селра хеберкунра, – багълали жаваб чарбариб Гябдуллатипли.

– Гъуя, сунела нешалра жяв-жявли раклалри, – бареси хебалули, ита-иша рашулри Патух.

Ванати ниълизичи варъа кабихъили, держакъиб. Байхъала стакан бержили, рабчухъун.

– Гъуя, хела хала неш ребк! Се биубли ишис? – биса дурадикиб Патухла, амма урши уркулхъан или, бусягят ташаиб. Бархи ахъайчи уршила мякларад гъарахъхерикиб. Къайып жявли чариуб. Дурхя зягипли чеили, илра уркулхъун, сунела излутичи хъумартур. Бареси хебалули, уршила мяклара гугииб. Урши гъачамичив гъачам вайирулри.

Ахирра, Айбикара Султанатра бакиб.

Дай хъулив цаван хунтениубли кайхъунси урши чеили, илдир уркулбухъун. Айбикани андаличи някъ чебуциб. Авцили дукла катур. Сунечи гъажариб. Селра агарли левси урши, илгъуна даражаличи икили чеибхели, бареси хебалули, уркулбухъун. Хала нешли илала палтар черхедатурли дуилри. Айбикани мяккамли палтар чердатур. Лебилра чарх хунтена кунтра бицилри. Айбика урухриуб ва вявбяхъиб:

– Се бетаурли уршилис? Се кунтри сари лебилра чарх буцибти?

Патух уршиличи гяшриуб:

– Хули агили саби. Уршилис хули агили саби. Агъ, хела хала неш ребк! Сен жявлити шакхерикира?

Патухли сукуралити шин картиб. Демжурти гантри кьямцали дурцули, ца-цали шиннизи кадирхъесряхъиб. Гъар гантари кабирхъухели, «бисмиллагъи рряхъимани рряхъим» ирулри ва чила-биалра у ихъулри. Уми хули агниличичи шакти адатала сарри ихъути. Цакъли шяшла тлама бетаалри, у ахъибсила хули агили саби биклулри.

Гъуни-гъуйчибад бякунтас или ца гантари хасбариб. Шайтлайс илира ца бишахъун. Султанатли, ишди багъана, Аллагъ сабаб или, хябал гъуни цахнадиркуси мерличичи шин чярхдариб. Дурхя бара варскайуб.

– Сабабдиуб, Султанат. Вемжни камкабиубсиван саби, – иб разили Айбикани, шин чярхдарили чаррухъунси Султанатлизи.

– Дагличибад секлал берки ахен уршили. Ниалра держакъес гяхсири, – иб Патухли, ниъ кадухес аркъули. Камти ниъ держиб, илдир рабчдариб.

– Ватирая, камси, – иб, гъарахъливан кайили, хъунул адатала шикъличичи хериклули, селизилра гъудурхейубси Къайыпбегли.

Лебилра хъалибарг берчур. Шаладикайчи илкъяйда калун. Савлила дехИ-балара дарили, бареси хЕбалули, урши-алав кабииб.

Къайып хІяйвантала тухтурличи вякъун. Илини адамтала излумала дармунтира далулри. ЦацахІели уколтира дирулри. ГІур тухтур аги илдала шилизив. Дургъбас гъалар, жагъил рурси лерри ракили. Дургъби дехІдихъиб-хІели, дургъбази аррякъун.

Николай уршиличи хІеръэс вакІиб. Демжари камдирахъуси дарман бедиб. Чархличирти кІунтІри хІердариб ва шагъарлизи больницализи укахъес маслигІятбариб. Шагъар илдачибад гъарахълири, биалра Къайыпли фермала пургъум кабукиб. БархІехъ къанни больницализи бетаиб. Тухтуртани ил хІервариб. Уколти дариб. Къайыпра дугелира илав калун. Къайыплис чарухъес дигули ахІенри, урши гІяхІла шайчи ласхІевхъи левай.

– ХІура зягІипси адам сайри, – рикІулри Айбика, – Чарухъен. ИшбархІи гІяхІливан илзули сай урши. Айбикас Къайып хъули укъяхъес илцад дигулира ахІенри, ил инжитиублира хІейгулри.

– Гъу, селра хІебарар, – Къайыпли ГІябдуллатІипла андаличи някъ чебуциб. Някъби хахамдариб. Уршили багълали хІулби абхъиб, алавчарли хумарли хІеръиб. ГІурра къяпІдариб. Къайыплис уршила куц гІяхІхІебизур, ва ил бархІира тІашизур. Больницализир тухтурли рузулри рухъна урус хъунул Анна. Иличи лебилра больницала хІянчизартира зягІиптира зизи-Аня или дугъабилзулри. Айбиканира зизи-Анязи сунела урши гІяхІирарал хъарбаиб.

– Бурес хІерирус, дила рурси, дурхІялис се бетарарал ца Аллагъли ахІи хІебала. ГІурра уколти лукІас. Бахъ жагаси уршира левгу! Дудешличи мешуси ургар, – иб, Айбикала уркІи паргъатбиахъес тухтурли.

– Сунела у бихъибсиличи мешули сай. Ил дявтазив сай. Кавшнила кагъар кахІесири. Я сунечибад ца ахІи кагъар хІебакІиб. Нешли ил кавшибсилизи халарили, дила уршилис у бихъахъиб. ГІябдуллатІипла дудешра дургъбазив сай. Иличирад кагъуртира рах-махли дашули дирар.

Сунечила дахъал дурили, илди дурутачи хІурматличил лехІахъибси Аннази Айбиканира хъарбаиб:

– ХІела чи лева? Чинарадсири хІу?

– Дилара кІел урши дургъбазиб саби. Ну Украинала Львов шагъарлизирадси сарра. Нушара иша гъадяхъибти сарра, – иб Аняни ва дурарухъун. Уршилис уколти дарес гІурра ракиб. Уколти даралри камси замана гІяхІулхъулри, гІурра сунела даражаличи ветиркулри. Температурара камси замана гІяшбиубли, гІурра ахъбирулри. Дугили зизи Аня илдачи чуйнара арацІиб.

– Иша хІушачи вашуси мурул адам хІела чи сая? – хъарбаиб Аняни Айбикази.

– Дила хъубеш сай. Мура дудеш сай.

– ЖягІял вакІибхІели, набзи багъахъа.

Айбикас илди гъай хІярхІя детаур. «Набзи бархъдеш бурес рирули ахІен. Дудешлизи бурес дигули рургар», – уркІиличибри Айбикала. Илала уркІи хатІахІебикиб. Аняни Къайып тІашизахъес буриб, сенкІун уршила аги вайли сабри.

– ИшбархІи къулайхІейалли, гІур мажахІят чеваргъес. Илис нушани дируси барира, гІяхІдеш хІебиуб.

Къайыпла уркІи гъяжбиуб. – ХІера, ца гъатІи дила гІяйибличибли бетаурси, – бикІулри илала уркІи. – Агъ, нуни дила хъалибарглис барибси! Илис

гъатѳира гѳядабли сабри, алжанала виалра, дурхѳя, илав, урхѳла ванзаличив, хѳяриихъес. Се икѳуси Патухлизи? Севан илала дяхѳлизи хѳерикѳуси? Сецад декѳли биалра, сецад децѳлизиб сунела уркѳи чѳярбикѳули биалра, чизилра хѳебагъахъурли, тѳама хѳебакъахъили, лебилра гѳядаб бухѳнаб бихѳулри. Севан буруси Атази? Ганзухъла дуб буцили, децѳли къямизахъурли, пикрилизиикили вахъхѳи тѳашли калун Къайып.

– Хала дудеш, хѳед се-биалра бетаурлив? – иб цѳуба халатличерли шал-гѳеррулхъуси жагъил рурсили.

– Дахъал сари наб детауртира гъаннала гѳергъи детаэс хѳядуртира, – иб Къайыпли, вархъиубли, сунела усалиъниличи гѳяйиббирули.

– Тухтур жираришав? – гъатѳира мякъла гъамриуб рурси.

– Вари, дила рурси, вари, дила изуси агара, селра биубли ахѳен. Вархъиуб-хѳели, уркѳи къызбухъун, ва балуй някъ сабил уркѳи лебси мерличи бетаиб. – Рурсиличи хѳеръиб:

– Баркалла, дила рурси, тухтур жирареси селра агара. Ил багълали вашули, азбарлизивад дуравхъун.

– Дурхѳя больницализи каркъили виалли, неш руар, Къайып сен чархѳелхъ-усил балули ахѳенри. Яра Къайыпра больницализи кайхъив? Илалара арадеш гѳяхѳил ахѳенри, Патухли пикрихѳедирути аги. Ахирра «верхѳцѳали азирна шукрубаиб Аллагълизи» или паргъатриулри.

Пѳергъила бархѳи Гѳядуллагѳип нешла дуклав таманкайуб. Пургъумличи илра кайхъили, бисули чарбухъун. Дурав хѳязтаиркъуси Салихѳи, илди лябкъули чебаили, хала нешличи «гѳяхѳи дев» бурес дуцѳухъун. Патух, сунела дусмачи хѳерхѳеили, кункли харчризур ва дуцѳли дурарухъун. Илхѳели пургъум азбарлизи сабаилри. Рисуси Айбика ва илала гъала вяшхѳебикѳули кабихъибси дурхѳяла къаркъала чебаили, Патухла тѳама сурслизи барцѳикиб. Илдачирхѳи дуцѳрухъес дигулри, амма къяшми вяшхѳедухъун, ва, бардали бяхъибси галгаван, карикиб. Аризур. Къайыпли мяхѳкамли урши хъули арухиб. Къиблала шайчивяхѳи кайхъиб, сай биалли дуравхъун. Пургъумлизибад ябу акъубатур, ца шайчи бигъун. Бетаурси Салихѳири аргъиб ва висули хъули арякъун. Илис гѳергъи Зайнутдинра хъуливяхѳи ватихъиб. Ил хабарла бакъили, балути-хѳебалути башескабииб. Ца-кѳел сягѳятцадхѳи ватурли, хѳябрази арухиб. Декѳлири илдас урши илав хѳяриихъес.

Дугели, Къайып пикриикѳулри, ишар ца-цали дубкѳулрав нуша? Илис бегѳла хѳейгуси ил сабри, ва гъар дехѳибайс гѳергъи улгулри. Децѳли верцѳибси Къайыпла гѳурра гъанкѳи бетахъиб. Усаликѳескайиб. Патух илизи гъаман рикѳулри:

– Хъа халадеш набчи хъардарес пикрив хѳела? Хѳура агарли, нуша хъунул адамтани се барес дирутира? Вари, Къайып, гъандуца.

Дургъби тамандирулри. Нушала гѳяскурта Ватѳанра фашистуназибад азадбатахъурли, дурала улкнира азаддалтахъулри. Дарибгѳи гъунарти хѳясибли Ата Сталинна баркаллаличи ва «Гъабзадеш багъандан» медальличи лайикъикилри. Курскла авиличиб кабикѳибси дергълизив ил вяхъиб. Госпитальлизив калун. Дяхъи жявли гѳяхѳиуб ва дергъла гъуни даимбариб. Иличила бегѳтази багъахъурси ахѳенри. Кагъурти Атани разити лукѳулри. Илини белкѳунсири Гѳядуллагѳипличибад кагъар хѳебакѳниличилара. Гѳурра ил госпитальлизив базцадхѳи калун. Къяшлизивад вяхъилри, хъуцѳарлизира мегъла бургѳяла атѳири. Тухтурли дургъбази укъяхъес къадагъабариб ва дяхъи гѳяхѳибайчи

багълабарахъес буриб. Отпускличи урхъухъели, хъули багъахъур. Ил багъахънили лебилра разибариб, амма урши вебкниличила сен-сен бурусил балули ахъенри.

Урши вебкнили кел жумяг дикибхъели, Ата вакъиб. Рузира хъунула гъала бякъун. Неш-дудеш гъала букъес хъебиуб. Илди зягиплири. Айбикани уршира варх арукиб. Цали ца чебаибхъели, илди дуцбухъи хъябруцбикиб. Урши хапварили ахъуциб. Уршилис илизивад ватухъес дигулри. Атани биалли ватхъейулри, кlapурцулри.

– Гябдуллатип чинава? – иб Атани, жавабличи леххъехъили, Султанатличи шурухъун ва Зайнутдин хъаризскайиб:

– Кагъурти дашулив Зайнутдинна? Сен сая?

– Зайнутдинра лев дуцкигули. Халавиули сай, – иб рисули Султанатли.

– Зайнутдинна цудара кагъар бакъиб, – имцабариб Айбикани.

– Илбагъандан дурги нуни иличирад кагъурти кахъейсути. Иличила хъушачи чуйна белкунра, хъушани хъебагъахъурра.

– Неш-дудеш сен хъебакъиба? – Ата урухиуб, илдасра се-биалра бетаурли бургар или.

– Неш-дудеш гъанна бухънабаили саби, ишдигъунти мераначи башесли ахъен. Хъулиб саби.

– Ца шукур... Гябдуллатиплара кагъар агарав? Я кавшнила хъебакъибу?

– Я кавшнила агара, я левнила, – иб Султанатли, ляжубикад гердикъути нургъби ушкули.

– Гябдуллатип мицирли левли, кагъар хъебелки хъевъи, – иб пашмай Атани.

Илди хъулибях дикибхъиб. Хъули бетаэс 7 км-ла гъуни лебалри. Цакамси гъуни ахъили, пургъум лябкъули чебаиб.

– Дудеш сай, аллагъличира, дудеш сай, – иб Султанатли ахъли. – Уару, гъатли, ил?

Бурушлавад чумал бархъи ахъхъейубси Къайыпли цакъани дучиб ва ахъиуб. Бабгили урчира сайра, гъуйчи дуравхъун. Ата чеибхъели, хъулбала шала бакъибсиван сабри. Уркъи гъалакли тимхъбикгулри. Илгъуна бархъи лябкъниличи Къайып вирхули ахъенри. Илини биса гъашиулри. Атас дудеш декларсиван изур. Ил дебали ухънаваилри. Укгувиублири. Хъяниублири. ВиштIакаибсиванри. Хъябруцикили, ватаиб, камси хъерикгули калун. Гура хъябруцикиб. Лебилра пургъумличи кабиб. Къайып гъала кайили, урчиличис дяхъиб. Бухъна биалра, урчи дуцбухъун. Чула хозяйствозиб лебси ил ца урчи сабри. Унра шимала халкълисра ил багалабирулри. Нешра бурушла-рад, Атала гъайла бакъибмад, ахъриуб. Ата нешличи гъатлира тамашаиуб. Сай аркъухъели лебти бегти ахъенри гъанна илини чебиути. Нешра дебали хъяниублири. Дяхъ-някъ шяхърумариублири. Келра биштIакабаилри. Итил хъулив усуси Зайнутдин гъама-гъамали чеваргъахъиб ва, айзурли, илдачи вакъиб. Ил чеибмад, Ата иличи ветухъун.

– Дила Гябдуллатип, – или, хъямварили, кlapуциб. Дурхъялис илизивад ватухъес дигулри. Хъяблгунси муцур дяхълизи къизбикгулри. Лебилра бисескабиб.

– Гябдуллатип у бухънабиуси ахъен, ибсири дила дудешли, сунела 20 дуслу гъямуриличис урши вебкнибхъели, – иб Къайыпли пашмай. – Дудешли хъябал у дуриб жагъли вебкнибтала. Кел нушалара чедихъалли, шел детарули

сари. ЖягЯл илала хЯбличи аркъехЕе. Щелда катЕсра бажардиикили аХенра. Ил хЯриихъили чарухъунмад, бурушлав вагъариубра, гГур ахъиэс хЕйубра. Набчил абзрикибсиван нешра карикиб. Духънадаилрагу, гГур сейкГусив?

Атала дуклавад ватухъунси Зайнутдин хала нешличи дуцГухъун. Сунени цайналра чехЕебси Атачи дигЯнни хЕрикЕскайиб.

– Иш Султанатла Зайнутдин сай, – иб нешли, – дудешла у бихъибси. ГЯбдуллатГипличив авал баз халаси сай. КЕлра гъаман барх бири. Цагъунти палтарра, цагъуна ахъдешра сабира.

– ГЯбдуллатГип цабара ахъсиван илзи наб, Зайнутдин вицГибсиван сайри, – Айбикара гъайлизи гъудурриуб.

Лебилра бисулри. Нургъби цализирад цали дигЯндирули аХенри. Нургъбира хИра цагъунти сари – дяхъурбазирад дашути. ХИ-гъаргси дяхъилизирад, нургъби – бухИнабси, чехЕебиуси дяхъилизирад.

Къайыпли хъалибарг вявбариб:

– Диур дисес. Ата гъйчивад гушли сай. ХИуша кадиилрая. Нушара дуки аХенра. Нушала гЯмрулизиб дисни аХенси гГур секЛал биэс гЯгГниси аХену? Нушала Ата разили, арали чарухъи сай. ВебкИбси нургъба мицГирварибси левси аХен. Диснилизиад гЯхИдеш биалри, биэсцад дисира. Пашаая нургъби.

Лебилра хъалибарг гушли сабри, амма букес иштяхИ аги. Атани бегГ гьалар чудула бутГни СалихИлисра Зайнутдиннисра гъадатур. Кам-гъамси дуббатра берки, гьаларти секЛал кЕлра хъунуй урасиб.

– Гъу, Ата, бура сен сабрил хИушала аги? Секъяйда ургъули калунри? Чинав калунри? – хъарикЕскайиб Къайып. Атани сай ваибти мераначила, сунела дявила гьалмагъуначила, диубти анцГубкъуначила, саби бахъХи душманта алавбуцили калниличила, гГур гъалабахИ батбихъниличила бурулри. Сай вяхъили госпитальлизив калниличила, гъанна гъамли дургъби тамандирниличила гъайикГули дай дуги баайчи калун.

– Ясирбикибтира биуб. Белики ГЯбдуллатГипра ясирикиб ургар, – Атасра узи вебкИлахъес дигули аХенри.

– Балули аХенра, умут бердахъесра дигули аХенра, – иб пашманни Къайыпли.

– Дила уркИличиб ил чинав саял мицГирли левсиван билзули саби, – иб Султанаттира.

Нешли гъайалра хЕеб.

– Уршилис у нешли бихъахъибсири. Ит ГЯбдуллатГипла у сабХели вебкИли ургар нушала ГЯбдуллатГип, – гЯрзрухъун гъанналис лехИси Айбика. – МицГирли левси адамла у бирхъуси хЕеблар бикГули бираргу нушачиб. Патухли гъанХедуциб:

– БехИбихъиб гъанна мехГурти дурес. – Ташванризур. Ца мерличи хЕрикГули лехИкахъиб. ЛехИдеш чилилра хЕебуун, сари Патух халаси гъигъ абатурли рехИрихъиб: – КЕл ГЯбдуллатГип ванзалис декИли буили саби. Астагъпируллагъ, тавба астагъпируллагъ, се сари нуни дурути? – иб. ГГурра лехИкахъиб. Патух гГурра «тавба астагъпируллагъ, тавба астагъпируллагъ» или рехИрихъиб.

– Къадургазирад дебшес дирути аХенра, – иб Къайыплира. – Наб декИбилзули саби, нушала урши ишав хЯриихъни. Марли, нушабра ишаб хЯбкъадарбирисив?

– ХІяб чинаб къадарбиубли хьалли, се декІардеша? – иб Атани.

– МайкІуд, дила урши. Наб бегІла гІядабси ил саби. Дила неш-дудешла, тухумтала ургав ахІи, ишав, лайбакІибси лигаван, кавлас или гъанбиркулив? ДецІикІулра, бархъли бурасли, – уркІила децІ буриб Къайыпли.

Къайып гІергъиси замана гъаман зягІипиркулри. Фермализивад рахли жявли чариалри, илала кумек хІяжатли башутири; илизи тиладибикІутири хьалч балбарахъес, огород алавбарахъес, дярхъ-гІяя далдарахъес ва цархІилти мурул адамтала хІянчи дарахъес. Къайыплира вируси кумек бирулри, балулри илдала муйли, дурхІни, узби, дудешуни дургъбазиб биъни. Ата гъар бархІи дудешла мерличив фермализи вашули колхозлис кумекикІулри, къяшли саби бяхъни балахъули биалра. ХъуцІари биалли гІяхІбиубсиван билзулри. Къайып зягІипли сайли хьалли, буруш хІейгахъи. ХІейгули хьалли, изай калхъахъулри. «Ата вакІнилира ил ца гІяхІли ватухъахъун. Гъанна илала кахси децІ – илаб хІяб къадарбирнила сабри. Иличила бархІили чуйнаалра Патухлизи хъарбии, хІятта Патухли ил секІал бетхІеахъес рирусиван, Патухли ибси бетарусиван.

– ХІу нушала мер-мусаличи чардулхъниличичи камсилра рирхули ахІенрив? – дехІибалара дарили, алзухІели хъарбаиб Патухлизи Къайыпли.

– Се жаваб лугуси хІед? Нуша иша хъурадарес виубси Аллагъли нушала мер-мусаличи чардаресра вирар, – иб Патухли, – шукру биаб верхІцІайна азирна сунези.

ХІебла бурхІни цадехІ ванали, цадехІ дяргІили дашулри. Ванати бурхІназив Къайып, хъуцІрумачи чейхъуси хІякара касили, дуракалхъи. Се-биалра някъ-лизи кайсусири. Я бардала, я кІатІала, я къелхІела ар бири. Ил лугІянбири. Бара гІяхІиубмад, фермализи вакІиб. Сунени къуллукъбирути хІяйван-къача хІердариб. ХІярш-хъарсдариб. Къайып вакІили или фермала хІянчизартира разибиуб. КІелра, дудешра уршира, барх башулри. Атани, къяш арабиахъес акъудешра хІебариб. Ил чарухъес замана баилри. Гъала-гъала тухтурличи укъес гІягІнилири, арали виънила справка касес. Тухтурли дяхъурби хІердариб.

– Тылла мерличив ахІи хІу хайрихІейруд, хІела дяхъи гІяхІбиубли ахІен. Ца баз гъатІи паргъатдеш биэс гІягІнили саби, – иб тухтурли.

Атас фронтлизи укъес дигулри, гъанна дургъби тамандирухІели, сай ишав виъниличичи къабулли ахІенри. – ХІу ишав дебали гІягІнииркулри, Ата, – бикІулри масхаралисван бухънаби. Ата илдас Аллагъли вархъибси вакилгъуна сайри. Лебтанилра ил хІурматличил алавуцилри.

Ил хъулив камли вири. ДурхІнира камли чебиулри. Савли илди абизайчи, хІянчиличи араши, чарийчи кабихъи бурги. СалихІ гъар бархІи школализи вашулри. Зайнутдин хала нешличил кавлулри. Хъулирти хІянчи дирути илди сабри. КІелра хъунулра хІянчиличи башулри. ХІебла хІянчи сецад дирули хьалли, адурхути ахІен. Гъалар-гъалартигъунти къалаба-къалабали дирулри. Огородуни бекІдирули, илди делгІули бузулри имцІали хъунул адамти. ИлхІели бахъал зягІипра биркулри, бекІибтира биуб. Хъулир хІердирути хІяйван-къача багаладирулри имцІатас. Къайыпхъалара бемгурси къяй дурхІни гушбирахъули ахІенри.

Атала тухтурли имцІабарибси баз арбякъун. Гъанна ишав бурсивиубси Атас гъалабван къалабали чарухъес дигули ахІенри. УркІилис декІлири. Дудешра зягІипли сайхІели бииши, дургъбази чариз гъуцІ аберхурсиванри. Ил гъунивватес шантира дурабухъун. Цудара кагъурти дакІибти бисулри. Илдачил

бархбикили цархИлтанира биса ахъдирулри. Чисалра Ата арукъяхъес дигули ахИенри. КИелра биштIати гъамбиуб.

– Дудеш, хIу нушачив калес хIейруду? – хъарбаиб хумарли СалихИли.

– Ну хIушачи жявли чарирус, нуни бехIбихъибси, нуни таманра барес гIягIнили саби, – иб, кIелра урши гугиили сунечи гъяжбарили.

– ХIуни нушаб гIурра къанпетуни лерхиду, дудеш? – Атала ляжиличи някъ малхIямли къячиули иб Зайнутдинни. ИлхIели Султанатла ахъли биса дурадикиб. Лебилра бисескабииб. Атара кIантIивиуб. Ца гIяхIцад замана уршилис жаваб бедес хIейрули калун. Сай биштIати, гъанналис гIямру ва дунъя хIергъути дурхIнала гъалав виънили уркIи чIумабариб. Хъямварили Зайнутдин ахъуциб. Чеди лайвакIиб. Уциб. ГIурра лайвакIиб. Уцили катур.

– Нура, дудеш, нура, – някъби ахъдуциб СалихИлира. Илисра илгъуна уюн бариб.

– Къанпетунира лерхис хIушаб, гIурра хIеръирис хIушаб гIяхIбизеси се лебал. ВацIли чархIелхъас. ХIуша хала нешличи лехIирхъеная. ГIяхIти дурхIни детаэс къайгъибарая. Някъли илдада бурги хIяршдариб. Лебтазилра гIяхIли каленая или, сайра арякъун. Хъа азбарлизиб учибикибти адамти чула хъулрази пашмай чарбиуб. Зайнутдин хала нешличи гъамиуб ва хъарикIескайиб:

– Хала неш, нушала дудеш жявли чарулхъану? Сен ил нушачив цици гъатIи хIевъиба? Зайнутдинни дудеш алри, хъунул адатани биса тIашаэс бирули ахИенри. Илизи чилилра хIеиб «ил дудеш ахИен, ази сай» или.

Сай Атанира, Зайнутдин дудеш или дугъаизалри, сунела уршилисван жаваб лугулри.

Атачил барх станциялизи Къайыпра, Султанатра, Айбикара, ца гъатIи къяш чеббяхъибси ургъанра бякъун. Поездличи кайибхIелира, ил батбихъибхIелира, лебилра тIашли калун, някъба гъакIбикIули, бисули. ГIергъила бархIи чула гъарбархIила хIянчи дехIдихъиб. ХIябалра хIянчиличи дурабухъун. СалихI – школализи. Хала нешра Зайнутдинра хъулиб калун. Зайнутдин хала нешлизи суаликIес даимиуб:

– Хала неш, сен дудеш нушачив кахIелуна? Ил суал уршили чуйнара тикрарбариб, амма хала неш жаваб бедес къалабахIерикиб. Уршили биалли сунени сунес жавабли ва хала нешлис суалли бидахъубли, хъарбаиб. – Ил, нушачи душманти хIебакIахъес, илди кабушес арякъуну?

– ГIе, дила урши. Душманти кабушес арякъун. Илдани нушаб дахъал агруми дакIахъиб, – халаллизиван гъайрикIи хала неш Зайнутдиннизи.

– Агруми се сари, хала неш? – урши гъачам суалтачил вехIихъалли, тIашизахъес хIебири.

– Агруми, дила урши... Бахъалтала дурхIни кабушиб. Шими, шагъурти дуциб. Гаши кадизахъур.

– Нушачи бакIалри, нушара кадурштутирив? – хIулбачил вякъизур Зайнутдин.

– Нушара кадурштутири.

– Хала дудешли нуша кадушыхъес хIебалти! – ХIулби лямцIдухъун Зайнутдинна.

– ХIебалти, дила урши, хIебалти, – се-биалра буралли, суалти дахъдирни балули, къантIдарес дигулри Патухлис, – ваши дурадълхъехIе. Уршила някъ буцили, дурабахI батбихъиб.

– Душманти бакIалли, нунира икI бардали кабуршис, – иб гIурра Зайнутдинни.

- Кабуршид, дила урши, хІура цІакъси сайри. СалихІлира кабуршу.
- ГІур сен дудеш хІевъиба, гъатИи, нушачив? – бекІра ахъбуцили, хала нешла дяхІла хІерикІули, хъарикІескайиб Зайнутдин.
- Къанпетунира кадухес гІягІнилигу нушаб, – уршилис дебали дигахъути гъандушиб хала нешли.
- КахІедухалра гІямал бири, сай уибси виалри, – халасиван гъайухъун урши, – наб къанпетуначив дудеш цІакъли дигахъулра, – имцІабариб гІурра.
- Дила ахІерси, – Патухли урши кІапІуциб. – Дудеш къалли чехІейид хІуни, –бисаличил дарх уркІилизир калун Патухла илди дугъби.
- Дудеш вахъхІи кахІели чарулхъан, вахъ зигармайкІуд. Дудешра чарулхъан, къанпетунира лерху, – тІама разиси хІяйчи барсбариб Патухли. Ил тІама ахъли сабли хъалли, разидешван ахІи, хумардеш имцІали бухІнабуцибси бетаур.
- Зайнутдин дуравхъи хъалли, хІязлизи ахъес дигули ахІенри. Илис, хала нешла мякълав гугиили, хъарикІес дигулри. Илала иштяхІагри хала нешлира аргъиб:
- Укъен, гъари, даг хІуни учидариб къаркъубала сегъунти хъулри дарес вирудал.
- Наб хъулри хІейги, хала неш, – аргъахъиб уршили.
- Урши гІур чина аркусил балули ахІенри. Илала уркІи паргъатбарес дигули, Патухли илис дигуси бирулри. Тукейзи укиб. Тукейзибад Зайнутдинни селра хІесахъиб. Хъули чарбухъун. Хала неш беркала бирес рехІрихъиб. Зайнутдин хала нешлис кумекикІули, архиб. СалихІ сайри хъули бегІгъалав чарируси.
- Хала неш, ишбархІи наб шула бикиб. ХІисабти нуни бегІла гъалар дарира, – разили, лявкъу-лявкъукад вехІихъиб СалихІ.
- Зайнутдин иличи гъамиуб:
- СалихІ, нура школализи укаба хІечил варх. Набра, шулаби кайсес дигулра. Хала неш разирарес дигулра.
- БиштІати башахъути ахІен, – сунес хабарра агарли Зайнутдиннис хІейгули ахъахъиб СалихІли.
- Сен ну виштІасира, хала неш? – Зайнутдин хала нешличи гъамиуб.
- ХІу къанни варкъибси сайри хІела нешли, – халасилизиван буриб хала нешли.
- Сен ну къанни варкъибсира дила нешли, СалихІ жявли варкъили? – гъар секІал дагъес бигуси Зайнутдинна суалтала ахир аги.
- Неш ракІибхІели, хъарбаа, хІези буру, – иб хала нешли, суалти кахІедурхни балули. Зайнутдин сай къанни варкънилисра децІикІескайиб. КъацІли букахъес кабатурхІелира, Зайнутдинна укес иштяхІ аги.
- КъацІли хІевкадли, халахІейуд, укен, школализи биштІати къабулхІебиру. Неш хъули ракІибмад, уршили хъумхІертурли хъарбаиб, сай сен къанни варкъибсил. Гъала-гъала Султанатли уршила гъайла мягІни хІергъули калун. Патухли уршила гъайла мурад аргъахъиб. Жавабличи урши хІерли вахъхІи хІевъиб. ГІурра хъарбаиб:
- Сен хІебурулри, неш?
- Адамти цабехІ жявли алкІути саби, цабехІ къанни. ХІечибра къанни

алкѹтира леб, – нешла жаваблис уршили гѹр суал хѣгиб. Лехѣкахѣиб. Пикриухѹн. Хала дудешливан някъбира гѣла дуцили, къухѣванизурли, дуравхѹн. Салихѣ жузази архилри. Халатани учѣн хѣили, сайцун белчѹ-дилизи ихѹси уршиличи хѣалибарг разилири. Илини имѣѣа гѣай хѣедири. Класслизивра ил бегѣлара гѣяхѣил учѹси сайри.

Хѣянчиличивад чарухѹнси Къайыпбегличил варх Зайнутдинра хѹли ухѣнаухѹн. Зайнутдин чина укѣялра, валиркули ахѣенри. Виштѣали хѣалли, бекѣлизи дашути пикрума валтули ахѣенри. Ата арякъи или, имѣѣали вача-вархилри.

– Хала дудеш, дудеш мурт чарулхѣана? – хѣарбаиб хала дудешлизира Зайнутдинни.

– Дургѣби тамандиубхѣели, дила урши, – иб хала дудешли.

– Дургѣби мурт тамандирути? – хала дудеш чина укѣялра, сайра илис гѣергѣи вашули, суаликѣулри.

– Душманти лебилра кабушибхѣели, дургѣбира тамандирар.

– Дудешли кабуршув лебилра? – хала дудешла шалбар зузбарили буцили, гѣашкайзур Зайнутдин.

– Атанира кабуршу, илала гѣалмагѣунанира кабуршу.

– Нушачи бакѣалли, нушанира кабуршехѣев? – хала дудешла жавабти гѣяхѣизур Зайнутдиннис.

– Нушачи хѣякъян илди. Нушачи бакѣахѣес хѣебалта Атани.

– Хала дудеш вамсурли сай, гушлира сай. Гѣари буха гажин, някъбачи шин чертѣа, – Султанатли Зайнутдинниси биштѣаси гажин бедиб. Зайнутдин разивиубли, сасили гажин, хала дудешла някъбачи шин чертѣули, дирцахѣиб.

– Агъ, дила духучан. Сен гѣяхѣили кумекикѣулил хала дудешлис?

Дуцѣухѣи итил хѹлибад вяхѣушканра кабухиб ва хала дудешлизи гѣабатур. Хала дудешли Зайнутдин гѣурра гапвариб.

– Гѣанна нуша къацѣлира дукехѣе. Укъен, Салихѣира живара.

(Хѣарахѣуд – гѣурла номерлизиб)



Проза



Ибрагъим ИБРАГЪИМОВ

ЦАЛИЗИБ ВА ХИЛИЗИБ

(Хъарахъуд)

- Къасбара хъумартес ишбархИла анцІбукъ.
- Къас къалли бариша, хъумартес риасли...
- Рируд. ЖягІялра бархИи лябкъуси саби... ЖягІялра гІямру лерти сари...
- Аммаки, ХІямзат, хІу гІур иша, иш Буйрала бяхІлизи, мякъяд.
- Сен или рикІулри?
- Ну гІур мурткІал ишар хІерирус. ГІур ишадяхІ дила къяшми хІедашар.
- Набра ил саби дигуси, дила вацІала издаг, – ХІямзатла дяхІличиб разидешла лямцІ сагали пархбухъун.

* * *

ЦІурмигІя махъила дублабси, сунес Зинукъ бихъибси майдайчиб базар бемжурлири. Сут бархИла ил базар алавити шими-махъурбала адамтани жявхІейчибад балусири. Муира-сирхІязиб бегІла халасилизи ва давлачбсилизи халбирусири ил базар, вачар-чакар гІяхІил дузутири илар. Варъа-зеличирад дехІдихъили, хІяжатдиркути ваяхІличи даайчи, гъар секІал лертиван сарри.

Халаси низамлизир чедас лерри майдайчи гІяйдарили гІярбукІла тІулукми-кулухми, урцІли, гъалайхъанти; хъярбукла устнала бардни, къялкъни, миршби, мутІрусунни; дейбукІла нешер кигъми; меусишала палтар-тунаб, уркухъла жинсла маза-мас, хІятта хайдакъла вачрукъябани чІупразир дихути жура-журала цІедешра...

Ил бархИи базар давлачббарилри Халал гІяялизибадти зяхІматчибала ризкъили, Шумралла гІяялизибти чехъери рурсбани дершибти къалтинтани, балала чІянкІбани, дукІумила тупани, гъазагантла къис-къутІла устнани дарибти уркрани, хІулрумани, дурзмани, чІупрани...

Аммаки базарличи бакІибтала пикри имцІаливан ца дубла тІашризурси Дибга гІяякан Хачабани сунечи битІикІулри: илини дицес или базарличи чула

лерилра гѣжа-къяй даахълри. Иличи багъа хъарбаэс гъамбирутира лебригу, биалра, гъачамлис вачарлизи калхъуси чейули ахѣнри.

– Ца-хІябал гѣжа кибси риадри, Хачаба? Илдицад гІяламатла гѣжни чили исули? – илала мякълар гъести гІямрула хъунул адам гІашризур.

Хачабани хІеръибмад, Халал гІяялизирадси ГІятикат рагъур. Ил рагъурсира, гъачам сунела ХІялиматличи илала рурси Сайгъанат шадир раКибсири. Сайгъанат чераибсини, илала неш чи сарил, гъамадли багъес вири: нешра рурсира шинна кІел кІантІван цаличи ца мешути сабри.

– УркІи берцІ, гІямалбирулив, гъари? Дуки вашуси агара. Хъулир хІердарес хІерирус къалли илди, жан рузи?

– Хъулир хІейрар ... Рурси дуки рашули бикІигу?

– Лерри рашули, сари аллагъли рат, гъанна рашули ахѣн. Ца бархІи, нуни, неш, уругбализибхІ ца ганзра кахІейцІис или каризур, байгарман. Се бариша?

– ХІела ХІялимат нуни ралас, Хачаба. Дила Сайгъанатла зилан сари. Наб гІяхІризур. Духуси рурси сари...

– Гъалар дила ибта риркъуси рурси рири... ХалакараибхІели, рарсриуб къадин.

– Черрехи, Хачаба, рурсбас дуки-гъунби бекІлил гІяхІти ахѣн.

– Илгъуна хІерири ХІялимат... Камси гъаларван, шурмачирад карикили, палтарра гъярдердили хъули чаррухъун. «Дила дуки-гъуни таманкадиуб» или, хъули риаркарииб.

– Хъулиб бареси илис агарав гъатІи? Дила Сайгъанат, някъби акъухІеили, балала динда румхули рирар.

– Нунира ХІялимат акъули хІералтас: гъазагала устнала кидигъ исис, гІур души кабилтІас, дукІуми бершахъес.

– Илра гяхІси хІянчи саби рурсбас. Гѣжа-къяй сен-сен дирцулри? Арцлис яра ризкъилис?

– ДекІардеш агара: арц лугусилис арцлис, ризкъи лугусилис – ризкъилис.

– ХІела гІяхІси вачар бетааб, рузи Хачаба.

– Баркалла...

ГІятикат тйядирикибмад, «Мукърала гулби асая! Яни гъамбикІули саби. ХІякнала манзил чесабиули саби! Асая гулби, асая!» или, ахъ-ахъли вявра бирхъули, базриган Самад даКІуухъун. Илала вачар-чакар гулбала сарри. Дибгібти, кІантІидарибти, умударибти... Иркниша махъилизивадси Самад бахъли валусири. Ил хІякнала устара сайри. ХІядурти хІякнани уркур бицІили, гъарахъти шимази булан вачар барес вашусири. Гъаннара ил, хъуцІрумачи чекахъибтира дукладуцибтира жура-журала гулбани вахваршибсиван сайри.

– Эй, Хачаба, хІед нуни пайдаласи вачар бирис, рахли къабулрикадли?

– Наб хІела гулби сари камти, – разиагарли иб Хачабани.

– КъалабамарикІуд, рузи, гъала-гъала набчи лехІриси. Гѣжа-къяй дицес базарличи кибти ахІену?

– Сари.

– ХІед нуни рурсилисра хІедра хІякни дарахъес гулби лугас, хІуни наб – кІел гѣжа. Зарал гІелаб агарси вачар бирар.

– ХІякни дила хъулирра лер.

– Хъулирти, дила рузи, имси дерги дургар? Рурси къалли жагІял-царахІели шери редлугад... Сагаси хІяка цІикурилис гІягІнибиркур?

– Хіела гІямал-дарман мадуъ, Самад. КІел гІежа хІед дицили, калунти се дариша?

– Дахъал леру?

– Гъал гІежа лерти сари.

– Калунти гІякунтла ризкъилис дехІсурдара.

– Гъанна бурри! Идицад ризкъи се дариша? Ца барха нушаб кІел баз биули саби. Юх, дила гІямалагарти дахъал лерти сари. ХІези нуни бурасли, дила Самад, наб арц гІягІнили сари: рурсилис цІикурила мас кабихъес замана баили саби.

– Сепайда, гъари, – пашманиубсиливан тІама гІяшбариб Самадли. – Илди гІежа-къяй цахІнар асеси нушачив арцла вегІ чинавли? Гъазагала талхъан-мага базарличи хІекІалли?

Талхъан гъанушни Хачабас дяхъиличи зе писдарнигъуна сабри.

– Вачар бареси камхІейрар! Укъен хІура! ХІела гягІдикІути гулбани дила гІежни урухдирули сарину...

Илкъяйда кункли Хачаба рачаряхънили Самадла итира халати хІулби, уркІухъи, тІумалаван вякъдизур, гІур «Астагъпируллагъ, астагъпируллагъ, ишди хъунул адамтазибад берцуди биаб!» или, илавад гъарахъикиб.

– Халкъласун вачарлизи кавхъеси ца адам лявкъули ахІен, байтарманти! – пурхурикІулри Хачаба.

Базарла агълула гъачамличир-гъачам тІама-гъама дахъдикІулри:

– Эй, гъазант! Урбеш кадурхули! Урбеш кадурхули! ХІушаб пІялцІикІ хІейгулраив гъари?

– Гъамдиирая иша: чумлила жявли дилкъан хъярби кадурхули сари!

– Асая хІушала чехъертас арцла тІулукми-кулухми! Мургъила урцІлира лер! Гъамдиирая иша!

– Цудхъран Жамалудин чехІеираяв? Наб дерубти курега хІяжатли сари!

– Эй, махъикан урши! Аса иш валчагъ! ГІур хІечирад хІела гелешмешли хІулби черасес хІерирар...

– ГІяндан варгъи, гІяндан варгъи!

– КъапІни ишар сари: бухарила, мазала, къяцала, гІярала... Дигалли, пес къапІнира лер!

– БукІун ГІяли хІекІибу базарличи? ИлизикІун Исупанна ханжал хахъес тиладибарибсири?

– ГІямузган Гъазалила лебу?

– Гъазалила чинабли? Гъанна илгъуна ханжал баргес хІейрар!

– Нукъун асая, нукъун асая! Бара делкъунти сари, бизили тІемдикІути сари...

– ЧячутІ чехІеираяв, эй, адамти? СирхІязивад вакІибси? Иличи хІерли, урши суннатлахІерили кали сай. Гъари, чеадалли, набчи вархъая!

– Эй, гІяхІял, се саби хІуни бируси? АнкІила сяхІ илкъяйда бирицІусив? Вахъ къиркъирмайруд! Къикъирла уси вацнани бугуси сабину, ца мехІ чекакъи.

– Гъанна вачар барес тяхІяр агара: гъар секІал дурхъадаили сари. Ахират-личила пикриикІуси варгес хІейрар.

– Шукру икІен, ахиратлизи гъалакмайкІудну...

– Базриганти Аллагъра гъануршули ахІен, къянала хъями-цІами дирули саби.

– Илдани, дила узи, хъулив сай аллагъ гъаниркахъуси: илхІелира, вачар гъарбизурли, чарбухъалли.

– Машааллагъ, цаІакъил гІяламат леб. ГІяхІси биаб!

– Амин, я Аллагъ!

БугІярли хІебиалра хІякала дулгъубази някъбира дигІяндарили, Хачабани замана-замана гІежнала хІенкъ алавбирулри. ЦархІилти вачрукъябиван, дила гІежа-къяй асая или, вявра рикІули ахІенри. Ца гІяхІдеш гІежнира, медикІули ахІенри, уркІдухъунтиван кІайкадизурли, ца мерличир дуулри.

– Хачаба?! ХІу гІямрули релкъ! Чис хабарри? – някъбазир сирдирули, дарх дигъунти къачалайла дабрира, дабрумала ухъна уста ВагъабхІяжи вагъариуб. Ил гъазагалан сайри, хабчаб ахиратлизи рархъила, кІиэсил дус цалра базар бархІи язбурхахъули ахІенри. Мячуйти яра къачалайла дабри дарх касили, семцІурли вири. Илис къалли сунела дабри дирцнила шишимтира камли сарри. Сагали хъайчикайэс, цунти гІямру циила къугъадарес хІебикесара или, хъуликІулри. ХъуликІулихъар, се гІяхІдеша, вецІани гамъабачи дугъаизурлири, дураша ваилри, сепайда, гъачамлис гъархІебилзули левалри. Илбагъандан, гъар гамъа хъунул адам чераибхІели, варъали мухІлира бакили, кисализиб камхІебируси гІяшла салали супелра гІявабакили, иличи дуцІулхъулри. Бажардиикилри ил Дибга гІяялизи Хачабачи ваэсра. Се биру гъари? Илала вайбухъриубси маймалаг рурсили, хъули ацІахъесалра хІетурли, гъавяхъибсири.

– Ягъари, викІулра, ишбархІи нушала базар сен цаІакъли шалабиубсира? ХІу ракІибхІели балан? ХІу берхІи бихан руилригу, Хачаба?

– ГІявамухІ, дати хІела шинкІати гъай!

– Валлагъ-биллагъ, рузи, уркІиличиб агарси цалра дев лезмили хІебуру. Набчи хІерирхулрив?

– Абдулта хІевгъули, аса ца гІежа.

– Ца гІежа? Ишди лерил хІела дуилив?

– Дила сари.

– Талхъа лебдешла хІед бутІа кали саби, Хачаба?

– Талхъа лебдеш чинабли? Дусмадли рузули, релки адикъурти мицІираг сари.

– Ну масхаралис сайра викІуси... Нуни балулра, Хачаба, гІежа-къяй хІердарес гъамадти сари, вацІа лебихІир сари-сарил хІердирути сари.

– ХІердирути сари, дуки дикуси виалли?

ВагъабхІяжи гъинчІизур, хІяна муцІур хІяршбариб.

– ХІела гІежнас букІун хІяжатли хІейалли?

– ХІяжатли виалра, унзала гІелав агара.

– Элелей, Хачаба, хІябилра хатІариркули лерри. ХІугъуна хъунул адамлис къуллукъбареси хІейару гъари?

Хачабани аргъиб чина алавдикулил ил ухъна къарини.

– ХІу лявкъяду дуки вашес?

– ИшбархІи дигара! ЧІянкІли хІуни ибан тІул гъакІбара.

– ХІед нуни хІекълис гъар дус хІябал гІежара лугас.

– ГІежни наб се дариша, дила Хачаба? Дила камси се леба? Наб баибси саби хІела мякълав, Дибга гІяялизив виасли...

– Или ибси се ибси?

– Селра... ХІуникІун иргъулри...

– ХІела уркІи берцІ! Набчи хъайчикайэс дигули хІейадли?

ВагъабхІяжи жаваб чарбарес валкъІеурли левай, Хачаба гІурра иличи черухъун.

– ХІу аллагъли арук! Бухъна жакъа, наб хІугъунти муйли бургар гІягІнити?! Вашен дила гъалавад, гІявамухІ!

– Ягъари, Хачаба, вямарикІуд! Адамти лехІихъули саби.... ХІед гІяхІдешлис сайра ну викІуси...

– ТутІули ветяхъла, дабруг!

Къачалайла дабрира гъакІдирули, ухъна ВагъабхІяжи илавад вебшиб.

Хачаба гІурра гІяхІцадхІи илис гІеларад дирглума ругъули лералри. ХІятта базарла агълура, Хачаба сен илцад ремцІурсира или, иличи кІайбизур.

Дурутира кадерхурли, рамсурли, ил мякълабси цІубхІярличи карииб: «ГІягІнили дурги наб ишди байтарманти хІердарес? Дудешличи лехІахъира къалли? «МицІирагла вегІ адамла яшав вайтІа хІебирар, белгъес вирар, беркес вирар, пешкешбарес вирар, бицес вирар...» или чевхІейкили, гІежни кадатахъур. Дицес вирулидегІ лер? Асес дигуси цалра адам гъамиубли ахІен, абдал-духути саби алавсабикІули саби. Дила бекІ къагъбирути саби мякъла гъамбирутира, чула уркІби дерцІарти!»

– Хачаба? – тІама чехиб.

Илала мякълав цІудара къичу чевси, бирцІлумар ириличиб декІцад бухъяна ханжал сурбухъунси, бекІличи хІяри ахъси мукъарла къапІа чебибси тІалгъуна мурул адам тІашлири.

– Ну хІегъуррав?

– Къазанапла ХІясайни?! Дудешла букІун? Жан аллагъ, хІуалра чинавад дурайкири?

– Дурайкес къачІала бухІнабси ваца хІейиша? Базарличи вакІилра... Гъанна, Хачаба, ну хІела дудеш ХІяжимаммачив букІун ахІенра. Ну азадси узден сайра... Дила ну–вегІси дурзамра леб.

– Гъу, дура хабурти. Сен саби нушала уркухъанти?

– ВайтІа ахІен, шанг гІявали лебалцадхІи, адамтира вайтІа хІебирар.

– Дила дудеш? Дила урши Устархан?

– Чебаира, шукру рикІен, аралі-гІяхІли саби.

– Дудешличи чархІерухъниличи нура пашманриубра, дила ХІясайни. Се биру, Аллагъли гибси ахІенси барес вирусира агара.

– ХІунира бирцу-исуси лебли биес, Хачаба?

– Вай, чула гІямал буарти, илди гІежни багъандан гъазали рубкІулрагу? - илини тІерхъаличил гІежнала хІенкъ чебаахъиб.

– Лебил хІенкъ хІелав?

– Саби, саби.

– ЦахІнар дирцули хІериши?

– Лерилра дирцути сари, дила узи, рахли асес дигуси ахъалли...

– Набра маза-мас гІурра гІягІнили сари. ГІежа-къяйличила-декІар пикрихІевхъунра.

– Жан ХІясайни, хІу аллагъли ват! Илдира дурзамлизир хІердирар. Ардука хІед, дургІе-дургІели лугасну...

– ХІер къалли дирар, хІебалас, се бирусилра...

– ПашманхІейруд... ХІела кулпет леб халакабаили, илдани бургар гъаннара дурзам хІербируси?

– Халал урши СягИдуллагъ сай дуки вашуси, Хачаба. Ил хъайчикатесра замана баилигу, нешли бургути рурсбачи разихІеркули левал.

– ХІебиалли, сунени черрикІибси уркухъан къуймур рургар?

– Юх, илгъуна хабарра бурули ахІен. Бархъли бурасли къалли, Хачаба, ил мерлаварес дигулра. ДилакІун кІел урши гІурра лебти саби. Къяшли къяш бирхъули, илдира цалис ца гІеббаили саби.

– Аллагъ разивиаб хІечи, дила ХІясайни. ХІушани пикрибарисира заманаличиб берцІибси къацІгъуна саби.

ХІясайни, пикриулхъули, къапІа чебасиб, бекІ хъарсбариб, сагали чебииб.

– Ягъари, Хачаба. ХІела ца гІурра рурси лерли ахІенрив?

– Лер. ХІялимаат бикІар.

– Гъанна илра чехъери ретаурли рургар? Яра шери редес бажардирикирив?

– Гъуя, гъари, жявли саби: ХІялимаат гъачамлис дила хъулир сари.

– Ураркъили хІериалли?

– АхІен.

«ГІяжаибси хІейалли иш дила шан ХІясайни? – пикруми лукъулри Хачабала бекІлизир. – Вачарла хабар чебарбухили, сунела хъалибаргла ицІайгІяла гъандуршули сай. ХІязлис ахІен илини дила рурсиличила дахъал хъар-хъардиутира. Уршилис шери кариэс хъулухъи хІейалли? Сен кункли хъумартурлил, сай лугърала къамла виъни? Яшав барес бажардикибмад, «нура гъанна узден сайра, виКІули, сагаси къичура чебяхъили, вагъарсавхъи сай. КъазанапхъаликІун мурталра нушала арилиуб бирутири. Севан кункли къисматуни дарсдирулил? Ну-декІар гъанна чи саррав? Узденталара талхъ-унталара жинслизир акІубси риасра, Дибга гІяялизи дурарушили, гъанна шаддикъличи мешурикахъилра. Ахъли хъямрашесли ахІенра... Иш Къазанапла ХІасайнили гъалабирхъуси пикрира вайси ахІен. ХІялимаат даим набчир рихІес хІерирус: хъаллариули гІергъи, илдигъунти бажардила адамтачир гІяхІил рирар. Гушли, гъаргли кахІевлахъа. Улас, илала урши СягИдуллагъ сегъуна саял, чеэсалра биалри. Вахъ падахъус виалли, дила хамси, чехусанси ХІялимаатли къабулхІейру къадин...»

– ХІу къаршили хІериадли, Хачаба, гІяхІлад дакІес дигахъира, – виКІулри ХІясайни.

– ДаКІирая гІяхІлад, гъайкадулхъахІену... Гъу, хІуни нушала вачар-чакар хъумартурли хІейадли?

– АхІенра, черрерхи, – ил базарла ца шайчив, урчила ургъурра някъбази цІацІабарили, тІашкайзурси гІулухъачи дугъаизур: – СягИдуллагъ, гъари, гъамии иша!

Дудешлагъунти сагати палтарли вегІиубси, кегІебси, ахъси къаралдила вегІ сайри уршира. Урчира сайра гъамиубли, илини Хачабас салам бедиб.

– Иш гІежнала хІенкъ нушачил барх арбукес дирехІев, урши?

– ДирехІе, архІебукес се леба дудеш? БуцІала хІенкъ хІебиэсгу? – масхарара бурили, ил пишяхъиб.

Хачабас бусягІят СягИдуллагъ гІяхІизур: «Иш уршилизи ухъеси багъадурра агара нушала улгу-минализив. Дила ХІялимаатлисра хІекъли валикесигъуна сай...»

– Хачаба-рузи, набзир хІела гІежнала хІенкълис даари арц хІедургар... ХІу се рикІуда?

– ХІу урхІла адам ахІенри, ХІясайни. Лерти диха, калунти гІур гес яра дархъес вируд.

Дудеш арц дурасес къичула кисализив халтІухъунхІели, уршили иб:

– Дудеш, нушала вягІда маза-мас асес ахІенрив гъатИи?

– Се декІардеша? ГІежа-къяй маза-мас ахІену? Илдани дурзам жагабиру. Рахли нушаб Хачабала гІежни баркат бихутили урдухъалли...

– Дулхъан, дулхъан, урухмакІудая: илдани гъачамлис кІилизанти ахІи, цацун гежбара баркъибси ахІен.

Хачабани сунела някъбази даибти арц дейгІун, гІур хъябличибад жиб-жирбухъунси биштІаси таврализи дигІяндариб.

– Гъу, СягІидуллагъ. Ну гъалавад вашус, хІуни, урчиличи мурдакайили, гІежни сутдара, – илира или, ХІясайни гІежнала гъала арукъес вализур. ГІур, Хачабачи шурирхъули, иб:

– ХІу се рикІуда, Хачаба? Нушала ихтилат даимбарес бетаэсара?

– Сен бетхІеруси? ХІуша дила минала адамти саррая. ДакІирая гІяхІладли. ГъайкадулхъехІе... Илди калунти арцра дарх касес хъуммартидая!

– Агъ, Хачаба, Хачаба! ХІуни къалли дугІла вачар хІебирид, – гъинчІизур Къазанапла ХІясайни...

* * *

Гъазагала талхъа кІалгІялизибси шаласи тавханализи ХІямзат ацІиб. Илав иличи дудешцун ахІенри хІерси. Тахла гъалаб тугъбари кабизурли, къяш-мачибад бекІличи бикайчи ярагъли бегІбиубти кІел нукерра, къуллукъчи НухІкъадира, илала урши Жапарра лебри.

Амирбегли биштІаси къанилизибад суранна кагъар касиб ва НухІкъадис гъабуциб.

– Илаб нушала хІурматла бекІ талхъан РяхІимханничи дурхъутала сияхІ леб. Гъар секІал уцумила къуллукъчичи диахъути сари. ГІярбачиби къалала дураб хІушачи хІерли бирар.

– ХІурматла талхъан, архІяличи мурт дурадулхъутира? – хъарбаиб НухІкъадини.

– АрхІя гІелайчи арбихни гІяхІси хІебирар. Аллагъла икъайчил, ишбархІи дурадухъадалри, вайтІа хІебири.

– Дила талхъан, къапучи ХІямидра варх арукес асухІебирару? Гъунчибси анцІбукъ багъес хІейрар.

– УрухкІулраяв?

– МяхІкамдеш вайси ахІенри, дила талхъан.

– Биаб хІу викІуси, НухІкъади, чянкІли заманаличир даахъес къасбарая: илди хІерли саби...

Талхъайс икрамра барили, лебилра тавханализибад дурабухъун.

УнабурхІличи ваибси ХІямзат ласяхъиб.

– Дила талхъан, набра Жапарлисра ярагъ хІяжатдиркутив?

– Урши, хІушара мекъличи дурхъули хІедишиша? Мегъла къапІни ва хІяни-ниби хІедиалра, кункти ярагъ дарх диахъая.

ХІямзатра, гъатИи дубхІехъили, дудешлис икрамра барили, дуравхъун.

– Гъалав хІу илгъуна архІяличив калунсиририв? – хъарбаиб дурав хІерси Жапарли.

– Юх, гьар дус хІябал уркурличиб Хайдакъла уцумис напакъа арбикуси саби. Гебшнила ахирличиб.

– Илцад сахъдеш хІебаралра, Баршамайлизи ахІенрав диути?

– Сарра... Дудешли бурули леври, чуйнал, гІярбачиби сабицун бархьибхІели, къачагъунани белтІи, хъямбарили уббухъунтири или. ГІур биалли халкълизибад напакъа бучес чебуркъубсири: илхІели адамти гъузгъалдихІебиубли кавлану? Пунтбиуб хъубзурира танбихІлабарес ва илдачи гъатІира халаси гІякІа чебихъес хІяжатбикилри...

ХІери гІергъи гІярбачиби гъунчиб сабри. Унци дабгибти хІябал уркура къубба барибхІеливан ризкъила гавлагунани дицІилри, жаркъярла аги каибти илди унциани хІилхІи дикулри. КІелра нукерлара къапучи ХІямидлара мегъла палтар зянкъярдулхъулри, лехІихъусилис илдани украла хІулрумачил накъра дирхъусиван сабри. ХІямид-ази гъункъябала халал сайлин, гъаввашулри, калунти украла шайчибад ва гІелабад баткабихъилри. Лебилра урчачиб мурдали сабри.

– Уркухъла хъябагъри ахъахІелли, лугри кадурхар, гІур унциас гъуни гъамдбирар, –иб унци гъайдируси Халал гІяялизивадси ухъна гІярбачини.

– Унциас къалли катра хІейгахъу, адавзи, – буриб илала мякълав, мурчІра гъакІбирули ганзикІуси, жагъдешлизи ацІес бара валкъаруси уршили.

– ХІуни, ХІяпиз, жягІял савлили Хайдакъ чебиид.

– ИшбархІи сен чехІебиуси, адавзи?

Ухъна гІярбачи пишяхъиб.

– ИшбархІи, узис ват, Карбансарайлизира даэс мажахІят бажардидикиша. ХІеръа, сегъуна битІакІ лебал украчиб.

– Хайдакъ, бикІар, давлачечси ванза саби?

– Саби, гъайгъай, илдас унхъри, ухъразир цІедеш, къар-шин, мурталра ванаси гъава лерти сари... Илдачиб янира ванали бирар, дяхІира кабикибмад бицІур.

– Адавзи, хІуни Хайдакъ гІяхІли балули леври?

– Хайдакъ хІебалас: ил халаси саби. ЧибяхІни бикІуси ши балас, цІедешличил давлачечси ши саби. Илав нушала минала гІяхІялра левси сай. ХІялимпаша. Эгъ, урши, ца чебаадри хІуни илала бягІлила анхъ!

– БягІли се цІедеш дирутив?

– Гъачамалра хІедеркунрив?

– Чера даибти ахІен.

– Сепайда гъатІи, ЧибяхІни аркъути ахІенра къадин.

– БягІлила унхъри Баршамайлизирра лерти сари, – ургабатур ХІямзатли, гІярбачибала ихтилат аргъили.

– БягІликІун се сари? – иб Жапарли. – Илдала сабухъ бучили бургар: жявли дилкъути цІедеш сари. ХІуни гІутІи деркунтив, ХІямзат?

– Деркунти сари: дудешлис чІупразир дурхъули бирар.

– Илдала гІем гІяхІбизуру?

– Вайси ахІен... ЦІедешличи дила халаси иштяхІ хІебирар.

– Балулра, хІед мукъарла диъ бирар бигахъуси... Жаниварлагъуна саби хІела иштяхІ, дила узи.

– ХІуни диъ хІебукули виадри....

– Эйхъали, кунби дахес бикалли, хІушаб гІур селра хІяжатли хІебургар?! – вьвбяхъиб илдачи ХІямид-азини.

Жапарли сунела урчи ХІямзатла урчиличи гъамбариб ва шивкІивухъун:
– ПІяГІнили бурги нушаб ил къапучи ХІямид варх укес? Гъай бурахъесра далтули ахІенра: гъаннара хъашнази халдирули лералра.
– Ил чили живарибсири? ХІела дудешли ахІенрив?
– Дила дудешличира ну разили ахІенра. Ипра сунела къуллукъуни дарахъес шилизив валтусири...
– Илкъяйда бурадри Гъазагала талхъайзи.
– Нуни сен буруси? Гъазагала талхъан хІела дудеш сай.
– ХІед гъанбиркули бургар, ну талхъа урши виасли, ил набчи лехІихъули ургар или. Юх, дила узи, ца гъайличира лехІхІелзан. Эгер дила гъай бетурхули биалри, ишбархІи хІушачил варх иш архІяличивра хІейраси.
– Сен хІейрусири?
– Ну аркъуси мер цархІил лебри.
– Агъагъай, аргъира, ХІямзат, хІела аркъуси мер чина сабрил. Дибга гІя-ялизи?
– ХатІаиркулри.
– ТалхІятличи шадив? ЦІурмигІя махъилизи? Кумсиятлизи сунела ралликъянара жирарахъили, кІелра гІяшикъ къаршидикес?
– АхІенри... ХІед илцад дигули виадли, буриша: ГІярбукІла шилизи ваэс къас лебсири.
– Ца гІярбукІан декІала регІ гъатІи лерли хІериэс хІела?
– Дати масхурти! Дудешла гІяхІял левси сай, арц-мургъила уста... Илизи ца кулеха барахъес дигусири.
– Или викІен гъатІи! ХІялиматли талхъа хъулиб лебси кулеха къабухІебирули ралан? Сегъуна хамчяка раргилрил хІуни, дила узи.
– Юх, наб дигулра устализи сагаси кулеха барахъес, цІуб арцличи мургъила хатІли ура белкІи...
– Эллелей, гъанра биркули?
– Ил пикри вайсив гъатІи, Жапар?
– Вайси ахІенну, гІур сабигъуна цархІил биэс хІебиэсигъуна саби. Маша-аллагъ, дила узи, гъанхІебирки гІяякан рурсили талхъа уршилис илдигъунти тІимкъ дихъес рирар или.
– Дихъили сари, бархъили бурасли, – мукІурвикІули, гъатІира тІама гІяшбариб ХІямзатли. – Агъ, узи, нагагъладан хІуни балули виадри, я дугели я хІерели ил уркІиличирад чераркъули ахІен.
– Валлагъ, дила узи, набра дигахъира илкъяйда биубли.
– ХІед Сайгъанат гъанхІериркулив гъари?
– Гъанрикалра, ил хІелагъуна дигайла мусибат агара нушала.
– Ил къалли къяна саби.
– Къяна сен бируси? Дигулра набра Сайгъанат гъар бархІилис чериэс, аммаки хІелагъуна хІяланала гъужум агара.
– Нуни балулра сен агарсил, Жапар.
– Сен агрси?
– ХІед, дила узи, дигайла гъужум селис гІягІнили? Сайгъанат чераэс хъулухъадли, дуракайд дурхъибад ябура, къулгъу белчІайчи Халал гІяялизи виуд. Абикиб къуллукъ! ХІед мурталра гъуни гъаргли саби.
– ХІед Дибга гІяя гІекІили балан?
– Вирхаи, дила узи, ХІялиматхъала къапу наб гъаргли ахІен. ХІуникІун

балури... Ну Гъзагала талхъа уршицун ахӀенра... ХӀялиматла нешлис душма уршира сайра. Чебиулрив аги сегъуна сабил?

– Мургъила хатӀли бекӀунси кулеха бухадли, Хачабани хӀед къапу ибхъули ралан?

– ХӀебалас... Белики...

Жапар, мухӀлиличи хъатра гъабуцили дукаряхӀиб.

– ХӀямзат, хӀу юлдаш виънилис ца гӀяхӀси маслигӀят гӀеббурис.

– Бура, маслигӀятунис наб дигахъисну...

– ХӀуни гӀяхӀил пикрибарилри. АрхӀяличивад чарухъунмад, ГӀярбукӀла шилизи ваи. Дигалли нура варх льякъяс... ЧӀянкӀли хӀела ца кулехаличиб гӀямалхӀебарар, ХӀялиматла нешлисра барахъа. ИлхӀелира илис цӀуб арцла асухӀебарарну, мар-мургъила. Иличиб ишгъуна белкӀра гӀягӀнибиркур: «Дунъяличир регӀла жагаси рурси паркъибси неш Хачабас».

ХӀямзатли селра бурайчи сабур хӀебарили, Жапарли ахъ-ахъли гӀяк-гӀякбяхъиб.

Иличи дудешли разиагарли хӀулби хӀердариб.

Къапучи ХӀябиб-азини сагали пурхурдяхъиб:

– Се адамти бируттив гъари? ГӀякӀякунира сабира. Гъунчиб башес балули ахӀен. Халатала хӀурмат бирули ахӀен. Илди гӀярбачиби гъуниббатахъес бархъили саби. Урги-дергара чекахъили, ирмачи ханжултира даршили... Шинкъани бархъес агара илди къурумсакъуни!..

– Къанси дуги гӀярбачибир илди гъунибалтутира Карбансарайлизи байб. Унци урдатур ва Хала хӀеркӀла дублабси диркъаличи дугахъес датаиб. Камсигъуна къацӀра барили, бамсрияхъес пикрибариб.

– ХӀушани гъанкӀахъая, нуни къараулбирис, – иб къапучи ХӀямидли, мегъла палтар чердалтули ва, шушкара някълизи цӀацӀабарили, къунзулхъули.

ХӀямзатра Жапарра уркурличибад гъарахъли ахӀи, улибхъара бекӀлиу кадихъили, диркъаличи шайчибикиб.

ГӀебшнила дуги биалра, диркъаличиб гъава ванали сабри. Чедиб зубарта вахбаршибси умуси зак сабри. Удиб Хала хӀеркӀли сунела даимси «вих»-ла аги каилри.

– ГъанкӀ лебу, ХӀямзат?

– Лябкъян, ишгъуна дуги, нура вархъатурли, гъанкӀ шалгӀеббухъес бирару?

– ХӀед, заки хӀерикӀули, пикриикӀес дигахъиду?

– Дигахъис.

– Набра бегӀла дигуси манзил саби. Сен викӀадли, сагати далуйти уркӀиличир чериргъули дирар. ХъуливхӀели, чугурра дуклабуцили, гъаргалабси тахличи герулхъули вирус...

– Далуйтара учӀули? АхӀену?

– Вархъли викӀулри, ХӀямзат, гъанкӀ чебакӀайчи далуйтара учӀули вирус.

– Дигахъис наб хӀела далуйти, Жапар. Карбансарайра чебаргъахъили, ца ишабра белчӀенгу?

– Сепайда, дила узи, хӀу викӀуси барес чугур агара къадин. ВегӀебш, хъумартурра барх касес.

– ХӀед нуни чугурра лугас, – ХӀямзат диркъаличив хахамухъун, баргили ца биштӀгаси тӀерхъа, юлдашлис гъабуциб: – ХӀугъуна устала някълизиб тӀерхъара далайбикӀар.

– Биха, гъав бетахъайчи ца белчӀишану ...

**Хала хІеркІла варачан,
Чина къалабасири?
Дубурти дархъдатурли,
Урхъу гьалмагъбуцилрив?**

**Зугъра зубари, хІябра
Лебри къугъабиубли:
Чедиб бац кІайбизурли,
Удир урми думхІули.**

**Гъу, бааб хІела мурад,
Хъяб садуца урхъула!
Наб саламти хІехирив
Дубурлан ца къуймурла?**

**Гъу, дура набра хабар
Ца гІяякан рурсила:
Карбансарайла къярдлаб
Сайрану гьанкІ агарли.**

Ца далай гІурра белчи, Жапар тІашизур. Терхъара мякъла кабирхъули, ХІямзатличи дугъаизур:

– Эй, талхъа урши, чархарала гъайра хІергъирагу?

ХІямзатли жаваб чархІебариб: чини бала, белики, мякълавси юлдашличи-лара хъумартурли, сунела пикрумазив куртІухъирил, яра чебакІибси гьанкІли муэртази арукилрил...

Шала шикъдируси вахтлизиб ХІямид-азини бамсриихъути чебаргъахъиб.

– ЧардхъунхІелира калунси гьанкІ ахъес дирудаяну, хъярхъли далкъаирая!

ГІярбачибала биштІаси карбан вацІализибси гъунчи бухІнаберхур. Илаб уркурла гъуни гъярцІбиублири: кІелра шайчирти дерхъибти вацІа-къада гъунира чус барес дигутачи мешулири; илаб берхІила нур кахІегеси дяхІци бетаахъурлири.

Рахли дягІ бухъунхІеливан, диштІати галгубира къадубира вяшардхъун. Илабад хъябхъялагъуна ургнала къири дурабикиб. Ил унци-уркрас гъалаб башути кІелра нукерличира хабарла ургъан ХІямидличира агиб. ХІяннибачира мегъла къапначира чегибти ургни цадехІ дялчули, цадехІ тІяхІдулхъули ванзаличи кадикиб. Аммаки сагали дакІибти ургнани кІелра нукер, цІумра дурабушахъили, урчиличибад кабикахъиб.

АнцІбукъ аргъибси ХІямидли вьавбяхъиб:

– Къачагъуни! Къачагъуни! Чябхъин! Уркурличи къакъбарая!

Селра пикрибарайчи, вацІализибад къачагъунала хІуреба дурабикиб. Ил-дала ярагъра тамашала сарри: имцІатала някъбазир тІерхъуби, урца къягни ва гъуци сарри, сабира зибкъни детаурти палтарлира, бекІличирти гъартги духъяна гъезлира жанивартачи мешубикахъилри.

ХІямид шушка чІяхІбарес бажардиикиб ва сунечи чебухъунси къукъялизибад цалис гІергІи ца вайнукъяби бяхІяхъбирескайиб. ХІямзатлира Жапарлира, урги-дергализибад иртули, чумал къачагъ кабикахъиб. Чула някъбазир ярагъ агарти я бургъантала арзу-хІял хІедалути ГІярбачибера илдачил варх талхъа къуллукъчи НухІкъадира уркурла гІела дигІянбикиб.

Дяхъибти урчи, къяцалангдашули, хІихІидикІулри, кабушибтала хІили ванза иркулри. ХІера, ХІямидла урчи кабикахъиб, гІур сайра атІунти ургнани къядгаличи мешуикахъиб. ХІямзатра Жапарра камси гъатІи ханжултачил бургъули калун. Ахирра ахир ХІямзатла бекІлизи къакъла гІелабад зугъаси бяхъ чегиб, ва ил, къагъиубли, урчиличивад кайкиб...

ХІила цІелда ветаурси ХІямзатли хІулби ахъдуцибхІели, хІерила манзил сабри. БекІ давбикІули бучІулри. Илини аргъиб, сай галгализи вигъи виъни. Юх, ил сайцунра ахІенри: галгала итил шайзираб Жапарла цІумълара чедихулри.

– Жапар, хІу мицІирлирив? – хьарбаибилини
– МицІирлира, амма гІур нушала адам чейули ахІенра, – жаваб чарбариб Жапарли.

Илди барх бигъунси гагаличибад гъарахъли ахІи вацІала сирт сабри. Илар анкІила гавлагуна дицІибти хІябал уркура лерри, унци чедиули ахІенри. Ур-крас алавбиубли вецІалцад къачагъ гъайбикІулри.

– ВеГІбекІла пурбан агарли, ризкъилизи чилра къячхІеркур.

– ВяГІда илгъуна ахІенри: нушаб пай хІелугулив?

– Мурт хІегибси? Амирчупан илгъуна ахІен!

– Чейули ахІенгу веГІбекІ?

– Лявкъян хинкІ белхъунхІейс, чІягъирла кІурмира дарх хили иша виур.

ИтатІибван, чаландарла ахъси галгала удиб, халаси къазанра чебизурли, хІябал къазанчи-къачагъра лебри.

– Ясирти се бирехІев?

– Галгализи бигъунти?

– Галгализи бигъунтира, ит курлизи катурсира.

– Курлизи катурси къалли вахъ никІали левал. Илала куц–бекІра уздентала ахІен. Хъули вархъаалли?

– Ил се хабара? АсухІебарар! Илини нушала мер-муса далули сай.

– Илдала хІулби гІягначил дигъунти ахІенрив?

– Сарри, биалра, сахъдешли зарал хІебиру.

– КІелра илди тавлуми кабуршехІев?

– КъалабамадикІудая. Амирчупай диван биру.

– ВацІала гъунчив цалра мицІирли калуну?

– КахІелун.

Дудешра къачагъунани кавшни аргъибхІели, Жапарла симкъ дурабикиб.

– Нура кавшабая, жалладуни! – яхІбарес хІейубли, вявбяхъиб илини.

Уркурла мякълабти илдачи хІербизур.

– Илди чебсаргъили саби. Даширая, чебиэхІе чихъали сабил...

Къачагъуни илдачи гъамбиуб. Михъирличи биуси хІяна муцІурла веГІ, нясбиубси ва белкунси къичу чевси цали Жапарла бекІлизи гІярчумагла ар къужбариб.

– ХІурив, гъари, кавшабая викІуси?

– Ну сайра! Аллагъ акаб хІушачи! – биса дархси тІама гІурра дурабатур Жапарли.

– Гъамадли кабуршехІе хІушагъунти хури! – къачагъли Жапарла хъуцІру-мази гІярчумаг чІярхъбухъахъун.

– Эй, нажасуни! Ватирая ил! Ил къагъли викІуси сай, – иб ХІямзатли.

– Къагъсилис гІур жанра хІяжатли ахІен! Эйхъали? Гъари, арзили гъаяра, арукая ил вацІала ухІна!

– Амирчупан вакІайчи хІелтулрав гъари?

– ВеГІбекІлира илди кабуршути саби. Арукая хъярхъли хъяблавяхъес!

– Ляжи кІибутІбарибси валтехІев?

– Илра вашахъеная! Ил къалли бегІ гъалав кавшес гІягІнилири. Чум нушала вацІала узи къирбароба? Жаниваргъуна сай!

Галгаличибад арзили, къачагъунани кІелра юлдаш вацІализибхІ хъусбяхъ-иб. Илаб хІили иркибси, бурги чердыхъес кабихъибси халаси хъитІара лебри.

Гъалли хъитГала мякъла баахъили келра лайкабакИбхИели, геларад чилирил тАмадариб:

– Ясирти чарбарая, вегИбекИ лев вакИли!

Къачагъунала бекИ Амирчупан, амчIурси халаси бекИла вегИ, къантIа къашмар, сунела къушла гъалабси чIалхъназибад барибси тахличи кайилри. Шяв чебси ца хIули цIубли вякъбизурлири, итил цIивбизурсиван сабри.

– Илди чихъали саби? – авараагарли хъарбаиб илини баягъи ит буркъа къичула вегИ къачагълизи.

– Чевверхи, вегИбекИ, тавлуми биъни балулра. Чихъали сабил белгибарили ахIенра.

– Сен гъатИи кабушахъес бурхъулри?

– ЧевяхIси Амирчупан! Илдани вецIалцад нушала узби кабушили саби.

– ХIеръагу, гIядатла узденти буили ахIен, залумти тавлуми буили саби: бургъес балути, илдицад ризкъиличил Хайдакъла талхъайчи дурабухъунти...

Къачагъунала бекИ, сабукили сунела гъала къукубачи кабатурти ясиртачи хIеризур.

– Чила къамла саррая, эй, къурумсакъуни?!

Цалилра жаваб чархIебариб.

ИлхIели Амирчупан мякъла тIашбизурти къачагъуначи ласяхъиб.

– Ишдала лезмуни адитIес бажардидикилраив?

– Юх, хIурматла вегИбекИ, илгъуна танбихИ барибси ахIен.

– Сен гъатИи гъайхIебикIули?

– БусягIят, дила вегИбекИ! – халал къачагъли ХIямзатлисра Жапарлисра гIярчумагличил дяхъядагиб.

Амирчупай ил тIашизахъес някъ ахъбуциб.

– Ца гIурра ясир левли ахIену?

– Лев. Ил курлав сай. Супел вяшхIебухъунси хъяша сай.

– Кая иша! Дигахъис наб хъяшни!

Илди гъай аргъибхIели, ХIямзатлис лебгIеб децIагиб: «Гъанна илди жанивартани Халал гIялизивадси бунагъагар дурхIя иша левку. ХIяпиз гъачамлис селрацал дагъриличи хIейкибси, вай-гIяхI чехIедаибси дурхIя сай. Пякъир хъубзарла урши сай. Къачагъунани иличи зулмурти дехIдихъалли, бусагIят кIантIиикIур, гъар секIал дуру. Бурес я хIебурес халаси дигIяндешра лебли хIебиэс? Илдани итира балули саби ризкъи уцуми РяхIимханничи уркрачир дикути диъни. ИлхIели ил къачагъунала зулмукарли нушачира уркIецIихIебире. Хуралаван бургира чердахъили, вацIализи лайдикIура. Ишар залумдешли я гъабзадешли селра барсхIебиру. Се биалра пикрибарес багъандан, замана хIяжатли саби...»

– Ватирая пякъир дурхIя! Нуни дурис хIушаб гIягIнити, – гIяш-гIяшли иб ХIямзатли.

Юлдашла гъайличи, марли, ил мукIурвакIес къасбарилев, урухиублив или, Жапар кIайизур.

– Гъу? Чебиулраив, вацIала узби? ХIязлис хIуша къалабадикIулраив, – разииуб Амирчупан ва ХIямзатличи хIеризур. – ХIуни се бурес вируда?

– ХIу нуни валусири... Чеибсири...

Къачагъунала бекИ харчизур, берхъибси муцIурра хъарсбарили, сунела кахти дяхI ХIямзатличи гъамдариб.

– Се ири? Чеибсира? Мурт? Чинав?

– Баршамайла туйличив... Итхѐли ну виштѐси дурхѐя сайри. Хѐуни, кеп-кайубли, къалмакъар дарибтири... Чисрил ханжалра бурхѐубли, туйличивад гъавухъунсири...

Амирчупан, пикриулхъули, Хѐямзатличи гѐибкъли хѐеризур.

– Хѐрагу! Юх, хѐу наб гъаниркули ахѐенри. Хѐура хайдакълан сайрив, гъари?

– Ахѐенра.

– Илисрагу викѐуси? Хѐела гъайра баршамайланта ахѐен. Бура хъярхъли, чи сайрил?!

– Хѐямзат! – иб ахъли талхъа уршили.

– Хѐямзат?! Хѐямзатхъали дубуртазиб вацѐализир мурчѐицад бургар, – къачагъунала бекѐ сунела вайнукъябачи ласяхъиб. – Иш талхъунтала къамла сай. Эйхъали, хѐушани Сирхѐя-Муирала талхъунти балутив?

– Гѐярбукѐла талхъан Чабдуханна урши хѐейалли?

– Юх, гѐярбукѐла талхъай уцумис ризкъи хѐедурхъи, мургъи- арц дурхъес асубири.

– Хъар сирхѐяла талхъан Айдухѐяжила урши виэс?

– Илра ахѐен: Айдухѐяжи валуси сай. Илини уцумис мицѐирагла хѐенкъ бирар бурхъуси.

– Уркухъан...

– Гъазагала талхъан Амирбегла урши Хѐямзат сайра! Нагагъладан хѐушаб ил секѐал илцад багъес дигули диадалли? – ахирра ургаухъун Хѐямзат.

Хъатлизи хъатра бяхъили,къачагъунала бекѐ ахъли дукаряхѐиб. Хурумла чакмала хъарлизи Гѐярчумагра пяхъбирули, ил вет-сатухъун, гѐашизурли, гѐурра муцѐур хъарсбариб.

– Хѐя-хѐя-хѐяй! Амирбегла урши! Нушала гуявла урши. Талхъа урши ... Издагайла Хѐямзат! Се гѐяхѐси биуба? Илгъуна гъангардешлици хѐерлирив гъари? Эллелей, севан гъарбизурлил?Эй, вацѐа-къадала узби, иргъулраяв? Нушачи чи вакѐилил балулраяв? Гъазагала талхъан Амирбегла урши! Баршамайлан Издагайла урши! Хѐя-хѐя-хѐяй!

– Хѐурматла Амирчупан! Гъанна нушаб къацѐ камхѐебирар!

– Гъазагала талхъай, сунела урши багъандан, чум уркура ризкъила дархъес вирара?

– Эй, уртахъ, гѐяхѐси пикри саби: талхъа урши – дихъалис!

– Дихъалис, дихъалис! – цауркѐли вѐвбухъун къачагъуни.

– Хѐердикѐхѐе, – Амирчупай шѐявси хѐули вякъаиб Хѐямзатличи. – Хѐела дудешличил архѐерзили калунти дила гѐурра суалти лерти сари. Хѐямзат, хѐуни хѐедалад ... Дигалли, бурис!

Хѐямзатли дубхѐехъиб. Мякълавси Жапар шивкѐивухъун:

– Хѐуни дурибтазибад мажахѐят нушаб гѐяхѐдеш биэс?

– Бусагѐят кадушни хѐуни гѐяхѐсили чебаирив? Илдани гъамадли нушала бурги чердирхъу...

– Хѐямзат, бархъсив хѐуни бурибси? Марли, ил къачагъунала бекѐ хѐуни валусив?

– Вагъурли се вагъиша? Итхѐели гъачам чеибсири ил аллагъла душман.

– Гъанна илини нушачи уркѐеци биру викѐулрив?

– Ну селра викѐули ахѐенра. Хѐердикѐхѐе...

– Гъари лехѐ, купаюгълиби! – илдала шутѐу-кѐутѐу аргъили, вѐвухъун

къчагъунала халал ва, дяхъес или, илдачи гІярчумаг ахъбуциб. Аммаки Амирчупай ил тІашизахъур.

– Эй, Батай?! Се саби хІуни бируси? Талхъа уршиличи гъаннала гІергъи тІентІра камабирахъид! Аргъирив?

– Аргъира, дила вегІбекІ.

Амирчупан сагали ХІямзатличи гъамиуб.

– ХІела дудешли дила жагъдешла чебла ахъес чебиркур...

ХІямзатли селра хІергъиб.

– Илини дила баршамайлан исбагъи ригІунси сари. Наб дигуси Издагай илини сунес рариб, дубуртази аррукиб... Юх, нуни хъумуртули ахІенра...

– ХІугъуна вайгъабзачи хІерикни дила нешла игъбар саби!

– ЛехІ, жугъутІли варкъ! Ну сегъуна вайгъабзарал гъачамлис хІуни балули ахІенри, аммаки балад. БицІибсилис бирцІуси Амирчупан сайра. АхІенрав, дила узби?!

– Сайри, сайри, хІурматла вегІбекІ! – тІамадариб къчагъунани.

– Эй, Батай, хъярхъли ваахъа дила гъала ил курлавси хъяша!

– Ца гъигъла манзиллис, дила вегІбекІ! – илира или, къчагъунала халалли мякълаб тІашти вацІала юлдашунази лишанбариб.

«ВегІебш, нахІа ил Амирчупан бихъибси жалладли гІурра левкахъули сай пякъир ХІяпиз, – децІличил пикриухъун ХІямзат. – НехІакъ жихІейру. Илини нушази сунела зулмукардеш чедаахъес пикрибарили ургар. Каршу гъариб гІаякан урши. Илала бунагъ набра дила талхъайсра биур. Се бируси? Сен-сен ил вирцахъес вируси?»

(Хъарахъуд – гІурла номерлизиб)



Поэзия

Дагъиста халкъла поэт
Аминат ГІЯБДУЛМАНАПОВА



БАТИРАЙЛА ДАЛАЙЛИ

Батирайла далайли
Дунъя тамашабариб,
Дагъиста ва даргала
Дубурти ахъдиахъуб.

Мискинти гѣббуцили
Ахъри лебцад далайиб,
Иш гІяламлис дезнала
Табтурти дуракаиб.

Дисути гиманира
Дарданачила буриб,
ПасихІти тІулби-ургар
Макъамти дуракаиб.

Дигайла дуклумачиб
Жагъилтира арцахъур,
Шила исбагъи рурсби
Гъаргала дурабухъун.

ГІяйкабиуб ил далай
Дунъякадли гъававан,
ХІекъли дигай дихъибтас
Дарманбиэс сабабван.

Гъунартачи гІяхІгъабза
Къаслизив хъулухъахъун,
Ургъанна мурхъси дяхъи
Дармайван сагъбиахъуб.

ГІянцІаби дикъанбиуб,
Тилхъавти гъайкабухъун,
Заклизирти зубарти
Шалали кадухъахъун.

Батирайла далуйти
ЗайдикІар ишбархІира,
Къуръа аятуниван
Дицибти мягІнатира.

ХІЕЛА ДАЛУЙТИ

(ГІямарла Батирайлис)

Буцибкъира хъанцІ миъли,
Далай гІашхІеиб хІеркІли,
Балас, хІела сабхІели –
БучІусину гъархІели.

Аргъибмад лусентара
Тикрарбирахъу верхІна,
ХІела далай аргъила
Гъайкадухъун илдара.

КІапІбарили берхІили
Чуйна буцалра бацра,
ХІела далай аргъибла
ШавлахІебиуб илра.

ХІела далайли бургар
БерхІи бурсибарисси,
Дунъя алавбашули
Шала харжбирахъуси.

ДАЛАЙ КАВЛАН МИЦІИРЛИ

Буалли мерсли дунъя,
ГъятІкайрар къалурбира,
Амма ца далай кавлан
Сагъбирахъули дунъя.

ДуцІти дусмани дунъя
Барсбиахъуб чуйнара,
Батирайлацун далай
БарсхІебиуб цайналра.

Кадикъурли дегъла ца,
Дегъалра варачанти,
Далай шараб аурли
Милги ихъу гІяламли.

Дурала улкнала мез
Пахру леб далантала,
Амма Батирайла мез
Давла сар даргантала.

Хъябхъяли хъу дуалли,
МицІирдиру далайли,
Дунъяла балагъунас
Бетарар ил гъабизли.

БиркІантазиб, хІилизиб
ХІял гъалакбирахъули,
Ил далайли дилара
ГІямру сар дузахъули.

ХАБАРЛА ДИГАЙ

Закир зубартиван шаладикІути
Лертири нушала хабарла дигай,
Нушачир дуи хІеб янихІелра
ХІялана дицІибти лертири карцІай.

Дигайла далуйта дучІи чатІнира,
Дигайла вавнани берхъиб дунъяра,
КарцІайла варъали дицІиб цІедешра,
Алжанала анхъри гІямру нушала.

Нушачи гІяшикъли абулхъи Бацра
Абулхъес гъалакли бири БерхІира,
Гъанбирки, нушабцун бузулри дунъя,
Нушала хІялани тІабигІятлизирра.

КарцІайла гъавлизиб сабри гъавара,
Дигайла шарабри урунжла шинра,
Муэрти ахІенри, кеплари дунъя,
ГІямрула хІеблизир хІеркадирулри.

Дигайла анхълизи гІяйкадиубли
ДуркІира дугурби, шалати бурхІни,

Шурмала барглизиб акЉуб урунжра
Дигайла шарабли парчбухъун илра,

Ардякъун, детахъиб дигай хабарла
Се хатЉа барилрал балхЕбалулра,
Гъанбикунни сари гъанна лерилра
Чили жаваб луга умцЉулра нуша.

Хабарла дигай сен ардякъунара?
Гурра тикрардарес хЕйрути вара?

БИСА

Жагъти гЕямрулизив ахиратлизи
арукибси Рамазайс

Дайдяхъиб жагъ гЕямру жагъил уршила,
Гъанагар балагъли шанти уркЉаиб,
Кахси сабри хабар, зербухъун хамха.
Шишимтала умеГ бержиб бегЉара.

ХЉу агариубла бацЉбухъун дунъя,
Камкабиуб хъайГиб берхИла шала.
ШятЉбикЉар дураб дяГ, нешван бисули,
Шавлали хЕрбикЉар дугила Бацра

Бахъ жявли батурри хЉуни иш дунъя.
Къайдикиб булбулти, ардякъун чатЉни,
БацЉкабухъун авид гъалмагъунала,
Се гъайли буриша агри ил хЕла?

ДецЉла цЉали бигуб хЕбла авлахъра,
Вавнала варъара саби бисала,
Каберхур гъибанди гумайлабтала,
КъутЉкъуси дарула саб хЕд иш далайра.

Пахру вирусире уста къаламла,
Сарган бецЉла хЕрра, духул гЕякълура,
Рамазан-ил базла дурхъаси ура
Тикрарбиру даим устазунара.

ЖАГАТИ ДИГАЙ

Ну рашуйхИр дашули
Дигайла вавни сари,
Набра гъанагарсири
Гъаргалабра анхъ берхъни.

Рукули кеп кайсулра
Дигайла цЕдешлира,
Рулгулра, ну, урхЉара
Дерхъаб унхъри дигайла.

Абалкун наб заклизиб
СихІрула зубарира,
КабацІиб наб гьаргала
КарцІайла зубарира.

ХІерли ахІенри марли
ХІялалти хІяланачи.

Жагати дигай дерхьиб
Дила уркІилизирра.

Гьамадли саб гьайбарес
Иш игьбарла дуньяра,
Далуйтазир дигайра
Сар вавназир варьаван.

ДИГАЙ, ДИГАЙ

Дигайли сарра нуша
Даргахьибти цали ца,
Агара наб паргьатдеш
ХІейадли набчил хІура.

Дуньяличиб талихІ бирни
Багьахьур карцІайлира,

Дила гІямрула мягІна
Чузиб саби, мукІурлира.

АхІерси, цадирехІе
Дархдиркур бац-берхІира,
Нушала дигайличил
Дузахьуси дуньяра.

БИСА САРИ

ХІуни халхІедарибти
ХІяланири дигайла,
Муэрти дургар или
ХІедарири пикрилла.

ТутІукайуб чяхІ-забван
КарцІайла хІяланира,
Ардякьун замунтира.
Чинар дургутив гьанна?

ХІера гьари се баррил,
Пикриухьен гьанналра,
ДигайкІун чархІедулхьан
Дунья чарбиаллира.

Дигайли дуцІар нургьби
КІантІкавхьахьун чуйнара,
Арья ахІен, биса сар
Вавначирти жагьхІела.

ДИГАЙЛИ

Дигайла хІяланани
Барсбариб хІебла гьава,
Вавначи къабудданван
Ну хІечи гьалаклира.

Арьяличи шурдухьун
КарцІайла хІяланира,
Вавнала кІапІрачирти
Сари дила дигайра.

Набчи чарухьес хІура
Гьалаклири, балулра,

Дигайла дуклумачил
ХІед ну гьалариусра.

Муэрти ахІен ишди,
Дигайла саб дуньяра,
Ну хІелара, хІу – дила,
Цалис ца акІубтира.

Дигайла гьавали саб
Гьайбарибси дуньяра,
КарцІайли уржахьибти
Сари бацра берхІира.

ЖАГЪИЛТАС

Херъаягу жагъгачи
Кеплизибти дигайла,
АтхІебра булбултира
Хъуракадиублира?..

Дубурла жанай вавни
Чузир сари лерилра,
ДурхІя мирхъе варъаван
Мурили сар дигайра.

Дулгеная, дулгена,
Ва дунъяла адамти,
Мурадли бааб или
Иш сяхІбатла жагъилти.

Чус сари далуйтира
ИшбархІи зайдикІути,
Жагъгас сари дезнира
Дай уркІилар дурути.

Иш гІяламла балгнира
Адалтути гъарилла,
Я Аллагъ, гъардизабгу,
Дулгулира нушара.

ХІераназир зурхІябти
Ухули верхІдехІ рангла,
Улкахъутиван сари
Заклизир зубартира.

Дигайла лами саби
Буруси гъарил девра,
КарцІайла цІедеш сари
Анхълар лигІматунала.

Дулгеная, дулгена,
Ва дунъяла адамти,
ТалихІла архІяличиб
Гъарбизаб или жагъти.

ИСБАГЪИ УМАЙРАЛИС

ГІярбукІан арцла уста
Саррира хІела аба,
Къалиплизи мургъила
Севан карихъирира?

У муснира зубрира
Адачил дузибара,
ХІу исбагъи арикъес
Се гІилму дагъурара?

Дигай черяхІдирули,
ДалайрикІудра гъаман,
ХІела далайли вара
ГІяшикъбирути даим.

Дигайли бяргІяхъибти
Ванабирид далайли,
Иш дунъяла дардани
Ардикулри далайли.

Агъ, Умайра, ахъбуца
ХІела дурхъаси далай,
Шишимайзи бикибгас
Бетаахъесли дарман.

ГІяхІти гъубзнала авид
Чукурбара хІу-алав,
ХъатІбикІули, булхъули
Дунъя ласбикІахъесли.

ДУНЪЯЛА НЕШАНИ

Дунъя селичиб тІашсил
Жалти лерал гъаннара,
Ну рикІулла, абнала
Хъутразиб саби дунъя.

Гъабилзан балагъунас,
МяхІкамбиру ванзара,
Бунагъуназибадли
Уцахъу иш гІяламра.

Гъязиз дурхІяван илра
Гъяжбарили михърла,
ХІербарес дигуливан
Саби дуклаб дунъяра.

ХІялалти хІераназир
Ухахъу зубартира,
МалхІямти хІяланазир
ХІеркадирахъу хІебра.

Привет:
Илди саби нушала
Нешани иш дунъяла,
Ва дунъяла адамти,
Илди мяхІкамбарая.

Чинаба илцад игъбар,
Агу абни гъарилла,
БихІеная нешани
Дурхъал нана хІуливан.

Адамти, бихІеная
Абни нана хІуливан.

ДУДЕШ, ЧЕВВЕРХИ

Иш дунъяла къакъличив
Иргъуси дила дардла,
Агара хІу ахІенси,
АхІерси дудеш дила.

ХІела хІябличи гІурра
РакІилра, дудеш дила,
Чевверхигу, чеверхи,
Гъалар къяйда рисулра.

Дикъули хІейадлира,
Гили хІези саламра,
УркІила дард бурулра,
Чевверхи, дудеш дила

БацІдешлизи алавси
ХІезиван гъайрикІулра,
Дила суалтас жаваб
Я лугуси агара.

Щелдала дяхІцІилиуб
Паргъатдеш бургулира,
Дила дуцІар нургъбани
Дегъси гІянжи балхулра.

ДурхІядешла хІязтира
Кадерхургу дахъ жявли,
ЦІуръадешлизиб децІра
ЧІямбарира чуйнара.

ХІелагъунти някъбира
Дунъяличир агара,
Шисимъулала някъба
Даим хІяршкарирулра.

Чевверхи, дудеш дила,
Паргъатдеш буахъунра,
ХІечила гъанбикуна
ХІябличицун рикулра.

ДИЛА ДАЛАЙ

Зайбухъен, дила далай,
Дихъибтас марти дигай,
Илди хІедагъуртасра
Баахъа дурхъаси пай.

ХІисабририс риганай
ХІераназирад даршла,
КарцІайла буцІар гъигъли
Ил ванарирахъисра.

Гъамадли бургис гъуни
Марти дигайличира,
Далай белчІи дигайлис
УркІи ряхІятбирисра.

Аваданси чархра леб
Дигайла хІяланазиб,
Нуни лаззат кайсисра
КарцІайла алжунтазиб.

ДИГАЙЛИ САРИ ВАРА...

Дунъяра чихъ зубрира
Севан гъамдиубвара,
Дигайла хІяланани
Цадарибти сарира?

Дигайла хІяланазир
Сари хІебла вавнира,
КарцІайла далуйтани
ДучІули сар чатІнира.

Иш дурхъаси ванзара,
Бац-бархІи дикан закра,
КарцІайли сари вара
Ахъли арцахъуртира?

Дигай черяхІдирули
ДалайрикІулра нура,
Илдас марли калунтас
Саби дила далайра.

ХІУ САЙРИ

Иш дунъя се бикІалра
Ну дигайлис ручІулра,
Далай или салхІехъас
Мар дигайла вавнира.

Къабулдара хІунира,
АхІерси, дигай дила,
Иш дунъяличиб цархІил
ХІези бусрав агара.

АргъибхІели далайла
Духъар унхъри дигайла,
Рукулра, хІелукъулра
КарцІайла цІедешлира.

ХІязлис ахІенра нуша
Цали ца даргибтира,
ХІу сайри, игъбар дила,
Дигай дагъахъурсира.

ЖАГАТИ ДИГАЙ


Ну рашуйхІир дашули
Вавни сари дигайла,
Дигайла анхъра берхъиб
Гъаргалаб ши дилара.

Абалкун бекІла чедиб
СихІрула зубарира,
КабацІиб заклизибад
КарцІайла шалал Бацра.

Рукули кеп кайсулра
Ну дигайла цІедешли,
Рулгулира, урхІлара
Дилаван дерхъаб или.

ХІялалти хІяланала
Жагати сар дигайра,
Гъамадли саб гъайбарес
Далуйтазиб дунъяра.





Тавсултан СЯГИДОВ

ШИБШИ ХЪАРА

Колхоз бирухелира
Пямрулизиб кеп лебри:
Дила биштГал шилизир
Пямру шангван рурхьулри.

Дубуртазир букЛуна
Дурзамти адилкьулри,
Лерилра авлахьуни
Ризкьилира делГулри.

Ши-алав муза-къада
Къакьбуна дулХехьулри,
Аршилизир кІанруби
Хор барили дучІулри.

Наб мурталра гьандиркур
Шибши хъарала хьуми,
Кьулази дергахьесри
Колхозли делГлахьути.

Нуша, хьяшна, илдачи
Дирутири чябхьинти.
Кьулас сен лугутири,
Илцад нушаб дигути?

Вайси къараул катур
Шибши хъаралис гьачам,
Ил вики: «Хьулки уцас
Хелгасра хІерхьили кам!»

ВацІала дублаб лебри
Илини барили кьуш,
ХІерейс хьунуй хиб гьаруш
Держили, башахьи чІуш.

Кьушла мякьлаб илала
Сирмугла чІалхьа лебри.
Иличил Мансур хьяшнас
ГІергьуилхьули вири.

ИлХейс нушала дурсри
Таманра дирутири,
Хъараличи чедухьес
ЦахІнар гьайдирутири.

Хъара шинишли лерай
Колхозли иршутири,
Ний дахьдиахьу или,
Кьулас дедлугутири.

Председатель ХІяжи
Хьяшнала бегІгас ургьи:
«Нийла план бицІахьес
Нешани изис!» – вики.

Къараулра вайсири,
Марли, аждагьа сайри.
Хьулки хьяшала нясли
Шалбарра чеббердилри.

ЗярхІ низбала халали
Гелалара битилри.
Агъи или висули,
Пакъир хъули вакІилри.

Низба бергун гелала
Нешлира чебаилри,
Къарауичил ряхІес ил
Миршличил ратрихъилри.

«ХъунцІбар бецІли мукъриван,
Хъяшни бергес къас сабив?
Иш миршли хІела кани
Гъяраили дигулрив?» –

Ахъбуцили миршли ил
Ханжайван гъакІрикІулри.
Мансур сейкІарал чезс
Хъяшнира дуцІбикІулри.

Къарауис хІебурибси
ХІебатургу Бахуни,
Амма къараул чезс
БиъхІебиуб дурхІнани.

– Рахли дигІяникили,
Къушлизив ил ургарну,
Гъари, дурхІни, хІеръая!
Ишар хІерли руус ну.

Къушлизи бякъункъира,
Тахлиувра хІергиб ил.
«ХІяй итгъуна, ишгъуна!» –
ХІебатур хІебурибил.

ГъимрукІибси Бахули
Хъарала бегІми биршиб,
«Дукена, дила дурхІни!» –
Хъяшнас гъала кабихъиб.

ГІергъила бархІи Мансур
ХІяжичи дуракиб,
«Къараулли калес наб
ГъатІира хІейгулра»- иб.

– Шилизибад гъарахъли
БегІунсилра биалри,
Хъара батахъес вири,
ЦархІил гІямал баргили.

Багъбиуб хъунрас саби
Нура кавшес дигули,
Ца рикІули кали сар:
«КалтехІегу урхъили!»

АлхІят бархІи сай ХІяжи
Къарауичи дуравхъун.
Тупанг мякълаб батурли,
Сай тахличичи геравхъун.

ГІяхІцадхІи усуси ил
Хъяшна кункли велхІехъун.
«Нясанас бирис!» или,
Къушлизивад дуравхъун.

Спортивный шалбарла
Къялуби саб дирцІули,
ХІилхІи башули саби,
ДуцІбухъес хІебирули.

– Гъари, тІашдизирая!-
Заклизи къяйкбизахъур,
УркІбухъунти дурхІначи
Пирсидатил дугъайзур:

– Зели дицІибти сари
Лерилра патиранти.
Зели дариб дяхъурби
Дирар хІекъли изути.

Ца гъавухъес вализаб –
Падализи бацІбирис,
Шанглизив уэс чевкъар
Зе дацІайчи ил няслис.

Гъайла къантІа, ХІяжини
Лебилра шилизи киб,
Колхозла конторлизи
ЦахІнабли бухІнакаиб.

Милигиубси ужес
Ил хьулир шинра лерри.
Гушбиубхели, букес
Чузир хьарара лерри.

Туснакъбарибти хьяшни
Киибил дярхличибри,
Тяхикабухьи, бебшесра
Урехилара сабри.

Жихли къакъабаралри,
Улкьайкад урцахьули.
Кагьарлизи дергурли,
Декра дура иргьули.

Конторала къараул
Дураэс къабулхейкиб:
«Хуша багьандан дила
Хияжини кабц ирхьу!» – иб.

Бархехь Хияжини лебил
Шила жамигьят бучиб,
Хьара дилгьути хьяшнас
Диван бирес бехлибхьиб.

– Кьулас дегьунти хьара
Хьяшна дукули сари,
Хушала дурхьнас зегьа
Кабизахьяя гьари.

Лебилра дурхьначи ну
Ахьенра гьимуркьули.
Хиви дучахьес илда
Бирар кумекбирули.

Картошка дучахьесра
Нушаб икьалабиру.
Щедеш далцес бакьалра
Я азгьиндеш хьедиру.

Ириъра Маскавлизи
Вецал дурхьня бархьира.
Булхьухели челгьахьес
Палтар булан асира.

Ил замана гьайухьес
Бухалтирра дуравхьун,
Цалабикиб бегьтази
Дурхьначила гьярзухьун:

– Кьия бурхьни делкьун жуз
Гьярабердили саби,
Пухни дергур кагьурта
Тяхир бицили саби!

– Айзур уршила дудеш:
«Бархьси барили саби!
Хьяша туснакъла катни –
Халаси такьсир саби.

Гьанбиркуру, нушара
Илдигьунти дирули,
Бурхьеларад дугили
Танбакули дилгьули?

Хияжи, хьед шибши хьара
Дурхьначир гьалар сарив?
Кья ниьлизилра хьяшни
Хьуни бирхьебирулрив?»

Хьара далцун хьяшала
Цархил нешра гьайрухьун,
Хьарахьла хьунцбар кьяйда,
Ил Хияжичи черухьун:

– Тупанглизивад хьяшнас,
Бура, сен кьяйкикьулри?!
Урухварили, хьяша
Маъ-маьиканварилри!

– Чузира бурирагу,
Зели даршира или, –
Ил хьунуй дурутачи
Пиширхьули сай Хияжи.

Ца хьунуй дурабушиб
Ила сирмугла чьалхья:
«Чинава Мансур-паша?
Ца бирхьис, гьари, кайхьяб.

Къараулла чІалхъалис
Лебил саб дукаркІули.
«Иличил наб дяхъиб», – иб,
Хъяшани валкІикІули.

Хъяшни «духубиахъес»
БегІтас гІякІа чебихъиб.
Гумайлабти бухънабас
ЖумягІлис хабар бикиб.

Чили гІярза белкІунал
Дивайчила райойзи,
Пирсидатил ХІяжира
ГЦелаушиб гъайлизи.

ЧІалхъаличил Мансурра,
Тупангличил ХІяжира,
Хъарализиб хъяшнира
БатІун газеталира.

– Шибши хъарали набчи
ИтхІели дакІахъибти!

Гъал дус ардякъи хъалли,
АхІенра хъумартурти, –


Гумайлизив гъаннара
Хабурта угъар ХІяжи,
ХІяж барили чарухъи,
Ветаур кІийна хІяжи.

БекІибсигъуна саби
ИшбархІи ит ургуба,
ГъатІи ил хІебулхІехъу
ДалайдикІул кІанруба.

Халкъ дура арбашули,
БацІкабухъи саб шира.
Илгъуна агиличи
Къабуй ахІен шантира.

Камкабаили саби
Шилизибти хъяшнира,
ГъатІи делгІули ахІен
Къулас шибши хъарара.





МяхІяммад КЪАРАТОВ

МУХІУС МАСХАРА

Москва «Спартакра» Дагъиста «ГІянжира» футболли диркъес къаршидикибтири МяхІячкъалала стадионничир. «ГІянжи» гІеббуцес бакІибти билетуни агарли, матъал бархъибтири. Гъайгъай, стадион гарчли бицІилри.

ХІяз бехІбихъес гъалаб радиолизибад багъахъур: футболличи вакІили лев президент МухІу Гимбатович или. Лебтанилра ахъли хъутри дяхъиб.

Ну кайилри западла шайчибси трибуналичи. Ила кабиибти милицияла бахъал хІянчизартира лебри.

ИшбархІи Муху футболличи сен вакІибсил баладаяв? – хъарбаира нуни.

– ХебалехІе. Сен вакІибсира, гъалав хІешуси?

– СенахІенну ишбархІи иткъи урхъухІели.

Лебил дукарбяхІиб.

Ил дила масхара сабри.

ИлхІели ну «Замана» газетализив узулри.

КЪАСАПЧИЛА АВАРА

Къуллукъ лебли Волгоградлизи вякъунхІели хабара агарли базарла ухІнав вагъарриубра. Диъбала къяйлизи каибхІели, ишгъуна анцІбукъ бетаур. Илаб чумал жагъил дакІубиуб. Кисмазирад дицІибти шишни дурасиб ва кІел адамла диъбачи нясдарес шинкІадеш чярхІдариб ва бебшили бетяхъиб.

Илди диъбала бегІтазивад ца бусурман адам сайри, итил – калмык. – Ну илдачи гъамиубра. Илди гІяшдуцили букІрира, хумарли сабри. Илаб бетаурси се сабрил хІебалулри. Илдази хъарбаира: илдани бурили къяйда, столличи кадихъибти ва черяхІкахъибти диъбачи солярка чахъбарили буилри вайберхуна. Бусурман адам къарачайлан сайли увухъун.

Илди урчІемцІали ибти дусми сарри. ЦархІилти диъ бицес дигути къасапчибала баркъудири ил.

РЕЗИННА ДАБРИ

Иш хабар нуни Калмыкуназив узухІели бакъибсири.

1980 ибти дусмазив илав партияла обкомла цаибил секретаръли узули уили сай дургъала бутІакънчи Советский Союзла Игит генерал Ока Иванович Городовиков.

Бурули къяйда, ил вархъси, чебетаахъили хІянчи бируси хІушала, нушала хІейкІули, лебил миллатунала адамти цаван чебиуси, гІяхІси Адам, уили сай. Чинав узуси, сегъуна адам виалра, илис бехІсурдеш буили ахІен, гъариллизибад тІалаб сайсули уили сай. Нушала адамтанира гапличил гъануршусири Калмыкиялизиб хІербирути ва бузутани. Ил вашули уили сай хІянчизартачи хъарахъуназира. Гъачамра гІебшнила аргълизив, гъарахъси районна хъарахъунази вякъи сай. Аргъ вайсихІели, илар дахъал чярт дирар. Ил бякъунхІелира илгъуна тяхІяр буили саби. Касили Окани хъарани духъянти резинна чакма чегъурли сай. Вархли базализи ухІнаухъи сай. Барх бякъунтала илдигъунти дабри аги. Базала дураб илди тІашкабизурли саби.

Пела шурухъи, Ока викІули сай, «Наб гІеларад даширая». Чучир туфлиби диаллира, илди бархъли рамкъа-чятлизибад сарайлизи абацІили саби.

Илала гІергъи илди резинна чакма дарх диханбиубли саби или бурули бири.

ДАРМАН – МЕГЪЛА ТІЕРХЪА

Унраличибси республикализив хІерируси вахъхІиличивад валуси ца юлдашличи зангъдяхъира.

– Сен сайри, арадеш сена, хъалибарг аралив, гІяхІлив? – Хъар-хъардяхъира.

– ВаятІа ахІенра. Гъар секІал гІяхІил сари. Арадешра вайтІа ахІен. Аммаки, юлдаш, гъалавахІ къямкарулра, селра хІейзаллира, – викІар ил.

– Илгъуна анцІбукълизиб се барес гІягІнисил баласра нуни.

– Бурагу, се баралли гІяхІсил, се дарман сабил ил?

– Илгъуна анцІбукълизиб дарман саби мегъла тІерхъа.

– Се бируси или, ил: ванабарили къакъличи чебурцусив, ахІи къакълизи бирхъусив? – дукаряхІиб ил.

– АхІен, юлдаш. Ил къяраэс гІягІниси саби, къямхІеэс багъандан!

Ил набчи вехІизайчи, нуни телефон бишахъунра.

ГЪАТИИ АГИВ?

Азбар ушкули хъунул лерли, някълизиб мазала диъла урдурра сайра мурул чарухъи сай.

– Ягъари холодильниклизибра кІеб, берахъес чебяхІкахъибсира леб, ил халал букусира агара. Се бирусириг гІурра асили диъ? – къабулхІерикиб хъунул.

– ЛехІахъигу, жав, чеблалис лугухІели сасибси сабину, – викІули сай мурул.

– Гъуя жей, гъатІи бугагив, илкъяйда лугухІели гІурра сасадри! – рачарархили сари хъунул.

ТАМАША ХІЕБИАЛЛИ

– Ягъари, хІу хъунуизивад урухкІули сай бикІули бакъирагу, ил бархъсив? – хъарбаили саби гумайлаб ца ахъушайзи.

– Дила хъунуизивад ну урухкІасли халал тамашав, хІуша лерилра ца администрацияла бекІ хъунул адамлизирад урухкІухІели? – жаваб чарбатур илини.

АССАЛАМУ ГІЯЛАЙКУМ, ЗООПАРК

Бунагъ хатІа урдуцаб сунела, ПискІи МяхІли гумайлизи вякъунхІели, хІя-сиббарили сай илабти лебилра арцантала, мицІирагла чеумала бегІтибиъни.

– Ассаламу гІялайкум зоопарк! – салам бедили сай Пискини.

Илаб лебти лебилра шурбирхъули цаличи ца хІербизурли саби, ва лебилра ахъли дукарбяхІили саби, чули саби хІисаббарибхІели.

Ахъушаб Бугъала вегІ, Чякахъала, Арслан ва Къаплан бикІути кІел узи, Къакъбахъала ил гъарли марси у саби. Нуни ишар дурес гъанхІедиркули хъалли, гІурра дахъал чеуми лер Ахъушар.

УРХІЛАРА ПАЙ ЛЕБСИ

Рушбат биркуси, яшавла даража гІяхІил сабси хІякимли кункти машинти гъаман дехІсурдикІахъулри. Гъачамра илини сагаси иномарка асиб. Мякъла ца юлдашра атурли, районна центрлизивад аркъули уили сай.

– Ну машиналичив аркъухІели, адамти бахъ дебали хІербикІаргу. Илдас дила машина къугъабилзулира, ахІи, жагали бикухІели, хІясадбирутира? – хъарикІули сай ил мякълавсилизи.

– АхІен, юлдаш, ахІен, хІед гъанбиркуси къяйда ахІен. Их машинализиб нушалара пай хебси саби или хІербикІути саби.

– Гъа, гІяжаибси бурири къалли хІуни! – къабулхІейкиб рушбатчи.

(Ил рушбатчи уциб, туснакъвариб. Гъанна дураухъи сай бикІар).

ВЕРХІЛИЗИБАД 5 –МЯХІЯММАД

Калмыкуназив узуси замана, илдала тах шагъар Элистала базарличив ну, Дагъистайзибадс къукъяличи къаршивикира. Ил къукъяличи чевякъунси нуни хІясиббарра, илаб 4 МяхІяммадра, кІел цархІилти умала бегІтира лебни. Нура вархли, МяхІяммадхъали шел адикира.

Илди-ургаб лебри Калмыкияла декІар-декІарти мераначиб бузути Дагъистайзибад шадиб бакІибти даргантира. ЦархІилти умала бегІтази ну викІула: «ХІуша кІелра нушала ургар далдикили ахІенрая».

– Сен хІушала ургар тІашдизесгъунти муйли ахІенраяв? – къабулхІебикиб цалис. Ил набчив гІямрули халалри.

– Дила пикри хІед гъанбиркусигъуна ахІен. Пикриухъи лебтачилра хІеръагу ца. Илини селра хІергъиб.

– ХІеръагу ца, ишр нуша шел МяхІяммад лерра верхІлизирад, хІуша МяхІяммадхъали ахІенхІели викІусира. Лебтанилра ил секІал хІисаббариб ва ахъли дукарбяхІиб.

ЛЕРИЛА ЦА ТІЕМЛА САРИ

Чедихъили эмхІеличи курегали дицІибти чІуприра сайра, цац Іудхъран аркъякъи сай курега хІедухъуси шилизи.

Ца шилизи ваибхІели, цІудхъран хъураварили сай бахъал дурхІнала вегІ адамли.

Азбарлизи эмхѳера абацѳахъили, ухѳнаухъунхѳели хъа вегѳла бахъал дурхѳнани, эмхѳеличирад урѳхѳясибти курегала чѳупри алавдуцили тѳашбизурли саби. «Ишди лебилра белкъайчи бахасли, дайхъала курега кадурхар» или урухиубси цѳудхъран, гъариллис ца-ца курегара дедили, уили сай: лерилра ца тѳемла сари или. Цѳудхъран къркър уили сай.

КЪУРГА ВАЦНИ

Калмыкуназив хъарахълав узухѳели, хъалибаргли адилкѳули дахъал гѳяр-гѳя-дагъа дири. Цазамана жибхѳни дугес, гидгури дужес кадииб дакѳудиубли халати кърга вацни. Чумилра адамли дурибти тѳхѳурти далдуцира илди кърдарес, амма агардарес хѳейрулри.

Ца гѳямру деркѳибси калмыкли буриб, бѳбшхѳебѳшесли буцили ца, набт чертѳили цѳа дихъа, илкъѳйдали детихъур илди.

Мицѳирси жаннис ил барес хѳебиалра, ил барес чебуркърб, дебали анцѳидукъири, халаси зарал бирули. Ил барили гѳергъи илди ца агарли детахъиб. Илди агарти унраличирти хъарахъунала бегѳти цѳудхъран гѳялира, шукъдан гѳисара, – валлагъ гъалар агарти халати вацни дакѳудиубли балагъдурхъи сари бикѳули дармунти исулри илди дебкѳахъес. Ну биалли селра хѳейкѳули лѳхѳахъилри.

ПЯПКАЛАБ УРГЪУР

Калмыкуназив ца тѳяниш левсири. Мурталра илала дуклаб жагали барибси кабцѳла папка бири. Ил узусири урчала илхъичили.

Ца урус юлдашла юртла гъалар кадили юртла вегѳра нура ихтилатдикѳули лерли, чевкад катхѳел лѳвкѳули баягъи ит калмык чеира, мурталра къѳйда, дуклаб папкара сайра.

Васил Егорович, – викѳулра ну дила юлдашлизи, – иш Басангла папкалаб се хѳебара. Мурталра барх бираргу ишизиб ил?

– Нунира хѳясиббарира ил секѳал. Гъари, иша каибхѳели хъарбиис нуни илизи.

Басанг нушала мякъла каили, саламра гили, тѳашизур. Васяни хъарбаиб: «Се лѳбсив хѳела папкализиб».

Басангли папка абхъиб ва илад жагали балкъаахъурси урчила ургъур дурасиб. Нушани ургъур гапбарира. Калмыкѳ разивиубли арякъун.

ЗАВХОЗРА ДУРХѳИНИРА

Ахъушала шилизибси ургадаражала школализи сагаси завхоз катурли уили сай.

Гумайлизиб илизи хъарбаили буили саби: «Сегъунав хѳела сагаси хѳянчи».

– Хѳянчи вайси ахѳен, халаси къѳияндеш агара, амма икѳди тѳама-гъамали биркѳути белхаагарти уршби-рурсби хѳебиаллири гъатѳира гѳяхѳил бири, – или сай завхозли.

Дурхѳни агарси школа хѳебирни хѳебалули урги илини.

БИКУЛИ БИРАР

Бикүли бирар, къянкъ букалли бержес биркур или. Ну викүли вирус «Дебали бержалли, хункіра бикес асубирар».

АДАМТАС КЕРТІАГУ

Ца калмыкличил ва чумал урус юлдашличил бержес-беркес кадиилри. Кертүси ну сайри. Бегі гъалаб калмыкличил картіра.

– Гъачам адамтас кертіагу, – викіар ил набзи.

– Гъачам хіед кертіс, гіур адамтасра, – ира нуни.

Нуни ибсила мягіни хіергъиб калмыкли...

СУДЬЯ

Ахъушаб суд бетурхулри. Судья ціудхъран сайри. Заллизи кабибтазивад ца ахъушан гъайикүли тіашхелзулри, судьяс диргалаулхъулри.

– Эй! Лехіахъи, базарличив ахленрину, – викүли сай судья.

– Базарличив хіейъни балулра нунира, базарличир диахелри, ца шайчиб эмхера, гъалар курегара дири хелану, – жаваб бедиб ахъушай.

ХИВИ

Ца дус дахъал курега дакіли дуили сари. Дубуртазир дерхахъес хіейрули, ца ціудхърай кел чіап курегали диціли, ваціа-хіярла мераначи духили сай. Иларра хіярхили исули, ціудхъран ціумикіулри, хъули чарухъес къалабаикіули.

Гіяхіяй илала лерилра курега сунес дацідариб, ва чіупри, гъачамличил тамай дикъурли бекіхедубти, чахъализирти хива диціли, гъуниватур.


Шила ухінавад дураухъунхелли, ціудхърай хивличил къаціки сай. Гяіси бакіли саби или лайбакіли, цархил касили къаціки сай. Илра гягліи уббухъун. Илкъяйда чумилраичи къацікун. Лерилра гягліри. «Халаси къумла дегіти цедеш» или, ціудхърай лерилра хиви хіеркілизи лайдакіли сай.

Илини хіебалули уили сай хиви сегъунти дирутил. Чахъала удібси хив удібси хив къум саби или гъанбикили буили саби гъарибличил.



Очерк

МяхИяммад
ТАХСУРМАНОВ



ДАГЪИСТАН ЛЕБНИ БАГЪАХЪУРСИ

*«Цалра инса цІакъ ва пагъмула къел
Детахъахъес асухІебирар»*

Н. Крупская

ЯхІ-сабурлира, иштяхІ-къаслира, чІумадешлира, адам чина-дигара викахъу: гІилмула, гъунартала, чедибдешла ахъанайтачи айцІахъу; сегъунти-дигара санигІятуначи бурсиирахъу, сегъунти-дигара гъалабизуни, къячІикІуни-къавкъавти ихъахъу, чебуркъибси мерличив ши-зира-цІализира валли тІяхІулхъахъу.

Иш макъала – Дагъиста урибси циркІа гІяртист, дягІван аркъуси урчила къакъличив гъунарта иркъуси, урчила къакъличир делхъ дируси, канила удивад алавиубли чеди вашуси, къакъличив тІашли урчи аварякъбирахъуси Гъирматов ХІясанбекличила саби. Илини сабри Дагъистан гъарахъти мер-мусаличиб зайбухъахъунси, илала хІурмат ахъбуцибси.

Багила ХІясайчила, илала гъунартачила, уюнтачила хІебакъибси адам камли ургар Дагъистайзив.

Ил валулри цацадехІ дурала улкнала халкълира.

Илис мухІенти Багила ХІясан илира бикІар.

Ил акІубси сай МикІхІила шилизив мискин хъалибарглизив.

Илала дудеш сай акІайчи вебкІибсири. Ил айкъес, халаваахъес неш Багини дахъал къиян-жапа чедаиб.

ВиштІал хъяшали левалли, ХІясай давлачебтала къугънира, мискъилладунира, агри-гашира чедаиб.

ВиштІахІейчирад, ХІясайс урчи дебали дигахъи. МикІхІила шилизирти урчас илини мугълат лугули ахІенри, дигІянали яра дакІу-гъаргли дуцІдарили ардикули, илдала къукърачив каркули-алзули, гъунарта виркъули, уюнти чедиахъули.

Урчала къукърачив гъунарта виркъухІели, вайтІа каркусири, цацахІели къяш-някъ дурадухъунси, дячунси заманара бири.

12 дус виубхІели иличи чебуркъиб нешлисра сунесра напакъа тІа-лаббирес.

Гъала-гъала ил ДешлахІярличив давлачевличив узули калун. Илаб яшав бетхІерули, ХІясан Порт-Петровскизи арякъи сай. Ил вамсурлири ва гашали язихъварилри. Илизир цакамти арц лерли хъалли, беркеси чинад исусил, укес чина аркъусил балули ахІенри.

Сунесра хабарагарли, ца мерличив илис чаргас палтарчевси мурул адам дяхІ-дяхІли къаршиикили сай. Илини язихъси урши хІясибварили, хІурхъан лугъатли хъарбаили сай:

«Дарганалра хІейиши?»

«Сайра, микІхІен сайра», – иб дурхІяли.

«Ну дебали вамсурли, гушли виъни багъурли, (Иличила дерубти кІунтІба, язихъбиубси чархли бурулри) илини ну арукили къаціли вахунра», – викІули сай дурхІя.

– Се мурадли вакІибсири? –

– ХІянчи баргес къяйціухъунсира.

– Ишаб хІянчи баргес къиянни саби. Рахли хІед дигалли, нуни кагъарра гили, цархІил шагъарлизи урхъури.

– Се шагъар сабил, чинаб сабил хІебалукъира, ну къабуликира. Илини, чумал тугъ делкІи, кагъар гиб ва иб:

– Поездличивад кацібмад, иш кагъар пайтунчизи чебаахъадли, хІяжатси мерличи виахъури.

Пайтунчини ну вархІибсила (ил ТІалхІятхъа ТІалхІят – тухтур сайли увухъун) узичи – ТІалхІятхъала Баширличи – адвокатличи ваахъира. Илди уркІеціичебти, адабчебти адамтили уббухъун. Илдани наб дила бегІтала мер буциб. Баширхъайчив ну хІерирули хъалли, имціасигъуна замана ТІалхІятхъайчиб буркІулри, сенахІенну илдала кІидусан урчи лебри, – гъанбуршули сай ХІясай.

Гъачам ТІалхІятли иб: «ХІясан, ца базла гІергъи урчи дуцідирнила абзани дурадуркІути сари. Урчи хІядурбара дуцібарес».

– Ил хабарли ну разиварра. Урчи дуцідируси мерличи бикули, илаб дуцібираси, уонта виркъаси, гъунарти чедиахъаси. Чуйнара дяхъи-хъаслизира викира. Илдигъунти къасчерти къайгънани ну халаси сцена-личи аціахъира, – буриб ХІясай сунела ихтилатлизиб.

МикІхІен урши урехила гъунартала, уонтала ганзухъуначивад дирхалачевли айціулри. Урчила къакъличир дирути гъунарти гъачам-личир-гъачам сагадикІахъулри, чедирціахъулри, къияндикІахъулри.

... 26 дусла гІямруличив ХІясанбек Гъирматов Ригализив италиялан узби Рудольфо ва Жижетто Труццихъала цирклизи керхурсири. Ил манзил урчачив улхънила, илдала къукърачив пагъливанта виркънила гІяхІти устадеш лерри илизир.

ИлхІейчивад вехІихъили, илини Литвала, Латвияла, Эстонияла, Украинала шагъуртазир дурадербкибти абзаназир бутІакъяндеш дариб. Илди шагъуртала халкъ илала хъярхъти уонтани тамашабирахъутири. Иличила хабурти тІинтІдикІулри.

«ХІясанбек сунела дугІрухъ урчила къакъличив!», «ХІясанбек – уре-хи агарси, бегІлара черикІла жокей!», «Дубуртар Дагъиста урехиагар

гъунарчи», «Хиясан-бек» ибти белкџаначилти афишабани шагъуртала къакъурби дирџџутири.

ДАССР-ла культурула рурибси хиянчизар Хиясанбекла рурси Земфирани гъандуршути хабуртазибад:

«Урчила къакъличив ил арџурсиван сай. Хапли ил веткайхъули сай ва дягџван арџурли аркъуси урчила канила удив дакџуулхъули сай. Сагадан – къакъличив. Илала бекџ – урчила къуйрукъла ва къяшмала ургаб. Урчила къакъличив някъбачи тџашли!.. Хапли лишайзи къяйкџекес вехџихъиб, џалпра лишайзив хатџахџейкиб. Ил чейути аъкабяхъили иличи хџербџџули, тамашабирули саби.

Урчи багълабарџхџели, манежличидяхџ мургъила гџяббасуни, дурхъати партсигарти, вавни урџули сари... џа хъунул адамли, гъавала уммайти дурхъули сари, гъамриџс ахъри агархџели, чеббердили някъличџбад мургъила кулеха игъубли сари:

Илала гъунартачи ва уюнтачи тамашавџубси џа господин вџџули сай: «Ил къалли я Хиясан я Бек ахџен! Ил гъарли-марли Шайтџанбек сай! Ил гъарли-марси гџяламат сай! Сеџаџхџи џирканачи вашули виасра, илгъуна гџяламат чебаџбси ахџен! Агъ, къучакъ...!» – хџера, илдигъунти гапъала гџядатли детауртири Хиясан-бекли сџеналичир сунела гъунарти чеџиахъухџели.

Россиялизи революџияла бурям гъамбџџџхџели, давлачебтани улка бархъбалтулри. Хиясанбеклизи илди бџџулри: «Господин Хиясанбек, хџу нушала адам сайри, ваши хџура нушачил варх. Нушачив хџу пачаван хџериџс вируд, халати машгъурдеш сархид, бегџлара жагаси исбагъичи хъайџикайџс вируд».

Илини къантџли жаваб луги.

«Хџейги чиналпра укъес, господинти. Дџла мер хџушачил барх ахџенну, Россиялизиб саби. Дџла Россия жагаси саби, халаси саби, къуватси саби, чебяхџси саби. Ил гъатџира жагабарес дџла Ватџайзив кавлас».

...1917-1920 ибти дусмазџв џирџла гџяртиџтра сайли, илини партизандешра дузахъулри. Хиясанбекли Деникинна къаџагъуни агарбирнилизирра жигарла бутџакъяндеш дарџб.

1920-1929 ибти дусмазџв Хиясан-бек сагадан џирџлизи керхур.

Сунела машгъурти гъунарти, уюнти чеџаахъес Москва, Ленинград, Киев, Одесса, Омск, Саратов, Астрахань, Баку, Тбилиси, Краснодар ва џархџилти шагъуртази ваџб. Гъар чинабалпра халкъ тамашабирахъуџири, илдала баркалла сархуџири. Илини СССР-лизиб Дагъџстан машгъурбарџб.

Бегџлара гџергъити гаџролџти 60 дус виубхџели, 1941- ибил дуслизири дарџбтири.

Дургъби дехџдџихъибхџели, гаџролџти дархъџатурли, фронтлизи укъес гџярза белкџун, амма военкоматли гџярза къабулхџебарџб.

Ил Дагъџистайзи чарухъун.

Хиясанбек гъала-гъала Сергокъалализџв, гџур Буйнакъсклизџв урџала спортлизџв узес – жагъилти бурџибџирес, илдигъунти хџязаначи

хядурбирес даимиубсири. 60 дус виаллира илала кьуватра лебалри, гьирачевлира сайри.

Буйнакъсклизив Хиясанбек урчала заводла директор Татенкочил тянишиуб.

Урчи адилкъуси заводлизиб манеж лебси ахленри. Хиясанбекла къайгъи хиясибли ца майдан диркъбариб ва цирклис урчи руркъес вехихъиб. Илаб илини хядурбирулри директорла урши Николай Татенкора Мяхяммаддибир Арслангялиевра. Бурсибирути клелра урши Хиясанбекла духъяна супелтачи, илини дурути тамашала хабуртачи къясбирутири. Гурра илди тамашабиубтири, илизиб Буденныйлара Ворошиловлара у белклунси тапанча чебаибхлели (ил граждандургъбазир чедаахъибти гъабзадеш багъандан бедибсири).

Илини хядурбарибти жагъилтани Пятигорсклизир, Нальчиклизир, Краснодарлизир, Ростовлизир, Москваллизир, Ленинградлизир дурадърклибти абзанабир цаибти мерани дуцибтири. Москваллизир детаурти абзанабир хабарла Буденныйли ахъли кыматладарибтири Татенкола ва Мяхяммаддибирла гъунарти ва илди ВДНХ-ла бутлакьянчибала лугилизи кабикахъибтири.

– Хиясан-бекли сайри дунъяличи хабардърхурси циркла гяртист, гясатин Гялибег Кантемиров вяркъурси ва хядурварибси. 75 дус виубси Хиясанбекли Северный Кавказлизир урчала спотртла шайчирти абзани дурадуркниличила аргъибхлели, къалабали Буйнакъсклизи арякъи, верхлел жагъил абзанаби хядурбариб.

Илини иб: «Эгер нуни бяркърти дурхъни удибикалли, ну Дагъистайзив хлевъус».

Абзаназиб илди чедибикиб ва шадлихъла аги-хияйзиб чарбухъун. Урехи агарси, урки члумаси, патриот миклхлен гъабзали «Абрек Заур», «Жагъил урчила мурда», «Дубуртазиб аклубси искусство» –фильмабазир бутлакьяндешра дариб. Хлера, илкьяйдали хлурхъан Палхиятхъала машгъурси жинсли ятим уршила гямрулис хълчи кабихъиб, ил дунъялис машгъуриахъуб, искусствола ахъанайтачи ацлахъиб.



Поэзия

Гяйша КЪУРБАНОВА



ХЕЧИЛ БУТЕС ДИГУЛРА

Ванза ванабахъес,
Гъагултала ургабад
Берхила чури къяйда,
Ну хлечи карицира.

Дунья шалабахъес,
Зубартала ургабад

Тяп бацла шала къяйда,
Ну хлечи карицира.

Зубри-ургаб Шалдаван,
Ху наб къаршиикила,
Ванадешра шалара
Хлечил дутес дигулра.

ГЪИМХІЕРУРКІУЛИ ДИГИВ?

ГъимхІеруркІули дигив?
Гяшикъван карцили вирен.
Гямруличи шягирван,
Дигиличил хІерикІен!

ГъимхІеруркІули дигив?
Гъавлизив ахъли вирен,

Булбулван жягІяйчила
Даим далуйта учІен!

ГъимхІеруркІули дигив?
Лагъаван лякъирикІен,
Челукъути зугІлуми
Набзира хъумуртахъен.

СЕН ДИГІЯНИРКУСИРИ?

Гъар бархІи ну умциулра
Юлдаш бетакъиб къаргъван.
Хлечила пикрумани
РицІахъулра хІяливан.

Сен илцад гъарахъсири,
Хъуланазив гъамхІели?
Сен дигІяниркусири,
Уркилизив левхІели?

ДИРАЛЛИРИ АБЗАНИ

Гъайла устнала ургар
Дираллири абзани,
ПасихІси гІякълула вегІ
Цаибси хІу виради.

УркІецІичебти-ургар
Дираллири абзани,
Гъар жайчи карцІила вегІ,
Балас, чедииркади.

УркІурби жагатала
Дираллири абзани,
БегІла гІяхІ уркІила вегІ
Гъавкъяна хІу виради.

Сепайда, къуймуртала
Сар гъачамлис абзани,
Исули багъалисра
ЦацахІели мерани.

ЛЕРРА ТАШМИШРИКІУЛИ

Дила уркІилис гъамси,
Гъанна хІу гъарахъХІели,
Лагъалагъунти хІум-къум
БекІлил иргъХІергъухІели,

ГъятІдухъунти шурмиван
ПашбеХъубли чархра леб,
Бяхъибси галгалаван
Буръули уркІира леб.

Дубурла хъярхъ хІуркІбиван
Гъалакли гІямрура лер.
ЗабХІели варачанван
Дамкъурли дагърира лер.

Гъарахъ дунъяла хабар
ГІяхІси хІебирни балас.
Дилкъути ташмишъала
Мардирарал хІебалас...

ЧИНАВРИ?

Чинаври, муртрил набчи
Ванали хІерикІуси,
ГІядатлис гъайадлира,
Дила уркІи улкуси?

Дила гІямрула гъуни
Байбяхъили вебшибси?

Чинаври, цалра атХІеб
ЦахІнар шалгІерХІеибси,

Чинаври, гъар мурталра
Гъанбикуназив гъамси,
Ратурли янашавад
Жявли гъарахъикибси?

ХІЕЛА ТАЛИХІЛА БАРХІИ

ХІела талихІла барХІи
Вахъ хІулукІилири хІура.
ХІечирра «талихІчерли»
Шадли рулхъира нура.

Сабурла арилиуб
ГІяндбиркуси талихІра.

ДалайбикІул уркІила
ХІергъили ургуд цІумра.
Делхъли булхъуси чархла
ХІясибХІебарри децІра.

ХІясибХІебарри дила
ЦІубхъбикІуси уркІира,
Ит хамси уркІилизир
Харабти пикрумира.

ДукелцІи-ургар дила
ЧехІеири нургъбира,

Бура, се сабил хІуни
Балусилра набчила,
ХІергъибХІели, итцада
ПикририкІни хІечила?

САГАЛИ ДАРГИБ ДИГАЙ

АтхЕблизиб авлахъван
Кункли чевиргъхЕли,
Дилаван цIуммабухъаб,
ХЕла бахъ гIянциси урки.

КIапIри-ургаб вававан,
Шадли хIулрукIибхЕли,
Гъайбатси чарх дилаван
Мадуаб хЕла миъли!

КIинчIлизибад гIинтI къяйда
Пишряхъес дигухЕли,
Дилаван амъур карцай
Мадуцаб хЕла шахли!

Вава-къар забличиван,
ТалихIличи хIерхЕли,
Къукъу-рямкъли дилаван
Мадигахъаб хъулани!

НУНИ ХIЕЧИВАН ДИГАЙ...

Нуни хIечиван дигай
Дихъиб виадли хIуни,
УрхIличи духъун карци
Калаб хЕла амъурли.

Нуни хIебаргиб талихI
Баргиб виадли хIуни,
Наб хIуван, вигахъули
Калаби риганайли.

ВИРХАИ

Дила урки бисухЕли, усуси,
Дила чарх бахъ хIяйранхЕли, хIулкIуси,
ХIу багъандан чедиулра гIязабти,
ХIу багъандан къисмат буунра къяркъли.

ХIу багъандан руулра гъанкI агарли,
ХIу багъандан дигулра калес цайли,
Дила урки хIуни хIергъни балукъи,
ХIу хIейгахъес хIериулра, вирхаи.

ХIЕД НУ АХIЕРЛИ ЛЕРАЙ

ХIед ну ахIерли лерай
Вававан пишрирхъира.
ХIу вашуси дякъличир
ЗурхIябван карилзира.

ХЕла тIамала бакъес
ТIумаван лехIирхъира.
ХЕла янаша раэс
Пурсван гъалакрикIира.

ХЕла сипатла гъалаб
УрхI шявли чебира,

Шанта дурути вайти
ТIентIлизи хIедирира.

ХIуни антхIеадлира,
Уркила хIял балира.
Гъаман гъарахъиркадра,
Уркилавли рашира.

ХIечила пикрумазир
Дуги-хIери дуркIира.
БегIла гIергъира хIуни
ЧIалаван рячяхъунра!

ВА ДИЛА УКТЕМ УРКИИ

Чуйнара яхІбарибси,
Ва дила уктем уркии,
Вари къакъамабикІуд,
Мурил гъанкІ бемцахъурли,
Цубхъбулхъадра рашукад.

КІантИмабируд, уркии:
ДегъхІели вава-къарра
Дигули хІедухъарну,
Сирислиуб вацІара
Дигули хІебулкІану.

ЗигармабикІуд, уркии:
Чилилра гІяхІулали
ТалихІ бархъхІебалтану,
Гъалахили балалри,
Балагъ чебарбикину.

КъакъамабикІуд, уркии,
Виралри, убкІусили
Ажалра тІашиину,
ГІямру – талихІра децІра
Дихули дузутину...

РАТАБА

Ратаба, савлилизир
Сагназир къунзрикІахъес,
Гулвагназир цайкъяшми
Аръя-забли ицахъес.

Ратаба, шурми-ургар
Чакначи хІеррикІахъес,
Ну къяйда цунбухъунси
Арцайзи дард бурахъес.

Ратаба, ишди хІебла
Къар деркъили диалра,
АтхІеб чардулхъул чатІни
Нушаб хІедучІаллира.

Ратаба, заб диалра,
ДяхІила дягІбухъалра,
ХІу гъаниркахъул дукъба
Наб анцІкъи дихаллира...

ЧУМРА УРКИИ ГІЯНЦІСИНИ

Чумра уркІби гІянцІтани
Уркии гъаргсила хІергъиб,
Чумра дархъли дурибти
ЛихІби гІянцІта хІедакъиб.

Чумра адабла бегІти
ХІегътани нясра бариб,

Чумра макрукъ пишначил
Мурадличира баиб.

Илис ахІену гъатІи
ГІямру гІяндван дархибти,
Чиди манзиллизирра
Арзили бекІхІейрути?

ЮХ, ХІЕБАЛИРА

Масхурта угъадри, ну хІед рургъира.
набчи пиширхъадри, урузрира.
УрхІла хІулбазирад дигІяндирули,
ХІелара дилара дигай дихІира.

УрхІличи хІеръадри, рачарирхира,
Рахли ветахъадри, хІулба умцІира.
Уркъбяхъуназирад мяхІкамдирули,
ХІехарати карцІи сахъли дихІира.

Хела инсапличи пахрубирира,
Уркіла гьаргдешли хІяйранририра.
Насибагар мерлаб талихІ хІебирни
ХІу гьарахьикайчи, юх, хІебалира.

БАЛУСИРИВ?

«Гьава бугІярбиублив?» –
Зер-зербулхьи чарх хапли,
Неш кьайда набчи берхІи
ХІербикІукьи ванали.

«Ванза пулукІбирулив?» –
Ташмишдеш даши рахли,
Дунья ваваурли,
РурхІукьи зурхІяб-рангли.

Уктемти дигайлира
Балусиририв децІ бихни?

Жагадешра анцІкьили
Балусиририв шявбирни?

СЕН РАРХЪКАРАЛТУЛРА?

Итцадра муриси гьанкІ дурхІяхІелла,
Сен рархъкаралтулра гьар даим гьанна?
Шалали рурхІуси челябкьла дила,
Сен гьуршкадиубтив рангани хІела?

Урцули чейути кункти муэрти,
МахлиурхІеливан сен декІдулхьулра?
ВерхІ-рангла пикруми, ну хІяйралтути,
Уркілизи гьанна сен кьиздашулра?

ХІярамси баркьуди бархІебарира,
Риубцад хІялалли гІямру дуркІулра.
Ахьри хІебакІибси сахІерхниличи
ДецІрикІес гІягІнидеш, марли, лебара?

РИРАСИ ХЬУЛРИКІУЛИ

Рираси хьулрикІули
Ну хІела карцІиличи,
АнцІкьи хьумуртахьути
Диги-дархти гьайличи.

Хамха кункбирахьути,
Дигайла мурхьдешличи.

Рираси хьулрикІули
ХІела ванал хІерличи,

ХьулрикІесра рамсурра,
Умутра гІяндбушира.
ХІечила хьумартурли,
ХІерриэс кьаслизирра.





Шапиг МЯХИЯММАДОВ

БАГЪИ, ХИЕЛА ЯСИРРА

(Далай)

Тухтурра хІу, гьамсира,
ХІер белчІес балусира,
Ганз чинабяхІ кацІасра,
Наб гьунириусира.

Дард дугІуул цІуэрра,
Кункси лямцІла ургира,
ХІерли набчи берхІила
Нурани иртІусира.

Дугели, хІерили аргъ
Игъбарлис чарбируси,
ДигІянти шишимтала
Дяхъи арабируси.

Тикрар
Багъи, хІела ясирра,
ХІед дигайла умхьура,
Цадеш сархес кІилалра,
Багъи, ну акІубсира.

МЯКЪЛАВ ТІАШЛИ ВАТАБА

БегІ гьалар чераадра,
ХІяйрандешли вицІили,
Петрарка Лаурасван
Ну улгахьескаили.

Тилади, ил изала
Сагъбарес кумекбара,
Дила хІечи дигайлис
ХІуни тухтурдеш дара.

Тиладлумала мурхьдеш
Кьукьмусли иргъахьулра,
ЦархІичи хІерхІеахьес
Хьул битІахъи катурра.

Дураша архІяличи
ХІуни гьунивмалтаба,
КІантІил гІянайчирхІели,
ХІела мякълав валтаба.

МАТЪАЛ КЪУЛЛУКЪБИРУСИ

УркІила тимхъла тІама
ХІечила саб, хІечила,
Илизиб акІуб далай
Ца хІед савгъат талихІла.

УркІила жи – ца хІези
Тилади, бусрав саби,
ЛехІахъи, аргъа цІумла
ХІечи алкун дигайла.

Къяшла ганз гъалабяхІли
КацІахъес гъириуси,
Ца хІу сарри зумали
Набчи вашен рикІуси.

ХІу сарри, цацун сарри
Дунъя гъарзабируси, –

Ванзалис берхІиливан
Матъал къуллукъьбируси.

Ца хІу сарри, хІу сарри
УркІилаб мер барибси,
Ну дигайла алжайзи
Хапли хъураварибси.

* * *

Дигай ахир агарти,
Дигай жагъли кавлути,
Дунъяличи вакІибси
Гъарилли хІял балути.

Дигай-хапли алкІути,
КІел чарх цІали улкути,
ДуцІти, хъярхъти манзилти
Гурра гъалакдирути.

Дигай лер варъагъунти,
ГІямру муридирути,
ХІерли берхІила асар
Цаличи ца бирути.

Дигай – агъу арути,
Чарх кункли буръахъути,
Мурадли хІеахъили,
Жагъли хІянирахъути.

ДУНЪЯ САВГЪАТБИРУТИ

Дигайла алкундешли
КІелра хІер думхІяхъалли,
Гъаргдирар вавни кункли,
Савгъат уркІилис, чархлис.

Калун субхІянна мачни
Садирхъес бурсидиэс,
ХатІабачирад кункли
Ца итилла чердурхес.

Дагъри – сабурли ахъти
ДурхІна хъали берхъахъес,
ГІядатунас ва хІерлис
МукІуртили абикъес.

Къиблала зубарину
БегІгас чула биштІати,
ГІямруван аркъухІели,
Дунъя савгъатбирути.

ХІЕЧИ ХІЕРИКІЕС ДИГИ

БекІаагарти дигай
ЧеряхІдарес дигула,
Мургъи-арцла мягІданван,
ХІерра дарес дигула.

ХІяйран уркІи илдазиб
ГъархІели харибирес,
Янира хІебла давла
Дигайлис савгъатбирес.

Азир рангли ухути
Вавнигъунари хІу наб,
Илди шахли игалли,
Ца дила чархцун бигаб!

Закивад малаикван
ХІечи хІерикІес диги,
Илалацун ахърили
ХІу харибирес диги.

ЛЕБАЛ ГЪАРАХЪХІЕБИКИЛИ

БегІ гьалар чериула
Чарх кегІебси исбагъи,
УркІи бикІар: «Гъайрара,
Ил чила сарил багъи».

ГъамрикІули сари ил,
Ну багълали вашула,
Пикрумала варачай
Архули виаслира.

Гъамиубли дяхІ-дяхІли
Илис гьалав тІашлира,
Салам – гъай гъабуцили,
Ихтилат бехІбирхьула:

– Сахъси хІер хьурабара,
Батси уркІи гъамбара,

Чи бикІара? ГІяхІ сягІят
Набзи хІябал гъай дура.

Тилади, гъиммаруркІуд,
Ну зулмукар ахІенра,
ШипІряргІибси черсаргъиб,
РикІар: «ХІед се авара!»

– Ил суал хІу рагъурси
УркІили саби гибси,
ХІела архІя гъарбизаб, –
БекІ гІяшбуцира ахъси.

Шагъарлизир ил рурси
ГІур хІулбау хІерикиб,
ДецІ ил исбагъи гъанси
Марли, гъарахъхІебикиб.

ТИЛАДИИКИУЛА НЯКЪЛАРХІЕЛИРА

ХІу дила, ца сарри,
Гъавла вавари,
Ца сарри, дилари,
ХІулбас гьаларри.

Тяп дягІван чегили,
ДакІуриурли,
Дигайла ламили
Ванаиурли.

Савлила шалдаван,
ХІу аралкири,

Набчибси дяхІцира
Шалабиурли.

Ну хІегІив умцІула
МякълархІелира,
Армякъяд рикІула
НякълархІелира.

ДецІ хьурахІебирар
ХІу лералцадхІи,
Шаддеш черархІякъян
Ну хІечилцадхІи.

ЧИНАР САРРИ ГЪАННА ХІУ?

Дила уркІила рухІнар
ТІашлири хІу чумал дус.
ГІурра, чум дус дикалра,
ХІечи ну хІерли вирус.

Дила хІулбала бухІнаб
Леб хІела сурат мурхъли,
Ну тяп дяхІимцІайчиван
Сунези хІерикІули...

Чинар сарри гъанна хІу?
Анкъиларрив ванаси?
Лералрив итхІеливан
Шадли, агарли анцІкъи?

ХІебургар хІела къайгъи,
Дилацад хІу черас,
ХІечивадли декІарли
ХІед бетаурси багъес.

Нуван гЯзабуркЛули
Херургуд гьанбикунa,
Кункли шалгердухьунти
Хечилти гьарбизуни.

Набчила хЕбагьадли,
Левра хЕегГив умцЛули,
Муэрлизивцун рахли
Хечил кьаршивиркули.

ИШБАРХИЛА ДИГАЙ

Дигай – ил мургьила дев
Давлализи булхьуси,
Чархла уркИи, хьулани
Харидешли дирцуси.

Дигай – гЯмрула урхьу,
Бархьдеш гьанни бургьуси,
Жагьтас гЯмрула умхьу,
Шишимти дугИуси.

Дигай – ил давлала дев,
КИилис хабарла алжан,
Жагьдешла манзиллизиб
Тухьси майла варьаван.

Илдас давлала ахьдеш
Цала бачабирхалли,

Илдада бегГти булан
Бирар инжитбирули.

ИлхЕели мурьил гьайли
УркИи аргьахьес хЕйрар,
Хулби кьапИхЕдирадра,
Асарра камси бирар.

Марти дигайлис бикьри –
АкГубти урши-рурси,
Илди бирар хЯдурли
Нургьбачил дарх кертес хИи.

ИшбархИла дигайли
УркИиу шанти, бегГти,
Балги хЕрбирухЕели
Жагьтазибад бахь камти.

ЧИ КАРИАЛЛИ ГЯХИСИ?

Неш рикIар: «Замана саб
Гьанна хЛу хьайчи кайэс,
ТалихИла гЯмру деркIес
Ца исбагьи черрикIес».

Наб исбагьицун хЕйги,
Диги жагьси, ганз кункси,
Набзи арц хЕрикIуси,
Духуси, давлачерси.

Мурили гьайрикIуси,
ХЕрли хЯйвалтахьуси,
ХЕла хГурматбируси,
Дила дев хЯбялчуси.

Пишряхьили неш рикIар:
– УмцIадра дуньяла кьакь,

РургхЕерургид илгьуна,
Раргадра, рулхьан бекIмах.

ЦацабехIтани илди
Кабиру хЯябал, авал,
Мукьри дахьал дарибцад,
Бираллира чус зарал.

Ца – жагьси сунечирра,
Жагаси – лебтачирра,
Духуси, хЯл ряхIятси,
КИэсил давлачерси.

УркIухьи, ну гьайличи,
Кункли мукIурвакIира:
«БирехЕ хЛу рикIуси»,
АхЕр неш шадрарира.

* * *

Пергер хъунул адамти,
Дунъя жагабирути,
Мурул адамтас г҃ямру
Рази-гъарза дирути.

Хушала х҃ерли саби
Авадандеш бихуси,
Дярг҃ибх҃ели урк҃базиб
Цала лами улкуси.

Ганзла т҃амали саби
Мурил г҃анк҃ дуг҃иуси,
Хулби чедихъес муг҃лат
Х҃ебак҃алра, г҃ав ахъси.

Хушала г҃айли нушаб
Хурегла мер бурцуси,
Бац҃си киса биц҃лахъес
Арц т҃алабдирахъуси.

Ца тилади хушази:
Дахъ инжитмадираба,
Дигусира бирахъес,
Г҃ымх҃ерк҃ули, датаба.

Шалати дях҃ г҃арх҃ели
Калена кадурцули,
Берх҃ила нуранала
Хала савли сайсули.

Т҃АМАДАРА

Даркьала диркь ургуба
Чуйна чедидяхъира,
Гинзурбала дярг҃ибти
Нуша шинни дужира.

Х҃янчила маргь х҃ечил барх
Чуйна г҃унчибушира,
Варъали т҃емдик҃ути
Вавни савгъатдарира?

Бахъх҃и шалати дях҃ла
Сурат чех҃ебиулла,
Х҃ечи карц҃иублира,
Ца х҃еризес дигулла.

Х҃ечила г҃ях҃си-вайси
Хабар бахъх҃и х҃ерг҃улла,
Т҃амадара, лерси мер
Бура, ила урцусра!

ДИГАЙЛА ЦАЛИЗИВ

Урк҃ила дунъялизир
Ху наб – бацра-берх҃ира,
Дях҃ дамкьур сьг҃ятлизир –
Чиллала буг҃ярдешра.

Дила дигайлис – нешра,
Гъарбизунас – дудешра,
Ишар дурк҃ул г҃ямрулис
Лебдешра алжанара.

Жагъдешла зубарира,
Дях҃ пишдяхъиб вавара,

Х҃ечилх҃ели агара
Наб селалра авара.

Буцар х҃ялла цализив
Сайра кьаршикила,
Х҃ела малх҃ямти г҃айла,
Ясир х҃ела дунъяла.

Вари, х҃ела урк҃илав
Ватаба риуцадх҃и,
К҃ел урк҃ила, к҃ел чархла
Думх҃яхъен цадешла х҃и.

МАРТИ ДИГАЙЦУН САРИ

Гѐбшни сари кѐунздухѐи,
Заб-марка дахѐдаили,
Каспи урхѐу ца-цали
Адамта бархѐбалгули.

Дублав тѐашлира, далай
Гѐяшли, вайли иргѐула,
Чѐйкабала хѐязтачи
Хѐясратли хѐерикѐула.

Нуни дигайла галга
Убатурра чархлизид,
Дила атхѐб, дила хѐб
Улгули Аллагѐлизид.

Галгалис гѐарси кѐуллукѐ
Гѐббурцехѐ лералли,
Дигайлину иш дунѐя
Бузахѐусид гѐархѐели.

Манзилла арилиу
Хѐебиркусид агара,
Кѐарала пяхѐбириули
Бисули саб биризира.

Марти дигайцун сари
Манзилти хѐедалути,
Дурав, хѐулив, гѐанкѐлизид
Ну разили вихѐути.

* * *

Пикри, сабур цадара.
Майрид: барес хѐерирус,
Сабаили сабину
Нушала дигайла дус.

Рахли ил дигайла дард
Шурбухѐаб дяхѐиличи,
Сагѐбарес дугѐаизес
Чевкѐар хѐябра бахѐиличи.

НАБ КАЛУНСИ ЦА САБИ

Хѐела дяхѐла хѐеризни
Бѐтаурли сабабли,
Рирхай, варгира ну
Ур хѐейубти дигайли.

Варгилицун хѐетурли,
Вигѐунра хѐезид кункли,
Баршиб чугурла гиван,
Цадешлис уржахѐули.

Хѐела хѐялла зурхѐябли
Сецад ну халхѐерасра,
Хѐела исбагѐи чархли
Лев мерлав вацѐахѐира.

Гѐелавяхѐи ласиубли.
Дяхѐицилис гѐеаира,
Гѐанаур, дяхѐиван алки,
Тамашали дяхѐицира.

Пикрумала варачан
Чархкадли куртѐибикѐули,
Тамашала пигѐлумид
Дагѐрили лер дирицѐули.

Лер илдазир дигайла
Милигид ахѐахѐести,
Рахли наб гѐарбизалли,
Алавти кѐясбиѐсти.

Лер зукѐитид, кѐутѐкѐути,
Сурслизид дарцикибти,
Белики, – урѐилабли
Тѐашсид ватирхѐахѐути.

Наб калунсид ца сабид
Гѐялаухѐи, тѐашкаѐс,
Шарабла шин аурли,
Хѐела урѐила кацѐес.

КИЛАЛРА ЦЕДЕШ

Хялалти дяхИличи, набчи хЕрризи,
Хялалси тIамала аргъес тIашризи,
Гъаммабирид хIела хъули нясси мас,
ЛехИризи набчира цагъачам улас.

ЖалрикIен дигайла гIянд ирзухIели,
ХIела пай цархIилла бетарухIели.
Гъаммабирид хазна, хъули лебхалли,
Мургъи-арцла матяхI савгъатдиралли.

Бура, дигай масван дирцути ахIен,
Талхъунти ублайчи мешути ахIен.
Дигуси бирули, дигута бугъаб,
Алавти гIяламла бунагъ мабааб!

Нушала лебдешла хъулчи мурхъбарес,
Дигайла вавнала тIем-тIагIям дагъес.
ХIяжатси гIур агу – кIилалра цадеш,
Илини дилкъахъу мурити цIедеш.

Къисматла нургъбира цагъунти хIейрар:
Къудкъути, мурити гъудурли дирар,
Дигайлис манзилти цагъунти дирар,
УркИила ванадеш чучил цабирар.

* * *

Дила хIерлис вава – хIулбала шала,
ДяхIцIи наб кабиркул къяшмала гъала,
Зубартала ахъдеш, хIела гъарахъдеш,
Гъарахъли ва гъамли хIу – дила лебдеш.

ХIечил тIабигIятла ахъанайтачи,
Ахъиэс дигулра хIяндеш дагъайчи.
ГъалахIебла дяхIруцI, дуцIрумла хъябхъя,
Мардеш мяхIкамдара, хIебарили хъя.

* * *

Савли аргъ, эркин берхIи нуранани иртIуси,
АтхIебла дуцI гъалакси, унзурби ибхъахъуси,
УркИи, чугур биршахъес хIушани гIевурцулра,
ХIянчила маргъ буцахъес хIерси гъуйчи кайулра.

Ху дила берхила дяхI наб гьанкI мурибуси,
Савли уммайла варъа кIунтIубачи кертIуси.
Дусла авалра манзил хIерли, карцIли вихIуси,
Жагъдеш даршдус калахъес гьар хIяжатси бируси.

* * *

Рирхаи, уркIи аргъа, бати чархла аргъала,
Дагърила гьигъ хIечилцун бумхIули саби дила.
Рархаи, дардла дирихъ зумамабирид хIуни,
Ваши рикIен ихъахъес хIечи дигайла гьуни.

ЛехIризи. Гьайла мурад бурулрану аргъесли,
ГIямру дуркIехIе дархли, чула тIагIям касесли.
Аргъа. КIилалра дунъя мабиркахъид дардлизи,
ТалихI, цадеш кIилалра арцаб, рухIван, гIяршличи.

* * *

Арцла зубартала хIер гьамбарили,
Салам луген савли чевсаргъибхIели.
Чархла азир биркIан думхIяр харили,
Набчи карцIли сарни якъинбиубли.

Тумази мурхъбирар ил хIела асар,
ГьанкIагар дугила макъамти урцар.
Дирихъли буцили, заблис хIядурси
Закла дай берхIили бурцу ванаси.

* * *

ХIуни кункли кайцIул,къел-хIерзи ганзла,
Уржавлан аръаван кIапIрачир къарла.
Нурани атIунти рурхIул кIунтIуби,
ХъумхIерту, карцIбирар хIеръиб гьункъяби.

Агъ! Исбагъи лерри, шан хIериадра,
Ца игъбар чераэс къадарбиънира.
ХIерриуси манзил къаршивикнира,
ХIерли хIела сурат касес бикнира.

* * *

Раши дигайла ганз гьарзабирехIе,
Харидеш, пашмандеш цугли дуртIехIе.
ЗурхIябла гумила кIелра шайчирти,
Ганзухъуни ахъти хIисабдирехIе.

Ил ахъдешличибад гIяршличи гьуни,
ИхъехIе разили бархли нушани.
Дигайли думхIути уркIби дамсайчи,
Буракъли гьамбиру кумек нушачи.

Поэзия

МИРЗА ДАВИДОВЛИС - 80 ЛУС



Дагъиста халкъла поэт
Мирза ДАВИДОВ

НУ ГАЛГА САЙРА

Шури пĳакъяибси
Галга сайра ну,
Илавад гъар шайчи
Хĳерикĳулра ну.

Дубурла туми сар
Набзир дузути,
Къадурбала шин сар
Нуни дужути.

Ахъли кабуцилра
Нуни дила бекĳ.
Камбирули ахĳен
Наб дягĳла кумек.

Хĳелтулра илини
Ну усаахъес.
Рахли усаласли,
Башар тямхъварес.

Дучĳесну кĳари
Дила лезмиван,
Цализи ца дугъар
Дила дугъбиван.

Шурлизи атĳунси
Ну галга сайра.
Шятĳбикĳар дягĳлизиб
Дила далайра.

Цадетаурлира
Лусенра нура.
Ну – кахĳедурхути
Гĳямругъунара.

Чѳбилхъули бирар
Набчи дирихъра,
Лямцĳлира биркахъу
Наб гĳярчумагра.

Ахĳерси ванзали
Сагъбиру дяхъи,
Цĳакъдикĳлахъу шинни
Далхули мякъи.

Дягĳлира сагали
Садирхъу кĳари.
Урцар шятĳбяхъили
Дила хъулани.

ПУШКИННА ПАМЯТНИКЛА ГЪЛАВ

Хела памятникла
Гълав тIашлира,
Пикрумазиб бекIра
ГIяшкабуцилра.

Хела назмуртала
ЦIакъ-чebяxIдешли
Азир биркIан сари
ЗимдикIахъули.

Тяп хатIа барибси
Хъяшала къяйда,
ХIезирад хIулбира
ДигIяндирулра.

Тяп набгъунари хIу
Дила халкълисра,
Кавказлизиб лебал
ХIела уркIира.

АхIенгу гъанна ил
ИтхIелигъуна.
Гъалакбарили саб
Ил балагъуна.

Итди гъалмагъдешла
Хабарла хIячми
Шуркадухъи сари
Душмандешличи.

Узичивад узи
ДекIаркайкили,
Чейулра хъямлизи
ГIелакайкили.

Тяп къакъадакIибти
Халкъла уркIбиван,

Шякъкадиркули сар
Лусенти булан.

Бузери дявтачи
Шурбухъи саби.
Къачагъдешлис гъунби
Абхъили сари.

Гъу, се балтахъулив
Илцад бургъанта?
Дулъули саригу
Дарибти шанта.

Эркин-гъарзабарес
Чebси замана
Къакъабирули саб
Шаласи дунъя.

Кадиркули сари
Гъар бархIи бeбкIни,
ДукелцIи хъумкарту
ЦIуръати дурхIна.

Наб игъубсин билзан,
Къяйкла бакъасли.
УркIи буцIули саб
ЦIа чедаасли...

ХIуни чебаибси
ЧebяxIси Кавказ
Чина бетикилил
ХIерагу, улас.

Мурт чарбухъесал ил
Даршуси гъунчи?
ВакIесал хIугъуна
Поэт иличи?

КЪАЦIЛА ХIУРМАТ

Ну виштIаси замана,
ДекIарикес хIейгули,
Хала дудешра нура
Чина-саррил аркъулри.

Хала дудешли гъар дус
Хъуми делгIули вири,
Ризкъила къякъ-къякълара
Къуръаван хIурматбири.

Тяп хъучив валцусиван
Вири ил вашусира.
Ваткайхъибси ил хапли
Хихиуб ца мерличив.

Наб гъанбикиб чичлала
Чебаибара или.
Нура хIеризуррагу –
Селра чехIебаира.

Нуни чехIебаибси
Се сабил камси секIал
Илини кабикили
Гъалаб чебаили сай.

Багълали гIяшиубли
КъацIла дуб кайсули сай,
Уфра хIяршра барили,
Бизили букули сай.

– Хала дудеш, – викIулра, -
ХIу гушиубли ургуд.
Нешли наб кадихъили
КъацIра нусира лергу.

– Гушиубли ахIенра.
КъацI бархъбатес хIейубра,
СенкIун нуни къацIличиб
Муртрил хъя барибсира...

Хъя къянабарнигъуна
Бетари наб ит батни,
Урши, дила хъялисра
Ца къацIцун бикъри сабри...

ГIур нуни гIямрулизир
Дагъурти гIилмуртачиб
Ца минутла ит дарсла
МягIна мурхъли уббухъун.

ДИЛА ШИ

Мурталра гIинзурби
ДелгъхIеделгъуси,
Дубургала урга
Пяхъкабикибси
Сундура шилизив
АкIубсира ну.
Илаб назму сабил
АлкIули бири.
Далайра арцанван
Урцули бири.
Ургубара бири
Алжанагъуна.
Халкъра – алжайзибад
БакIибтигъунти...
Илаб цаибси ганз
КацIира нуни.
Илаб акIубсири
Цаибси девра.
Илаб дубурла цIакъ
Касира нуни.
Арадешра гиб наб

Дарманна шинни...
БагъурхIели лебни
Халаси дунъя,
Дила биштIаси ши
Батурра нуни.
Вашули, умцIули
Калунра вахъхIи.
Ну вегIси гъунира
Наб кабихъира.
Дебали гъарахъли
Арякъунсиван
Кабилзули бири
Наб цацахIели.
Амма набра бекIлил
Хабарагарли
Увухъунра дила
Ша чаркайубли.
Хашкелди, дила ши,
Ургуба, къацI-шин,
Къабулварабая
ХIушала урши.

ДИЛА ДУРХІЯДЕШ

Нешли някъ буцили
Дура викули,
Гъеч хъули чаризс
БигХебигули,
Дахъ хъярхъли ардякъун
Дила дурхІядеш.

Я чули я нуни
Балуси аги
Нуша декІардикес
ГІяГинили биъни.
Я гъанХебиркур мер
ДекІардикибси.

ХІера, даткаира
Нушани някъби,
ХІералра хІеили
Цаличи цали,
Ардякъун дурхІядеш,
Ну вархъватурли.

Арукъес хІейрули
Ну чус гІелавад,
Итцад цІудара бекІ
ЦІуббиуб дила.
УмцІусиванра ну
ДурхІядеш даргес.

БумХІути дурхІначи
ХІерикІухІели,
Гъансабиркули саб
Дила ит манзил,
ХІеррикІуси нешра
Цайкъяшмар набчи.

Агъ, дила гІязиз неш,
Къия майали
Мурхъти гъуршри каиб
ХІела дяхІличир,
Някъби мешудиуб
ЛутІи къяшмачи.

ХІела гІямруличи
Атра айкили,
Виасра ну гІяхІцад
ШалГІевра ухъи,
ХІела у ихъулра,
Къиянбухъалли.

Дигра дигахъира
Дила хІяна бекІ
ХІела къукъубачиб
Ца хІяйбатахъес,
ХІела дарма някъли
Ил хІяршбарахъес.

ЧехІернухІели
Нуни гІячихъли,
ЖиикІулра хІези
ДурхІяхІеливан,
Гъанна рагъаррирар,
ГІур рирар или.

ХІеркІла мякъамтазиб,
Халкъла гъайлизиб
Гъунарули саби
ХІела гІамала,
Тяп набчи кІапІуцес
Сарухъунсиван.

ХІечи сайусиван
Сайра, неш, нура
Някъби гъадурцулра
Тяп хІу руцесван или,
Садиули аХІен
Някъби, неш, хІечи.

Аркъули аХІенри
ХІу уркІиларад.
Ила кариили,
ХІуни вихІулра.
Тяп Аллагъ левсиван
Саб дила мякълав.

Шурд. ХІяиб КЪУРБАНОВ

Поэзия



МяхІяммад СЯГІДОВ

РУРСИЛА ЛУСЕН

(поэма)

Комбинатла хІякимта
Къаркъа айтІес мер баргиб,
Лусенна миxъирлизи
Машинта тІярхъи бариб.

АрхІяличи башути
Ахъ-гІяшли зигарбухъун.
Лусен батахъес шанти
Къан-къанни музабухъун.

Заклиу убяхъибси
ТІалван лусен тІашлири,
ХІурхъалайчиб сунна бекІ
Ца декІлацун гІяшлири.

БуцІархІели лусенни
Гъуйчи дяхІци алкъулри,
Янилизиб бугІярдеш
Лусен-алав билкъулри».

Къиргъули гъабяхъибси
Чякаван пяхъбикили,
Лусенна дуклаб урунж
Лебри дигІянбикили.

ДуцІрумлизибра мякълаб
Миъла къат камхІебирар,
БугІярдешлис урунжла
УркІи мугІигІхебирар.

ДугІбани гардбирули
Лебри илаб махъла дуз,
Бардала къутІла тІама
ХІеурси хІяцІали дус.

Ил лусеннис адамти
"Нинала лусен" - бикІар,
БекІ ахъбуцили лусен
Бурямтачил жалбикІар.

* * *

ДурхІядеш лявдарибси
Хала нешла бухъна някъ,
ГъакІбикІулри гІелабад
Кункбарес аркъуси дякъ.

Поезд сабри гъалакли,
Шимас саламбикІули,
Шагъуртазиб халати
Бара багълабикІули.

Ахирра гІелар калун
ГІярасайла диркъурби,
Махъла дузлибир дягІла
Даим децІла агурби.

ЛямцІдухъун ахъанайти
ДяхІили дуб дуцибти,

Дубуртазир итхІели
Я машинти хІедири,
Уркура букесалра
Я гъундури хІедири.

Урчила цалихъличи
Ухънани аратурли,
Урус рурси леркулри
Ша рузахъес тухтурли.

Ихъулри миъбяргІибси
Гъуни дехла урчили,
КъардхІебухъи ша баэс
Лебилра цІакъ бучили.

Лусенти дяхІилизир
ХІяклири шипІдяргІили.
Чакмализир Нинала
Демдур къяшми дяргІили.

Зурбати хъуцІрумачиб
Закла дуб ахъбуцибти.

Кяшми гъалаб илдала
Урхъура рамчбикІулри,
ГъимукІибси хъяшаван,
Ругерти гердикІулри.

ХІяндиубти хІурхъани
Лявличил дудешливан,
Гардбирулри хъанцІ урхъу,
Сирилавси дурхІяван.

Дубуртира урхъура
ЦахІнахІедикахъесван,
Мегъла гъуйчир машинти
ДуцІлири арцуртиван.

* * *

ХІерризур ил шавлали
Шурмар ганзухъуначи,
Шури къяйда хумарли
ЛехІкахъибси ухъначи.

ЦІубкадухъун ляжуби
БугІярдешли ижулри,
Гугриубли бяргІибси
Гежба къяйда руржулри.

Ахирра гІямал буи,
Багълабариб ухънани,
КІапІдуциб сунна къяшми
Гугриили Нинани.

Дубурланни малхІямли
Кам кабцгъуна някъбачил
Нинала някъби, къяшми
Суркдариб дяхІиличил.

Миѣбярґиґиґси мучари
Тавралабад дурасиб,
Гушриубси рурсили
Мучарла бутґа касиб.

Гьуни гьала вашуси
Унра уршис батурси,
Чакарла кьѣжа бедиб
Нинас дубхґературси.

Уркґила ванадешли
Авлахьла миѣ бацґахьиб,
Пишяхьили ухьнани
Анцґкьира кґундацґахьиб.

Абзур бархґи башуси
Бамсур ухьнала тази,
Бархґехь баиб шилизи
Белшунси лусентази.

Базла шала кьѣйдали
Гґѣйбиуб гґяхґси хабар,
Харибиуб зягґипти
Леб или чула игьбар.

Дуранкиб ца ухьна
Зягґипси уршиличил,
Гьарахьси шилизивад
Гьалакси урчиличив.

Кьаси цула изули
Гґѣзабуркґулри урши,
"Исбагьи урус рурси,
Верцахьа, гьари, урши."

Цула кьѣйбикахьили,
Хьули вархьаиб дурхґѣ,
"Дигуливан гьарбизаб
Хґела гґямрула архґѣ."

Балагьли гьавяхьибси
Вакґиб гьалакли ца шан:
"Хґу кьанриадли, тухтур,
Хабчабла гґямру дилшан."

Валкьаурси ургьанван,
Гьалакли дурарухьун,
Изайзирад дубурлан
Рерцахьес музарухьун.

Нур дегьубти кґел хґули
Хґердикґулри бурхани,
Ажалри адархили,
Гґѣзизти жан архули.

Бегґи гґергьити карцґили
Рурси хьѣбруцруцили,
Карурхулри рацґили
Неш изай кґапґруцили.

Ахґерси нешла ниѣра
Жайчил далли кархулри,
Мамма никґа рурсили
Бухьулри сарерхурли.

Нешла кґантґиси ляжи
Хґѣршбирулри бачґили,
Хьали хґѣйранни лехґси
Чедибирхьулри хґерли.

Тухтурла ляжиличиб
Лямцґбухьун буцґарси нергь,
Изайчил чумал бархґи
Бариб сунни кахси дергь.

Гьанкґи агарти дугурба
Хґулбала гавгьар белкун,
Ца гьатґи дубурланна
Гґямрула чирагь алкун.

Махърбазир, шимазир
Демжур тухтурла хІянчи,
ЩакъдикІулри шантала
Диги, хІурмат Ниначи.

Лерил излумас дарман
Ретаурлири рурси,
СаниГІятличи сунна
Рирулри илра бурси.

Варачантиван ишар
Тумазир хІи руржулри,
Лусентала ахъдешли
ХІулбала хІер бужулри.

ХІурхъала умудешли
УркІи ясирбурцулри,
Лусентазир чІакниван,
Хъуланира урцулри.

ХІера гъанра агарли
Зимличил биркІантазиб,
Гездухъун дуцІар дигай
Нинала михърлизир.

Дигайла дуклумачир
Ахъриубли лагъаван,
Зак-рангла хІулбала регІ
ЛямцІрухъун зубариван.

ДугІеиб шилизирад
Хъябшдешла балагъуни,
Ца багъадур дарганна
Шалабариб шаб гъуни.

Гъайбатси тІамализир
МалхІямдеш зайдикІулри,
УркІи ясир бурцули
Дигай зумадикІулри.

Арадешла къабулдан
Шилизи ракІибмадан,
Илала куцли ГІяли
Ясируциб итмадан.

Хабарагарли уркІи
Бяхъиб марти дигайли,
Хъирхъа цІудара хІулби
ДицІиб сунна карцІайли.

Мургъи-ранг чурмала регІ
Рахли чераибхІели,
Иш дунъяцада бии
Сунна уркІила хІели.

ХІебла ванаси гъигъли
ДяхІи-шах ижулири,
ХъубяхІрумала байрам
Шилизиб бемжурлири.

Дузабличи дуцІариб
Дахунти айгъир урчи,
Чархла къуват умцули,
Абзбухъун жагъти уршби.

Зак-рангла жагал хІулби
Шанти ургар лямцІдухъун,
ЖидикІули ГІялизи
Щакъварес музадухъун.

Шадлихъла къушумлизир
Дам-дяд дучІулри ибкъли,
Гъарушла умеГІуни
ЛасдикІулри яргали.

СяхІбатличи гІяхІладли
Багъарбиуб дяхІира,
"Хъу духъахъан" саб или,
Разилири дурхІнира.

Бархилиуб урзалли,
"Мехъ саб – бикIар, -- гурдала»,
Гъабяхьилрину урчи,
Леббиз децI мурдала.

Хъунул зягIипли или
Тухтур рурси жирариб,
Къяцни дашул гуникад
Махьилизи гъайбариб.

Тяп берхIиван шалали
Цябси хъули арацIиб,
Нур чегибси къяйдали
Хъулибси цIябдеш бацIиб.

Изай гIязабрукIуси
Чераиб хъунул адам,
Изалара кункбиуб
Тухтур гъамриубмадан.

Канилавсини хургъри
Гъаваличи диршулри,
Къанилабси чирагъван,
ГIямру сарри дилшули.

КIел сягIятла дявлизир
Майали кIантIрикIули,
КIидехI жан дерцахьили,
Тухтур сари хIулкIули.

Бурха ахьбиубсиван
Хъалира гъарзабиуб,
Улкъай гъаргбарибсиван
ГIямзира шалабиуб.

Уршиличи хIеръили,
Ахьбуциб дудешли бекI,
КацIили азбарлизи,
Чеббяхьиб кигъала бекI.

Дубуртазив ца гъатIи
Хъубзар имцIавиънила,
Харидешлис шантани
Авид бариб шадлихъла.

ДяхIиличил биртули
Бурям зумабикIулри,
ЗягIиптачи чаррухъес
Тухтур гъалакрикIулри.

Лусенти дайдахьибси
Дякъличи ил ретаиб,
ХIусбухъунси кIиликIли
Лусентау ратаиб.

"Адамла цIумличи хIу
Музарулхъуси гъуйчи,
Вавнала марка дараб
ХIебетIахъес хIед гъуйчиб.

Урчи хатIабикили
Къардбухъалли дякъличиб,
Бамба ааб хъанцI къаркъа
ХIу кариркул къукъличиб."

Хъулкиван бархбикили
Дирихъла гъуршдешлизи,
Вайси хабарла тIама
ГIинтIбиуб махьилизи.

Марайдешлис дирихъли
Ахьбуциб цIябси кIана,
ГIялила уркIилизи
Бариб хабарли хIяна.

Балагълис музабухъун
Лебилра шила шанти,
Вявдеш дакIиб мерличи
ДуцIбухъун унрашанти.

Сунна дигайла гъайклар
Къагъдешлизир ахъруциб,
Децла ца хIярхIбаресван,
Михъирличи кIапIруциб.

УркIи сабри игули
Децли алкун цIализиб,
Къисматличи къаршили
Дарган сайри дявлизив.

КIийна дуцIбухъи ахIи
Урчили хIейхъул гъуни,
Дукла руцили ашна
БецIливан ахъиб сунни.

Больницализи Нина
Къалабали раахъиб,

Хъа гъалаб шанти тIашли
ХIебла бархIира ахъиб.


Нина арарияйчи
Гъуни бариб шантани,
Исбагъила у бихъиб
Лусеннис адамтани.

ДяхIи-шахли дигубли
Дирихъ-дягIли делкунти,
Лусентази ГIялини
УхIедалтав галгуби.

Хъар вацIала вакилта
Мулк бариб лусенна дуб,
Нинала лусеннизиб
БакIиб жагъси махъла дуз.



Фольклор



МяхІяммад
ТАХСУРМАНОВ

КЪАРКЪААУРТИ КЪУЦІРИ

БЕТАУРСИ

Гъалаб колхозла арціла, аршила хіянчила 5-6 километрла ва гъатіра имціалигъуйчи хъурали башутири.

Хъунул адамти хіянчила къукънадли баши. Илдала берк-бержла хунжи чумал эмхелічи чедирхъутири.

Илкъяйда хъунул адамти берк-бержра дарх касили, ихтилатра биклули, хіянчила батбихъили саби.

Хъар шилизи баибхелі, чула ралликъяна дурарухъайчи тлашбизурли саби. Ихтилат бемжахъурли саби, илдала умхі биалли чус тяниши гъуйчирад сарил датдихъили сари.

Се гямала ишаб ца тамашала уюн бетхлеэс? Масхарачи, адамти дукарбирхіяхан Малла Насрудингъуна Гялисултгай сунела уюн дураберкіли сай. Илни дирутачи бурсибиубли, халкъ гымра бурклули ахленри.

Хъунрани ихтилат бемжахъурхелі, шайтланра шакхеби-кесли, дигянали вашули, умхіас гъала вакіли, Гялисултгай ца юртла къапу абхъили, лерилра умхі ила духінаили сай.

Се гъанбиркура хлушаб? Лерилра хунжазирти къуцїрира, шинра, глебкнира дурасили, илдала мерличи къаркъуби кадихъили сай. Умхі азбарларад дураили, гъадяхъили сай. Сай дигянали кїунваціли сай.

Хъунри чула умхіас глеббаили, хіянчила аркъули саби.

Хіянчилизи бяхъили саби хъунрани, ургади далуйтира дучлули. Хіери баибхейс хъунрани чумал хъу диршили саби.

Барили халал хіянчира, бамсурли, хірейс кьаціли букес кабиили саби.

– Дурасая, гьари, нушала берк-берж, чила се лерал,– риклули сари кьукьялизирад халалгьуна.

– Агь! Дила кьаці кьаркъа бетаурли саби, гьбकारа клунбаціли саби!

– Гьуя, дила чудура кьаркъааурли саби!

– Дила хіялибархра кьаркъаличи шурбухъи саби!

Илкьайда лебилра хіянчизарти уркібухъи саби, бетаурси багьес хьлебирули.

– Иш се анцібукъа? Гьела замана бакіли хьлебиалли?.. – Чили барибсира иш убяхіси баркьуди?!

– Чи дукаряхібара нушачив?!

– Чиди нясли барибара?! – Пикрибиклули саби бамсурти, милигти, гушти хіянчизарти.

– Иш уюн ит Малла Насрудин, масхарачи Гьялисулттай ахли, чилилра хьлебариб, – риклули сари ца аршикьяна.

– Марлира, илала саби иш пиша, – гьимила тламри адердили сари гьурра.

– Сунес загьруаъ!

– Сай хьедерки вебк!

– Сунела кани баргберд!

– Сай хіярхіяли вяхъ! – лебилра цаван биргули саби.

– Иш буціарси бархли нуша гашара милгилира дубклахъ-уфрагу угьрашли!

Адамдеш чинара илала...

Гьимили бицібси хьунрала кьукья хіянчилабад бархьли Гьялисулттай бегітаци бакіли, илдачи чебухъи саби.

– Чинава хіушала хъямхія?

– Савли чинарил арякьун. Гьур нушанира чехлеира, – кь-антідариб бегітани.

Амма ил баркьуди чула дурхіяла биъни балулри илданира.

– Агь, иш дурхія! Халкьлис нуша ціахдирулрагу...

Вати, ишдуги бирис илис бируси нуни! – хункіра чьумадарили, урши чарухъайчи хьерли кайилри дудеш.

Сунес бируси балули, Гьялисултланра ил дуги хъайгіра вакіли ахлен.





